

# DIVI IVONIS

CARNOTENSIS EPISCOPI

## DE ECCLESIASTICIS SACRAMENTIS ET OFFICIIS

AC

PRÆCIPUIS PER ANNUM FESTIS

## SERMONES.

### 259 SERMONUM ELENCHUS.

- SERMO I.** *De sacramentis neophytorum sermo in synodo habitus.*
- II.** *De excellentia sacrorum ordinum, et de vita ordinandorum, sermo in synodo habitus.*
- III.** *De significationibus indumentorum sacerdotium.*
- IV.** *De sacramentis dedicationis.*
- V.** *De convenientia veteris et novi sacrificii, ut auctor ipse nominavit, opusculum.*
- VI.** *Quare Deus natus et passus sit.*
- VII.** *De Adventu Domini.*
- VIII.** *De Nativitate Domini.*
- IX.** *De Circumcisione Domini.*
- X.** *De Epiphania Domini,*
- XI.** *In Purificatione S. Mariæ.*
- XII.** *De Septuagesima.*
- XIII.** *De capite jejunii.*
- XIV.** *De Quadragesima.*
- XV.** *De Annuntiatione B. Mariæ.*
- XVI.** *In Ramis Palmarum.*
- XVII.** *De Cœna Domini.*
- XVIII.** *De Pascha.*
- XIX.** *In Ascensione Domini.*
- XX.** *In die sancto Pentecostes.*
- XXI.** *De cathedra S. Petri.*
- XXII.** *De Oratione Dominica.*
- XXIII.** *De Symbolo Apostolorum.*
- XXIV.** *De adulterino habitu.*

### SERMO PRIMUS

*De sacramentis neophytorum, habitus in synodo.*  
 Quoniam populus ad fidem vocatus, visibilibus sacramentis instruendus est, ut per exhibitionem visibilium, pertingere possit ad intellectum invisibilium, nosse oportet, Domini, sacerdotes, qui haec sacramenta contrectant, modum et ordinem sacramentorum, et veritatem rerum significatarum : alioqui dispensatores tantorum mysteriorum sunt tanquam cœci duces cœcorum, tantum utilitatis inde habituri, quantum capiunt jumenta quæ portant panes ad usus aliorum, licet divina gratia non deserat sacramentum, quod per eos operatur salutem populorum. Attendant ergo Dominicorum

A sacramentorum dispensatores, quia Ecclesia Christi, quotidie ex gentibus, operantibus eisdem sacramentis, aggregatur : populus acquisitionis, cuius caput est Christus, per fidem generatur : per charitatem in virum perfectum nutritur, spe æternitatis in eadem fide et charitate solidatur : et omnium sacramentorum administrationem ad hunc finem referant, ut intelligent Ecclesiam Dei tanquam domum Dei in fide fundari. Dilectionem Dei et proximi, tanquam paries bene sibi coherentes, superædificari : ejusdem altitudinem, spe æternitatis gloriosissimæ cumulari. Hoc corpus Christi, licet nativitatem capit is consuelo nascendi ordine subsecutum est, tamen hujus capit is nativitatem in unitate subsecuti corporis, quædem membra præcesserunt, patriarcha scilicet et prophetæ, et multi justi, qui prodigiis et præconiis multis, nativitatem capit is consecuti corporis præmonstraverunt. Quod bene ostensum est in Jacobo, interioris populi typum gerente, qui ad ortum festinans, manum præmisit, plantam fratris majoris natu manu tenens (*Gen. xxxvi*) : hoc facto significans quia, reprobato priori populo, cuius typum gerebat Esau, nasciturus esset minor populus, Christianorum videlicet, qui benedictionem Dei Patris æterna hæreditate possideret. Illius quippe Patris sacramenta sunt nostra documenta, quibus ille populus tanquam parvulus est lactatus : et circa unius veri Dei cultum, ne post deos vel falsos vel alienos oberraret, occupatus. Unde ab initio sæculi in omni ætate sa-

B clementia Christi et Ecclesiæ celebrata sunt quibus et ille populus nutririatur, et nostræ redemptiois modus insinuaretur. Nam prima ætate Adam de terra matre, sine terreno patre, homo ad eamdem imaginem a Deo sexto die plasmatus **260** est (*Gen. i*), et in novissima ætate sæculi, per Christum de terrena matre natum, sine terreno patre, homo ad eamdem imaginem Dei reformatus est. Ad ejus rei consonantiam, eadem ætate de latere Adæ, qui erat forma Christi futuri, Eva formata est, (*Gen. ii*), et per sanguinem de Christi latere manantem, cum aqua sanctificationis Ecclesia fabricata est. Secunda vero ætate mundi, per octo animas a submer-

sione diluvii per arcum liberatas, eadem Ecclesia figurata est, quae in spe octavæ, id est, resurrectionis, per aquas baptismi non sine auxilio ligni salvatoris, a submersione exuberantium tentationum liberata est. Tertia denique ætate populus Dei ab Aegyptiaca servitute liberatus, transit mare Rubrum : cedit mare, virga Moysis percussum : præbet viam populo Dei, hostes a tergo sequuntur, et submerguntur : et hic repetita est baptismi, per lignum salutiferum consecuti [consecrati], sanctificatio : Nam rubet mare Rubrum, rubet et baptismus, Christi sanguine consecratus. Hostes a tergo sequentes moriuntur, quia peccata præterita per baptismum delentur. Dehinc quarta ætate in illa terra Hierusalem claruit regnum David, Christi et Ecclesiæ regnum præfigurans : de cuius semine idem Christus natus est, in Ecclesia sua spiritualliter regnans, et eam sibi obtemperantem post tempora gloriose coronans. Inde est quod qui in sabbato sancto sunt baptizandi, quarta hebdomada quadragesimalis observantiae, quæ continentiae nobis arma ministrat, et quarta ejusdem hebdomadæ feria, catechizandi et exorcizandi, deferuntur ad Ecclesiam, ibi audituri et instruendi, qualiter contra spirituales nequitias sint pugnaturi : sed tamen usque in sabbatum paschale baptismus eorum differtur, hoc attendente Ecclesia, quia qui ad agonem in præsenti vita vocantur, in spe futura quietis baptizantur. Sic enim contra visibiles hostes pugnaturi, non ante quam in vita, id est, juvenili ætate, ad militiam eliguntur, ut sicut in hac ætate pugnaturi, validiores ad visibiles hostes repellendos, sic ad Christianam militiam sub typo hujus numeri electi, Christianum agonem viriliter exercant, et ut coronari mereantur, ab aie non recedant. Post tempora vero regum Israel, quinta ætate inchoante, propter perversitatem prætaxati populi captivante Babylonie rege, transmigravit ex parte idem populus in Babyloniam, et qui confusione servierat voluntarius, regi Babylonis, quod interpretatur *confusio*, servivit invitus. Post septuaginta annos faciente christo Cyro, reversus est idem populus in Hierusalem, sicut prædixerat Isaias, deinde Jeremias. Quod bene ad statum pertinet Ecclesiæ, quæ post hujus sæculi, quod septenario volvitur numero dierum [tempora quæ septenario volvuntur, post multas], multas angarias, quas passa vel passura est sub regibus hujus spiritualis Babylonie, in coelestem Hierusalem reversura est, ubi visione, pacis fructuaria est nulli ultrius confusioni servituta. Unde dicit Apostolus : Vanitati creatura subjecta est non volens, sed propter eum qui subjecit eam in spe, quia et ipsa creatura liberabitur a servitute corruptionis hujus in libertatem gloriae filiorum Dei (*Rom. viii*). Per haec omnia tempora non defuerunt viri justi futuræ Ecclesiæ membra : non defuerunt cuique temporis congrua sacramenta, tanquam populi nutrimenta. De quibus multa possent recitari, nisi staderemus brevità. Ad ultimum sexta ætate de Virgine natus est

A Christus, sicut sexta die de terra virgine plasmatus est protoplæstus. Hic Christus est finis legis, et veritas, complets omnia quæ præcesserant in umbra sacramentorum. In plenitudine temporis, sicut dictum est, natus Christus, crevit, ad virilem ætatem pervenit, tricesimo anno vitæ suæ [ætatis suæ anno, sicut], sicut tradunt evangelistæ, a Joanne baptizatus : non quia indiguit, sed quia ejus vita Christianis disciplina morum fuit. Debinc elegit apostolos, prædicavit evangelium, crucifixus est, dans nobis exemplum humilitatis et patientie ; tertia die resurrexit, in quo membra sua resurrectionis suæ spe confronnavit : proxime cœlos ascensurus, discipulos, quid agere deberent, admonuit, dicens : « Ite, docete omnes gentes, prædicate Evangelium omni creaturæ. Qui crediderit et baptizatus fuerit, salvus erit (*Matth. xxviii*; *Marc. xvi*). » Hic paucis verbis docetur Domini sacerdotes, » apostolorum successores et vicarii, de quibus dicitur : « Pro patribus tuis nati sunt tibi filii (*Psal. xliv*), » qualiter debeant rudes populos, terreni hominis imaginem adhuc portantes, catechizare : qualiter in novitate vitæ in Christi conformitatem lavacro aquæ in verbo transformare. Hoc ita factum est temporibus apostolorum et martyrum qui in Judæis et gentibus Evangelium Christi viris intelligentibus et quibuscumque personis verbi Dei capacibus annuntiaverunt. Postquam vero Ecclesia dilatata est et congregata [aggregata] in gentibus, nec inter fideles repertus est aliquis adulteri fidei non fidelis, ne parvuli eorum de hac vita ante rationabiles annos exeuntes, alieni remanerent a consortio Christi, provisa est etiam in illis medicina salutis, ut in sacramento fidei baptizarentur, et per alterius fidem reconciliarentur Deo sicut per alterius peccatum alienati erant a Deo. Institutum est itaque ad hoc novum sacramentorum genus ad catechizandos parvulos, exorcizandos, initiandos et demum baptizandos, in quibus pro parvulo audit Ecclesia, et ad interrogata respondet, donec parvulus ad intelligibiles annos perveniat et sacramenta fidei, charitatis [et spei, sibi imposita, per se intelligat. De quibus, quid significent, sacramentis, prout Dominus inspirare voluerit, charitati vestrae aliquid dicere proposuimus, ut et ipsi virtutem sacramentorum intelligatis, et auditores vestros docere studeatis.

Notandum ergo prius est, quomodo baptizandus in utero matris Ecclesiæ puer concipiatur, quibus alimentis usque ad nativitatem novi hominis in eodem utero nutritur. Tria quippe sunt, quibus usque ad indumentum novitatis, baptizandus concipitur, alitur, et usque ad novitatis integritatem provebitur, catechismi scilicet, exorcismi et orationes. Catechizatur ob hoc qui ad fidem vocatur, ut ad quod vocatur, proprio moveatur voluntatis arbitrio. Exorcizatur, ut ab eo diaboli potestas iniqua depellatur. Additur pro eo oratio, ut gratia præveniat et sequatur, quæ vires præbeat libero arbitrio, et per quam procul fiat universa maligni spiritus illusio.

**S**ignatur itaque primo baptizandus crucis signaculo in fronte, in pectore, in oculis, in auribus, in naribus, in ore, cuius virtute victus est diabolus, et exaltatus est Christus. Unde Habacuc dixit : « Cornua in manibus, ibi reposita est fortitudo ejus (*Habac.* iii). » Hoc ergo signo muniuntur totius corporis sensus, cuius virtute et omnia nostra sacramenta complentur, et omnia diaboli segmenta frustrantur. Sic cum primogenita delerentur Ægypti, populus Hebreorum, signatis postibus domorum suarum sanguine agni paschalis (*Exod.* xii), typo **261** Dominicæ passionis, salvatus est : et populus Ægyptius, quia hoc signo caruit, in primogenitis suis graviter percussus est. Sic apud Ezechielem Hierusalem ab imminente clade liberandam esse promittitur, si Thau, quæ figuram crucis exprimit, in frontibus gementium atque dolentium, id est pœnitentium, signaretur (*Ezch.* ix). Postea datur sal benedictum in os pueri, ut per typum sapientiæ sale conditus, fetore careat iniuritatem : nec a verinibus vitiorum ultra putrescat, sed incorruptus servetur, ad percipiendam plenam Christi gratiam : neque ultra a condimento sapientiæ desipiat, neque retro aspiciat, sicut uxor Lot (*Gen.* xix). Exsufflatur postea malignus spiritus foras, quod mysteria sacra significant, quando parvulus exsufflatur et exorcizatur. Non enim creatura Dei in infantibus exorcizatur et exsufflatur : sed ille, sub quo sunt, qui sub peccato nascuntur. Nondum per sacram baptismia renati sunt : sed jam per crucis signum in utero matris Ecclesiæ concepti sunt. Omnia enim chrismata sacerdotalis ministerii crucis figura perficiuntur. Omnia autem sacramenta quæ acta sunt, et aguntur exorcismis, orationibus, insufflationibus, quasi escæ sunt, quæ parvulos rescindunt in utero ut renatos aqua salutis, hilares mater Ecclesia Christo exhibeat. Postea tanguntur ei aures et nares cum saliva. Saliva quippe a capite descendit in os, supernam significans sapientiam, cuius tactu et aures cordis aperiuntur, ad intelligendum verbum Dei, et nares ad repellendum fetorem noxiarum delectationum. Unde ait B. Ambrosius in libro *De sacramentis* : Quid egimus in sabbato ? nempe apertio, quia sacramenta celebrata sunt apertio, quia aures tibi tetigit et nares. Quod significat in Evangelio Dominus Jesus Christus, cum ei oblatus esset surdus et mutus, cuius os tetigit, quia mutus, et aures, quia surdus erat, et ait : « Epheta, quod est, adaperire (*Marc.* vii). » Deinde venit sacerdos ad fontem, consecratur fons in nomine Patris, et Filii, et Spiritus sancti, quibus verbis si aqua salutis consecretur, nec a bono, melius, nec a malo pejus baptismus accipitur. Unde August. in lib. iii *De unico baptismo* : Non est aqua profana, nec adultera, super quam Dei nomen invocatur, etsi a profanis et ab adulteris invocetur : quia nec ipsa creatura, nec ipsum nomen est adulterum. Traditur etiam novæ vitæ auditoribus symbolum dei, quod per triodecim apostolos ordinatum est,

**A** et totidem sententiis comprehensum. Postremo parvulus ad baptismum interrogatur a sacerdote : Abrenuntias Satanæ et omnibus operibus ejus et pompis ejus ? ut primum respuat errorem, et sic approximet ad veritatem, ut possit, iuxta Apostolum, deponere veterem hominem cum actibus suis (*Ephes.* iv), secundum pristinam conversationem abnegans impietatem et sæcularia desideria (*Tit.* ii). Respondeat parvulus per ora gestantium, Abrenuntio. Unde Augustinus contra Julianum lib. iv : Quisquis negat per ora gestantium parvulos abrenuntiare et credere, negetur eos accipere baptismum, qui in manibus gestantium reluctantur. Idem in libro *De poenitentia* : Parvulis ad consecrationem remissionemque originalis peccati prodest eorum fides, a quibus offeruntur, ut quascunque maculas delictorum per alios, a quibus nati sunt, contraxerunt, aliorum etiam interrogatione purgantur. Post abrenuntiationem ungitur catechumenus oleo sacro in pectore, tanquam muniatur adversus hostem invisibilem, ne ei immunda et noxia persuadeat desideria. Ungitur et inter scapulas, ubi est vigor portandi onoris, ut fortitudinem accipiat ad portandum pondus diei et æstus, sicut bonus athleta. Exinde exquiritur ab eo, si credit in Deum Patrem omnipotentem, et in Iesum Christum Filium ejus unicum Dominum nostrum, et in Spiritum sanctum, unum Deum in Trinitate et in unitate, si confiteatur unam esse sanctam Ecclesiam catholicam, et si credit remissionem peccatorum, et vitam æternam. Hæc omnia si profiteatur se credere, jam incipit in eo mortuus homo, et per fidem vivere novus homo, qui secundum Deum creatus est in justitia et sanctitate veritatis (*Ephes.* iv). In abrenuntiatione prioris possessoris, suadente charitate, jam vult in legitimi possessoris transire domum, in quem jam profitetur se credere, et ab æterna præmia expectare. Jam expurgatum est vetus fermentum (*I Cor.* v) : sed nondum est nova conspersio, nisi sacri fontis sequatur ablutio. Sub responsione igitur trinæ interrogationis, trinæ mersione catechumenus a sordibus vetustatis abluitur, et novum hominem indutus, triduanæ Domini sepulturæ conseptelitur. Unde ait Apostolus : Quicunque in Christo Iesu baptizati sumus, in mortem ipsius baptizati sumus. Conseptuli enim ei sumus per baptismum in morte, ut quomodo Christus resurrexit a mortuis, ita et nos in novitate vitæ ambulemus. Si enim complantati facti sumus similitudini mortis ejus, simul resurrectionis erimus (*Rom.* vi). Hinc etiam B. Ambrosius in lib. *De sacramentis* : Interrogatus es, Credis in Deum Patrem omnipotentem ? dixisti, Credo, et mersus es, id est, sepultus es. Iterum interrogatus es : Credis in Dominum nostrum Iesum Christum, natum et passum ? dixisti : Credo, et mersus es, id est, Christo conseptulus es. Qui autem Christo conseptelitur, cum Christo resurget. Tertio interrogatus es, Credis et in Spiritum sanctum ? dixisti : Credo, et tertio mersus es, ut multiplicem lapsum cogitationis, locationis, operationis,

aboteret tertia confessio. Hanc sacri baptismatis emundationem in similitudinem mortis Christi celebratam, præfigurabat aqua aspersionis in veteri lege (*Num. xix*), qua emundabatur qui morticinum tetigerat, ut in castra reverteretur, cui immistus erat cinis vitulæ rufæ extra castra combustæ, hyssopus quoque, coccus, et cedrus. Vitula quippe illa, quia semineus est sexus, fragilitatem, id est, passibilitatem carnis Christi significat. Rufa propter effusionem sanguinis, que etiam extra castra ejecta est: quo figurabatur, quia et Dominus passurus, extra civitatem ductus est. Quod vero sanguine ejusdem vitulæ septies aspergebatur tabernaculum et omnia vasa tabernaculi, plenam significat emundationem, quam intus et extra [foris] contulit sanguis Christi. Anima enim constat triplici virtute, corpus vero quaterna elementorum complexione: quæ utraque mundata sunt Christi sanguinis aspersione. Quod vero carnes ejusdem vitulæ, et corium, et stercora conburebantur, hoc significatum est, quia tota humilitas et ignominia passionis, versa est in gloriam resurrectionis: quam bene ignis significat, qui semper ad superiora tendit, et quod assumit, in se convertit. Quod autem hyssopus huic aspersioni admiscetur: hoc significatur, quia in fide mortis Christi peccata mundantur. Unde ait Apostolus: « Fide mundans corda eorum (*Act. xv*). » Hyssopus quippe ideo fidem significat: quia cum sit herba humilis, firmiter hæret in petra. **262** Coccus ideo huic mundationi adhibetur, quia flammeo colore charitatem significat, sine qua mortuum est quidquid fides operatur. Cedrus quoque huic mundationi opitulatur, quæ impetrabilis arbor dicitur, et in excelsis montibus radicat, et ideo spem incorruptionis et supernæ gloriæ significat. Horum omnium conjunctio aqua aspersionis consecratur, quia qui mortuum tetigerat, ut dictum est, emundatur, quia qui operibus mortuis, id est, peccatis originalibus liberatur, baptimate sacro in fide mortis Christi et resurrectionis, cum sponsione charitatis et spei baptizatur. Unde Apostolus ad Hebreos: « Si sanguis vitulæ aspersus inquinatos sanctificat ad emundationem carnis, quanto magis Christi sanguis, qui per Spiritum sanctum obtulit se Deo, emundabit conscientias nostras ad servendum Deo viventi? » (*Heb. ix*.) Notandum est quod dicit, si fuerit mortuus ante purificationem, manere in immunditia, et perire animam illam ex Israel, id est, a consortio populi Dei. Quo quid aliud vult dicere, nisi manere pœnam animæ illi et post mortem, si dum vivit, non fuerit mundata isto sacramento, quo figuratur Christi baptismus? A viro autem mundo dicit hanc purificationem fieri: ubi significantur ministri portantes personam Domini sui, qui est vir mundus. Unde in sequentibus de eo qui conspergit aquam aspersionis, ut lavet vestimenta sua, id est, ut sit mundus mente et corpore. Completis jam baptismo sacramentis, cum baptizatus de fonte ascenderit, sacro chrismate ungitur in vertice, ut cognoscatur se promotum esse in regium genus et sa-

cerdotale, id est, ut a Christi consortio vocetur Christianus, et æterni regni sit cohæres, hoc sacramento post aquam [postquam] perfectio sit, quando ad invocationem sacerdotis Spiritus sanctus insunditur. Exinde traditur Christiano vestis candida, ut qui primæ nativitatis decorum, vetustatis pannis obfuscaverat, habitu regenerationis gloriæ præferat indumentum. Tegitur etiam post sacram unctionem ejus caput sacro velamine, ut intelligat se diademate regni, et sacerdotali, sicut dictum est, dignitate potiri. Ad ultimum datur cereus accensus in manus baptizati, et quatenus implere doceantur illud Evangelii: Sic luceat lux vestra coram hominibus, ut videant opera vestra bona, et glorificant Patrem verum qui in cœlis est (*Matth. v*). » Quod si perseverauter fecerit, non cum fatuis virginibus, extincta lampade, a janua sponsi repelletur, sed cum prudentibus glorificandus colligetur (*Matth. xxv*). His omnibus supra memoratis sacramentis novus homo in utero Ecclesie inchoatur, provehitur, consummatur, et unitati Ecclesiæ aggregatur: unde etiam, si ejus est valetudinis, sacramentis unitatis, id est Christi corpore et sanguine confirmatur. Cum vero ad intelligibiles annos pervenerit, monendus est a presbyteris, et ab his per quorum vocem abrenuntiavit et fidei symbolum accepit, quatenus quæ per aliorum ora promisit, jam studeat corde credere, et proprio ore confiteri, et opere imitari. Unde Augustinus in sermone habito. Dominica prima post Pascha: Vos ante omnia tam viros quam feminas moneo, qui filios in baptismo suscepistis, ut vos cognoscatis fidejussores exstitisse apud Deum pro illis, quos de sacro fonte suscepistis. Ideo semper eos admonete, ut castitatem custodiant, justitiam diligant, charitatem teneant: hoc omnibus faciant, quod sibi fieri volunt: auguria [non servent: ad arbores et frondes [fontes] vota non reddant: praecantatores aut caragios et sacrilegia aut phylacteria, veluti diaboli venena, fugiant: nec furtum faciant, nec falsum testimonium dicant. Ante omnia symbolum et orationem Dominicam et vos ipsi teneite, et illis quos exceperitis, ostendite. Praeterea docendus est unusquisque Christianus, ut eum qui se de sacro fonte suscepit, ita diligit sicut patrem: » Nec filius cum filia, nec filia cum filio patri sui spiritualis conjugium ineat: quod non esset dicendum conjugium, sed potius incestum contubernium. Unde Papa Nicolaus ad responsum Bulgarorum: Est inter fratres et filios spirituales gratuitæ et sanctæ communio: quæ non est dicenda consanguinitas, sed potius spiritualis germanitas. Unde arbitramur inter eos non posse fieri aliquod legale conjugium. Ilæc et alia similia necessaria et honesta debent nosse Domini sacerdotes, et docere suos auditores, quatenus qui audiunt, corum ducti recte vivant, et ipsi de bona administratione mercedem accipient, et non gementes, sed cum gaudio rationem reddant.

## SERMO II

*De excellentia sacerorum ordinum, et de vita ordinandorum, in synodo habitus.*

Quia Christianam militiam in baptimate professi estis, et arma spiritualia contra hostes invisibles per manus impositionem accepistis, in castris Domini tanquam gregarii milites aliquandiu militastis, si tamen ea quæ Christiano nomini sunt inimica respuitis, et ea quæ conveniunt, facere studiatis. De Christiana militia, quæ vobis cum cæteris fideli bus communis erat, clericatum elegistis, id est mundo renuntiare, et cum habitu humilitatis, affectum promittere humilitatis, ut illud Psalmista merito dicere possetis : « Elegi abjectus esse in domo Dei mei, magis quam habitare in tabernaculis peccatorum (*Psal. xxiii.*). » Non est vestrum primum lecum quererere in mensa Domini vestri, nisi qui vos invitavit, dicat alicui vestrum : « Amice, ascende superius (*Luc. xiv.*) : » ut sit ei honor coram simul discubentibus. Nemo enim ad hoc debet fieri clericus, ut serviat voluptati, studeat curiositati, inhabet ambitioni; nec aliud querat, nisi ut Deum hæreditate possideat, quem elegit, et a quo electus est, quando in clericum assumptus est. Hoc enim in Græco nomen clerici sonat, quod de sorte sit Domini, quia et Deus sortitus sit eum, et ipse sortitus sit Deum. Quod clericus sortitus sit Deum, bene dicitur in psalmo, in persona ipsius clerici, cum stigmate clericatus insignitur. Dicitur enim Deo : « Dominus pars hæreditatis meæ (*Psal. xv.*). » Et in alio psalmo : « Haec est generatio quærentium Dominum, quærentium faciem Dei Jacob (*Psal. xxiii.*). » Quod vero Dominus sortitus sit ipsum clericum, in ipsius clerici tonsione dicitur ex superiori psalmo in persona Domini : « Funes cederunt mihi in præclaris, etenim hæreditas mea præclara est mihi (*Psal. xv.*). » Unde qui per clericatus officium aliud querit quam Deum, nec a Deo electus est, nec Deum elegit, qui in sorte sua creaturam Creatori aut præposuit, aut æquiparavit. Haec dicentes, non interdicimus vobis hujus vitæ necessaria, sed de oblationibus, vel de opere manuum, vel de aliis innocentibus artibus conquisita, non de usuris, non de turpibus lucris, non de negotiationibus **263**, vel aliis illicitis artibus compilata. Sic enim tribus Levi, quæ in figuram clericalis ordinis præcessit, partem non habuit inter reliquas tribus, sed vivebat de primitiis, decimis et oblationibus, quas offerebant alias tribus. Si ergo et vos de stipe templi vivere disponitis, si extra Deum nihil queritis, qui, si eo contenti fueritis, erit vobis amplissimum et uberrimum præmium, et salubriter ad clericatum accessistis, quia et vita vestra concordat cum nomine, et professio apparet in opere. Alioquin, si paupertatem et humilitatem, quam præfert habitus corporis, et figura capitis, in corde non habetis, timeo ne cum hypocritis sit pars vestra, et spes vestra ab æterna mercede sit vacua : qui non ut clerici, sed ut acephali in clericali militia

A sola queritis luca temporalia. Ad hoc enim capillos in modum coronæ in summitate capitis raditis, ut et regnum spirituale, quo cæteris præminetis, tali figura ostendatis, et curæ mortalis illecebras frequenter redeuntes, sic amputatis de corde, sicut crines frequenter resurgentis, abraditis de capite. Residuos autem capillos eo ordine præcidere debetis, ut aures, oculos, et alios sensus capitis liberos reddant : et curam exteriorum non in superfluis desideriis earnis, sed necessariis tantum exercendam agnoscant. Si ergo ad ambulandum in via Dei, sicut prætaxatum est, affecti estis, et clerici vocari dignestis, et ad majora militiae clericalis officia promoveri. Hæc officia septem gradibus sunt distincta, quia sancta Ecclesia septiformis gratiae est munere decorata. Hæc officia in propria persona Dominus noster ostendit, et Ecclesiæ suæ exhibenda reliquit : ut forma quæ præcesserat in capite repræsentaretur in corpore.

In his septem officiis primus gradus est ostiarius qui possunt discernere inter bonos et malos, dignos et indignos, et admittere in Ecclesiam quos sciunt esse dignos, et repellere quos sciunt esse indignos. Iste cura est et introitum Ecclesiæ servare, et res Ecclesiæ pervigili cura custodire. Unde et eis, cum ordinantur, claves Ecclesiæ ab episcopo traduntur, et dicitur eis : « Sic agite, tanquam rationem Deo reddituri pro rebus quæ his clavibus recluduntur. Hoc officium Dominus noster nobis initiauit, quando flagello de funiculis facto, et vendentes et ementes de templo ejecit, et cathedras nummulariorum evertit (*Joan. ii.*) : » hoc facto significans, quod omnis negotiatio rerum Ecclesiasticarum, ab Ecclesia pellenda sit. Unde et ipse ostiarius præstatuus dicit : « Ego sum ostium (*Joan. x.*) : » per me si quis introierit, ingredietur et egredietur, id est, qui canonice administrationem ecclesiastici regni acceperit, ingredietur, id est, a me recipietur : et egredietur, quia peracta dispensatione sibi credita, a servitute hujus corruptionis liberalitur.

Inde promovetur ad officium lectorum, ut jam ex traditione Ecclesiæ legat in Ecclesia propheticas et apostolicas lectiones. Unde et eis, vidente populo, traditur codex divinarum Scripturarum, et dicitur eis : « Accipite, et estote verbi Dei relatores ; habituri, si fideliter et utiliter impleveritis officium, partem cum his qui bene ministraverunt. Illic quidem, qui ad hunc gradum provehitur, litterarum scientia debet esse instructus, ut et sensum verborum intelligat, vim accentuum sciat, distincte legat, ne confusione pronuntiationis, intellectum auditoribus auferat. Attendat quid sit indicative legendum, quid sub interrogatione, ubi sit in oratione subdistinctio, media distinctio : quia et haec male servata, intellectum perturbant, et grammaticorum typum ad risum provocant. Auribus enim et cordi consulere debet lector. Hoc officium Dominus noster in propria persona ostendit, quando in medio

seniorum, librum Isaiae prophete aperiens, distincte ad intellectum legit : « Spiritus Domini super me, ad evangelizandum pauperibus misit me (*Luc. iv; Isa. LXI*), » et cætera que in eodem sequuntur capitulo : ut hoc exemplo cognoscat lector quia spirituali gratia debet clarere, et sic auditoribus verbum Dei prædicare.

Tertio loco sequitur ordo exorcistarum, qui super catechumenos faciunt sacramenta apertioonis, et habent spiritale imperium super spiritus immundos, ad ejiciendos eos de corporibus obsessis. Debet autem habere spiritum mundum, qui spiritibus imperat immundis, ut concordet vita cum officio, et inalignum, quem per acceptum officium expellit de corpore alieno, per munditiam vitæ expellat de corde suo, ne medicina quam alii facit, sibi non proposit, et ne dicatur ei : « Medice, cura te ipsum (*Luc. iv*), » si per immunditiam conscientiae spiritum retinet immundum. » Hi cum ordinantur, accipiunt de manu episcopi librum exorcismorum, et dicitur eis : Accipite et hanc totæ potestate ponendi manum super energumenum sive catechumenum. Hoc officio usus est Dominus, quando saliva sua tetigit aures surdi et muti, et dixit : « Euncta, quo! est adaperire (*Mari. vii*). » Quo exemplo [hoc exemplo] docuit nos, tali sacramento aperire debere aures praecordiorum ad intelligendum, et os ad confitendum : quod sit [quid sit], cum expulso dæmone, verus possessor recipit vas suum.

Quarto loco accedunt acolyti, qui Latine dicuntur ceroferarii, quia ceros accensos deferunt dum legitur Evangelium, vel dum offertur sacrificium, non ut tenebras hujus aeris illuminent, sed ob hoc ut sicut visible lucem manibus gestant, ita opera lucis proximis ostendant, et more lucis errantibus viam in tenebris palpantibus ducatum præbeant. Hoc officium Dominus se habere testatur, in Evangelio dicens : « Ego sum lux mundi : qui sequitur me, non ambulabit in tenebris, sed habebit lumen vitæ (*Joan. viii*). » Hi cum ordinantur, postquam electi fuerint ab episcopo qualiter in officio agere debeant, accipiunt ab archidiacono candelabrum cum cero : ut sciant se ad accendenda luminaria mancipari. Accipiunt urceolum vacuum ad infundendam aquam in calicem, quo consecrandus est sanguis Christi. Ubi sit commemorationis sanguinis de Christi latere profluentis, et aquæ inde procedentis. Quæ duo idecirco in calicem commiscentur, quia Christi sanguine sumus redempti, et aqua baptismi a peccatis abluti (*Joan. xxi*).

Quinto loco ordinantur subdiaconi, qui jam ministerio altaris approximat, quia vasa corporis et sanguinis Christi portant. Uade lex continentiae eis imponitur, quatenus implent illud Prophete : « Mundamini, qui fertis vasa Domini: (*Isa. LII*); » id est ut et seipso exhibeant vasa in honorem, non in contumeliam, et vasa ista quibus ministratur corpus [corpori] Domini, deferant ad altare, et referant ab altari ad Dei gloriam, scilicet

A ut fugiant omnem carnis immunditiam. Isti ministri officiis Levitarum, et in templo Domini oblationes suscipiunt à populis. Ad istorum provisionem pertinet, tantum de oblationibus **264** prænere in altari, quantum possit populo sufficere. Ad horum pertinet officium, corporales, pallias, et substratoria lavare, et aquam in baptisterium ingerere [urgere]. Hi cum ordinantur, accipiunt paternam vacuam, et calicem vacuum de manu episcopi. De manu vero archidiaconi, accipiunt urceolum cum aqua, mantile et [aquam amanili et] manutergium, quibus mundare debent manus sacerdos et levita, tractaturi Dominica sacramenta. Hoc officio usus est Dominus, quando facta cœna cum discipulis, linteo se præcinxit : et nittens aquam in pelvam, pedes discipulorum lavit, et linteo extersit. (*Joan. XIII*.) Una significatio est linteum et manutergium, quæ de lino sunt : et multis castigationibus et ablutionibus ad candorem perveniunt. Linteo ergo pedes pulvere foediti prius aqua lavantur, deinde linteo exterguntur. Sic cum Psalmista dicimus : « Lavabo per singulas noctes id est per singulas offendentes, » lectum meum (*Psal. VI*), id est conscientiam meam, in qua sarus quiesco, æger labore, et cum Apostolo : « Castigo corpus meum, et in servitudinem redigo (*1 Cor. ix*). » Eodem modo ministri manus lavant et tergunt ter, cum omnem terrenam concupiscentiam de operibus suis excutient.

B Diaconorum ordo est in sexto loco, non sine aliquo senarii mysterio, quo, propter sui perfectionem, significatur operum perfectio. Hic ordo in Veteri testamento a tribu Levi habet exordium : præcipit enim Dominus Moysi (*Num. II, III et IV*), ut post ordinationem Aaron et filiorum ejus, rursus tribus Levi ad divini cultus ministeria ordinaretur, et consecraretur Domino, et servaret pro Israel coram Aaron et filiis in tabernaculo Dei, ipsique gestarent arcam, et tabernaculum, et omnia vasa ejus, et in circuitu tabernaculi ipsi castra construerent, et transportando tabernaculum ipsi deponerent, rursus ipsi componerent. A viginti autem annis et supra, jussi sunt servire in tabernaculo, quam regulam sancti Pares et in Novo Testamento constituerunt : quoniam haec actas ad portanda onera robusta est, quod illi ordini a Moyse institutum est, quod etiam in Novo Testamento repræsentatur, cum diaconis super sinistrum humerum stola ponitur, et casula in diebus jejunii super eumdem humerum complicatur. Quia quidquid laboris et sustinentie in hac vita toleramus, tanquam in sinistra portamus, donec in dextra, id est in æternitate requietem habeamus. Hic ordo in Novo Testamento ab apostolis initium sumpsit, quando, sicut legitur in Actibus apostolorum, septem viros boni testimonii plenos Spiritu sancto ad hoc officium elegerunt, et oratione præmissa, manus eis impoauerunt (*Act. vi*). Exinde apostoli et eorum suc-

cessores decreverunt, ut in omni matrice [matre] A Ecclesia septem diaconos circa aram Christi sublimiori gradu tanquam columnæ altaris assisterent, non sine aliquo septenarii mysterio. In quo significatur ut septiformis gratiae spiritu præfulgentes, sancti sint corpore et spiritu. Hic enim numerus cum constet quaternario et ternario, quaternarius refertur ad corpus, propter quatuor elementorum in corpore consonam complexionem: ternarius vero ad animam, propter triplicem animæ virtutem, propter quam jubemur Deum tripliciter diligere, id est toto corde, quod refertur ad intellectum; tota anima, quod refertur ad voluntatem; tota mente, quod refertur ad memoriam. Hi sunt septem angeli, quos legimus in Apocalysi tuba canentes (Apoc. viii): angeli, quia nuntii: tuba canentes, id est alta mysteria de interna aspiratione foris resonantes. Hi sunt septem candelabra aurea, id est lucem Evangelii manibus, id est in operibus præferentia, et ad omnem ignis, id est tribulationis examinationem probata, hi quoque sunt tonitrua septem, bestiales mentes terribili comminatione velut quodam terribili tonitru commoventia. Tale tonitru emittebat Joannes Baptista, quando dicebat: « Genimina viperarum, quis dabit vobis fugere a ventura ira? » (Matth. iii.) Et Dominus in Evangelio: « Omnis arbor quæ non facit fructum bonum, excidetur, et in ignem mittetur (Matth. vii). » Et in hunc modum plurima. Isti in modum præconis, manifeste admonent cunctos ad orandum, et ad genu flectendum: Isti evangelizant, isti sacramenta dispensant. Sacerdotibus non licet calicem Domini in missa [mensa] tollere, nisi traditus eis fuerit a diacono. Levitæ hostias super altare ponunt: ipsi mensam Domini componunt, ipsi altare mysteriorum [alta mysteria] operiunt: ipsi albis vestibus induti, altari assistunt. Qua in re significatur quam munditiam candoris, quam præferunt in corpore, debeant habere in mente. Tales enim Deum decet habere ministros, qui nullo carnis contaminentur contagio, sed plena mentis et corporis castitate præfulgeant. Quales enim diaconi ordinandi sunt, Apostolus plenissime docet scribens ad Timotheum. Nam cum de sacerdotibus præmisisset, subjunxit: « Diaconos similiter oportet esse irreprehensibiles (I Tim. iii), » id est sine crimine, sicut episcopos; pudicos, id est a libidine continentes; non bilingues, scilicet ne conturbent pacem habentes; non multo vino deditos, quia ubi ebrietas, ibi libido et furor dominatur; non turpe lucri sectantes, ne de spirituali ministerio terrena lucra sectentur. Post haec adjecit: Hi autem probentur primum, et sic ministrant, nullum crimen habentes. Hi itaque sicut episcopi ante ordinationem examinari debent, et si digni inventi fuerint, ad sacrum ministerium sunt applicandi. Hoc officio usus est Dominus (Joan. xiii), quando post cœnam proprio ore et propriis manibus sacramenta confecta dispensavit, et quando apostolos dormientes ad orationem invitavit [incitavit], dicens: « Vigilate et orate, ne in-

tretis in temptationem (Matth. xxvi). » Hi cum ordinantur, solus episcopus eis manus imponit, quia ad ministerium [ad sacrificium], non ad sacerdotium applicantur. Ponitur eis orarium ab episcopo super sinistrum humerum, ut per hoc agnoscant se acceptisse jugum Domini, quo omnia quæ ad sinistram, id est presentem vitam pertinent, et premant, et jugo Domini subjiciant. Accipiunt et textum evangeliorum de manu episcopi, per quod intelligent se debere esse præcōnes evangelii.

Presbyterorum ordo a filiis Aaron sumpsit exordium, qui cum episcopis in pluribus commune habent officium: et qui nunc presbyteri vocantur, tunc sacerdotes vocabantur, et qui nunc sunt pontifices, tunc dicebantur sacerdotum principes. Distat B autem hoc tantum inter pontifices et hujus temporis sacerdotes, quia scilicet solis pontificibus addita est clericorum ordinatio, basilicarum dedicatio, chrismatis consecratio, et manus impositio, et communis super populum benedictio: cum in aliis sacramentis, cat. chizzandi, missam celebrandi, in ecclesia verbum faciendo 265 ad populum, communis utriusque sit dispensatio. Sed summis sacerdotibus ea quæ prætaxavimus, idcirco reservata sunt, ne eadem potestatis auctoritas, ab omnibus vindicata, insolentes redderet, et soluto obedientiæ vinculo, scandalum generaret. Qui autem Græce dicuntur presbyteri, Latine dicuntur seniores, non tam ætate quam prudenter et morum maturitate. Unde dicitur in libro Sapientie: « Cani sunt sensus hominum, et senectus hominis, vita immaculata (Sap. iv). » Presbyteri quippe successores et vicarii sunt septuaginta discipulorum, qui præcedebant Dominum Jesum in omnem civitatem et locum quo ipse erat venturus (Luc. x). Ita presbyteri, quia adjutores sunt episcoporum, rudes populos initiant, baptizando unitati Ecclesie incorporant, et omnibus sacramentis usque ad manus impositionem populo Dei ministrant. Episcopi vero successores sunt apostolorum, qui ex necessitate adjutorium et supplementum sui officii, quo facilius plebes innumeratas regere possint, ministerium sibi expetunt sacerdotum. Sicut Moyses in cremo septuaginta viros prudentes elegit (Num. xi), quorum consilio et auxilio immensam multitudinem populi Israel facile gubernaret: sive autem sint minoris ordinis, sive summi ordinis sacerdotes, vicem Christi summi pontificis gerunt, dum populos deliquescentes ad poenitentiam vocant, et orationum suarum medicamento sanant. Unde Apostolus dicit: « Deus erat in Christo, mundum reconcilians sibi, et posuit in nobis verbum reconciliationis. Obscurus ergo pro Christo, reconciliamini Deo (II Cor. v). » Funguntur itaque, ut dictum est, officio mediatoris, dum pro populo Deum interpellant, dum poenitentes absolvendo reconciliant. Unde oportet, ut sicut mediator Dei et hominum, per hoc quod fuit particeps nostræ mortalitatis, mundum reconciliavit, per hoc quod fuit particeps divinitatis, absolvit: ita utriusque ordinis sacerdotes tanquam boni mediato-

res, et peccatoribus compatiantur per conscientiam suæ infirmitatis, et Dei [eum Deo] pacem habeant per eminentiam sanctitatis. **C** Mediator enim, ut ait Apostolus, unius non est (*Gal. iii.*). Quia utrique parti quam pacificare vult, amicus est. Quales debeant esse presbyteri, idem Apostolus scribens ad *Titum*, ita corammemorat: « Hujus rei gratia reliqui te Cretæ, ut constituas per civitates presbyteros, quemadmodum ego tibi disposui (*Tit. i.*)». Si quis sine crimine est, uuius uxoris virum, filios habentem fideles, non in accusatione luxuria, aut non subditos. Oportet enim episcopum sine criminе esse. Qua sententia ostendit etiam presbyteros sub episcoporum nomine taxari. Unde et ad *Timotheum* de ordinatione episcopi et diaconi scribit (*I Tim. iii*), de presbyteris vero tacuit, sub nomine episcoporum eos intelligens. Unde etiam tales in Ecclesia presbyteros constitudos esse sicut episcopos, et Apostolus ad *Titum* loquitur (*Tit. i.*), et canones ipsi testantur: Ili cum ordinantur, episcopo eos benedicente, et manum super capita eorum tenente, omnes presbyteri, qui præsentes sunt, manus suas juxta manum episcopi super capita eorum levant, et Spiritum sanctum super eos qui ordinantur, invocant: hi post invocationem sancti Spiritus, stolam super utrumque humerum accipiunt, quæ in modum sustentaculorum, dextrum latus inunit et sinistrum: ut per hoc intelligent se per arma justitiae a dextris et a sinistris esse munitos. ut eos nec adversa frangant, nec prospera extollant. Accipiunt et calicem cum vino, et patenam cum hostia de manu episcopi, quatenus his instrumentis potestatem accipiant placabiles hostias Deo offerendi. Hoc officio usus est Dominus Jesus Christus (*Math. xvi*; *Marc. xiv*), quando post coenam panem et vinum in corpus et sanguinem suum commutavit, et ut in memoriam suæ passionis idem ficerent, discipulis suis ordinavit. Hoc etiam manifestius et excellentius officium implevit, quando ipse idem sacerdos et hostia, seipsum in ara crucis propter peccata humani generis obtulit, et per proprium sanguinem sancta æterna introiens, cœlestia et terrestria pacificavit. In quo apparet quanta sit excellentia sacerdotalis officii, per quod quotidie in altari Christi passio celebratur, et reus quisque a peccatis conversus Deo reconciliatur. Quibus omnibus de sacerdotali ordine breviter pertractatis, admonendi sunt Christi sacerdotes, quatenus sicut excellunt ordinis dignitate, sic excellant virtus sanctitate, ut et plebs eis commissa, eorum disciplinis edocta, gratauerit eis obediatur, et eorum imitatione de die in diem proficiat.

### SERMO III

*De significationibus indumentorum sacerdotalium in synodo habi us.*

Quia sanctitas ministerii sanctitatem expedit ministrorum, quales ad sacerdotium promoveri debeant personæ, in superiori sermone breviter ex apostolica institutione commemoravimus: sed in quo habitu ordinari vel ad altare accedere debeant

illi sermoni non inserimus. De indumentis ergo sa-  
cerdotalibus, vel de pontificalibus diligenter considerandum est quid in moribus sacerdotum significet illa varietas vestium, quid fulgor auri, quid nitor gemmarum: cum nihil ibi debeat esse ratio-  
ne carens, sed forma sanctitatis et omnium imago  
virtutum. Sicut enim bona donus in ipso vestibili agnoscitur, sic Christi sacerdos cultu sacrarum vestium ostendit exterius, qualis apud se esse de-  
beat interius. **I**ste autem sacrarum vestium ritus per Moysen sumpsit exordium: quamvis Christiana religio plus intenta rebus quam figuris, sacerdores suos non omnibus illis veteribus induit ornamenti. Inspiciamus ergo prius veterum ornamenta ponti-  
cum, vel quo ordine illis utebantur, vel cum ordi-  
narentur, vel cum thymiana oblaturi, Sancta san-  
ctorum ingrederentur. Deinde nostra cum illorum indumentis conferentes, quid simile, quid dissimile  
inter se habeant, et quomodo etiam in rebus signifi-  
catis convenient attendamus. Duo enim Cherubim propitiatorium aspiciunt (*Exod. xxiii*), quia sacra-  
menta utriusque Testamenti ad divinæ propitiatio-  
nis fidem intendunt, quæ in sacerdotio veteri sub multipli est sacrificiorum velamine adumbrata: in Novo autem Testamento per unum verum perfe-  
ctumque est sacrificium completa. In ornamentis itaque utrorumque sacerdotum et sublimitas sacer-  
dotii commendatur, et sacerdotum casta dignitas  
significatur, quatenus per exteriorem habitum dis-  
cant quales intra se debeant esse, qui vices illius  
**C** veri summique pontificis gerunt, in quo fuit onnis plenitudo virtutum, quam proflentur exteriora orna-  
menta membrorum. Sed jam ad id, quod proposu-  
mus, veniamus: et primum qualiter Moyses, **266** Aaron et filios ejus, Domino jubente, ornaverit, et poste induerit, videamus. Sic enim legitur in Levi-  
tico: « Et fecit Moyses, sicut præcepit ei Dominus: et convocavit synagogam ad januam tabernaculi te-  
stimonii, et applicuit Moyses Aaron fratrem suum et filios ejus, et lavit eos aqua, et vestivit eum tunica, et præciuxit eum zona, et vestivit eum tunica interiore, et imposuit ei superhumeral, et ciuit cum secundum facturam humeralis, et imposuit super eum logion, et super logion manifestationem et veritatem, et imposuit super caput ejus mitram, et posuit super mitram ante faciem ejus laminam au-  
ream, in qua scriptum erat nomen Domini (*Levit. viii*).»

Notandus est ordo verborum. Licet enim de con-  
stituendo pontifice præcepisset Dominus, et elegi-  
set, tamen vocatur synagoga. Idecirco enim requiri-  
tur præsentia populi in eligendo sacerdote, ut scian-  
omnes quia qui doctior est ex omni populo, qui omni  
virtute præstantior, hic eligi debet ad sacerdo-  
tium, et hoc cum consensu Ecclesiæ, ne qua postea  
retractatio, ne quis scrupulus remaneat, sed omni-  
um testimonio commendetur, secundum Aposto-  
lum: « Oportet Episcopum bonum habere testimo-  
nium ab his qui foris sunt (*I Tim. iii*).» Ita plebis  
testimonio approbatæ primo lavat, poste induit.

Moyses quippe in hoc facto typum legis gerit, qui ordinandos sacerdotes prius lavat, antequam induat. Nisi enim quis prius fuerit per legis observationem probatus, non est ad sacerdotium promovendus. Ita vero probatus, induitur tunica, quæ apud eos byssina est, apud nos linea. Byssus enim est genus lini candidissimi, et ad summum candorem multa vexatione et ablutione perductum. Significat autem perfectam carnis munditiam, secundum illud quod in Apocalypsi legitur : « Byssus sunt justificationes sanctorum (Apoc. xix). » Hanc munditiam caro sacerdotis ex se non habet, sicut nec linum ex se est candidum : sed, sicut dictum est, multis castigationibus et ablutionibus redditur candidum, ut aptum fiat indumentis pontificum. Forma est sacerdotalis munditiae, ut, secundum Apostolum, sacerdotes carnem suam castigent, et in servitatem redigant (I Cor. ix) : et præeunte gratia, habeant per industriam quod non potuerunt habere per naturam. Haec vestis Græce ποδάρις, id est talaris, appellatur, quia a collo usque ad talos extenditur : et ita est arcta, et membris corporis contemperata, ut sua forma testificetur sacerdotem nihil habere dissolutum, nihil remissum, sed ad omne opus bonum esse expeditum. Haec eadem vestis circa renes zona fortius astringitur, ut castitas sacerdotis nullo incentivorum æstu dissolvatur. Quod bene significatur in quatuor coloribus, quibus zona illa variata erat, bysso, purpura, hyacintho et coco. Quibus coloribus quatuor elementa significantur, quorum complexione natura constat humana, quorum dis temperantia fluxus carnis generat, nisi medicinali cohibeatur continentia. Talium enim conjectores naturam, per byssum, quia de terra oritur, terram; per purporam, quia sanguine cochlearum marinorum tingitur, aquam; per hyacinthum, quia color sereni aeris imitatur, aerem; per cocum, qui colore flammeo rutilat, significari ignem voluerunt. Quorum, ut dictum est, exuberantia in renibus maxime superfluos humores, pravi humores illicitos motus generunt, qui nisi freno parcimoniae reprimantur, castitatis dignitas in eis facilis impulsu pericitatur. Ubi autem major est pugna, major est adhibenda custodia. Inde est quod inter indumenta pontificalia adhuc circa renes applicantur linea feminalia, non tam ad velandam carnis turpitudinem, quæ jam solitis operis vestimentis, quam propter signum castitatis conservandæ. Unde et Apostolus dicit : « Honesta nostra nullius egent. Quæ autem in honesta sunt, his abundantiorem honorem circumdamus (I Cor. xii). » Feminalibus non utuntur novi sacerdotii pontifices, quibus est injuncta servanda castitatis quotidiana necessitas, sicut est quotidie offerendi concessa potestas : cum pontifices umbræ servientes, expleta vice sua, feminalia sua solverent, tempore vicis suæ tamen ea induerent. Reliqua duo, poderis et zona, veteribus et novis sacerdotibus flunt indumenta communia, quamvis zona nostrorum sacerdotum non sit quatuor intexta

A coloribus, aut propter penuriam materialium, aut propter absentiam artificum, undecunque tamen sit, et hæc et illa unum gerant temperantiae typum. Sequitur quartum indumentum, tunica interior, vel hyacinthina, qua et in Veteri et in Novo Testamento soli utuntur pontifices. Duabus enim tunicis merito induitur pontifex, quia debet de thesauro suo proferre nova et vetera, id est, legem intelligere secundum litteram, quemadmodum ante adventum Christi observabatur, et secundum spiritum, quemadmodum post adventum Christi intelligitur. Unde et secunda tunica interior appellatur vel hyacinthina, cuius color cœli serenitatem imitatur, ut per hoc intelligatur quia pontifex plus debet de cœlestibus cogitare quam de terrenis. Rectus quippe ordo est, B ut primum studeamus munditiae carnis, per quam veniamus ad munditiam cordis, quæ nos provehat ad intellectum divinitatis ; juxta illud : « Beati mundo corde, quoniam ipsi Deum videbunt (Matth. v). » Quinta vestis est superhumeralis, quæ Hebreæ vocatur ephot [ephod]. Haec vestis sacerdotalis simul et pontificalis apud nos est ; apud Hebræos vero tantum pontificalis, et apud eos eisdem est variata coloribus, quibus et zona pontificalis, et de qua dicitur in ordinatione pontificis : « Et circumcinxit eum (de Moyse loquens) secundum facturam humeralis. » Humeri quippe fortes sunt ad agenda opera, et portanda onera, quæ ex circumductione humeralis, suis ligaturis constringuntur, quia pontificem et innocentia et operibus justitiae oportet esse constrictum, ut in eo nihil inveniatur dissolutum, nihil remissum. Quod vero significant variii colores in zona idem significant in superhumerali : quia quidquid de terrenis operamur, sive in largitione, sive in restrictione temporalium, totum sumimus ex contemplatione quatuor elementorum. Unde est, quod quaternarius decies ductus surga in quadragenarium, quia clementorum quatuor abundantia legitime dispensata, quod significat denarius, ad verum perducit jubilæum, qui exhibitione acquiritur bonorum operum. Quadragenarius enim numerus partibus suis denominatis quinquagenarium facit. Quo numero in lege (Levit. xxv) supradictus jubilæus, id est remissionis annus, exprimitur, C vetam præfigurans libertatem, quam qui adeptus fuerit, nullam timebit ulterius servitutem. Huic bonorum operum significationi concinit, quod in humerali duobus pretiosis lapidibus 267 insculpta erant nomina duodecim patriarcharum, sex in uno, et sex in altero : quorum alter superpositus erat dextro humero, alter sinistro. Nihil horum vacat a mysterio. Senarius enim propter perfectionem, opera justitiae significat ; nomina patriarcharum, memoriam sanctorum quam semper in exemplum bonorum operum habere debemus a dextris et a sinistris, id est in prosperis et in adversis, significant. Et ideo illa nomina in lapidibus scribuntur, quia quod in lapide sculptur vix aut nunquam inde aboletur. Nec illud vacat a mysterio, quod pon-

titex cingitur secundum facturam superhumeralis, quia secundum opera sua unicuique retribuetur (*Matth. xvi*). Quod autem nostrorum pontificum superumerale non est tot coloribus intextum, nec est tam pretiosis gemmis redimitum, nihil refert, cum Christiana religio veritati serviens, compendiosis figuris idem intelligi faciat, quod vetus observantia sumptuosus.

Postquam pontificis verenda velata sunt suis indumentis, postquam cœlestia jam cœpit meditari, postquam justitiae operibus ornatus est, postquam utroque cingulo, ut in omnibus fortiter et perseveranter staret, confirmatus est, imponitur rationale pectori pontificis, quod Græce logion dicitur, per quod sapientia, quæ in ratione consistit, indicatur. Imponitur rationali manifestatio et veritas. Manifestatio ideo, quia non sufficit pontifici habere sapientiam, nisi etiam possit manifestare quæ novit, et reddere rationem de ea, quæ in nobis est, fide et spe. Veritas vero, quia non debet pontifex de suo corde prophetare, sed ea tantum quæ veritas habet, manifestare. Sunt autem ad invicem concatenata rationale et humerale : quia cohærere sibi invicem debent ratio et opera, ut quod mentis ratione concepimus, opere impleamus. Et notandum est ordo rerum : quia non prius rationale, quam humerale ; quia non prius sapientia quam opera, sed prius opera, deinde sapientia. Unde habetur in psalmo : « A mandatis tuis intellexi (*Psalm. cxviii*). » Et de Domino Iesu dicitur : « Quæ cœpit Jesus facere et docere (*Act. 1*). » Deinde non prius manifestatio, quam rationale : quia nemo docere debet quæ non novit. Huic ordini concordat propheta cum dicit : « Seminate vobis ad justitiam, et metite fructum vitæ, et illuminate vobis lumen scientiæ (*Ose. x*). » In hoc pectoris ornamento duodecim lapides inserti erant, duodecim patriarcharum nomina insculpta habentes : quia sanctorum Patrum exempla pontifex semper debet habere in memoria, et secundum ea moderari facta sua. In duodenario autem numero lapidum potest significari [figurari] apostolica doctrina : quia et ipsi lapides per quatuor ordines sunt distributi, et terni in singulis angulis rationalis positi. Quod apostolicæ doctrinæ bene congruit, quæ fidem Trinitatis per quatuor Evangelia in omni parte mundi prædicavit. Hic ornatus solius erat pontificis, sicut et nunc est apud eos, quibus eo uti concessum est, propter distantiam majorum et minorum sacerdotum. Ita ornato pontifice, superponitur capiti ejus mitra, quæ alio nomine cedaris vel tiara vocatur, qua regnum quinque sensum, quo præeminere pontifex debet, intelligitur. In capite enim usus habetur omnium corporalium sensuum quod cum bene regitur, caput viri, id est Christus, decenter ornatur. Et quia caput Christi Deus est (*II Cor. xi*), lamina aurea superponitur cui insculptum est nomen Dei, quod Hebræi vocant ineffabile : ut per hoc intelligatur, Deum sicut omnium conditoris, ita esse rectorem, et ad honorem et glo-

Ariam ejus esse referendum quidquid a Domini sacerdotibus bene fuerit dispensatum. Hæc indumenta octo esse debere constituit Moyæs in Exodo ; sed in Levitico de eisdem indumentis tractans, de octavo, id est feminalibus, tacuit. Unde Hieronymus in epistola ad Fabiolam, scribit : « Ubi refertur quomodo Moyæs Aaron fratrem suum vestimentis pontificibus induerit, de solis feminalibus nihil dicitur, hac, arbitror, causa : quia ad genitalia nostra et verenda lex non misit manum, quia ipsi secretiora monstrâ confessione digna legere debemus et velare [et confusione digna regere et velare debemus], et conscientiam puritatis Deo judici servare. De cæteris vero virtutibus, fortitudine, justitia, humilitate, mansuetudine, liberalitate possunt et alii judicare : pudicitiam sola novit conscientia, et humani oculi certi hujus rei esse judices non possunt absque his, qui passim in morem brutorum animalium in libidinem feruntur. Unde Apostolus : « De virginibus autem præceptum Domini non habeo (*I Cor. vii*). » Et in Evangelio cum Dominus de eunuchis voluntaris et non voluntariis ageret, addidit in fine : « Qui potest capere, capiat (*Matth. xix*). » Tanquam diceretur. Feminalibus ego vos non vestio, nec impono alicui necessitatem. Qui vult sacerdos esse ipse se vestiar, ipse se castitate muniat. Igitur ipsi assumamus feminalia, ipsi nostra verecunda [verenda] operiamus, non queramus alienos oculos ; ita tegantur genitalia, ut cum intramus Sancta sanctorum, nulla appareat turpitudine, ne moriamur. »

C Notandum vero est quod minoribus sacerdotibus neque duplex tunica datur, neque humerale, neque rationale, neque lamina aurea, sed tantum poderis, et mitra, et zona, quæ stringatur tunica byssina. Funguntur tamen sacerdotio, sed non illa sublimitate, qua funguntur, qui omnibus octo indumentis decorantur. Novi quoque Testamenti sacerdotes non omnibus illis utuntur indumentis, quia nec duabus utuntur tunicis, nec rationali, præter solos pontifices : nulli autem lamina aurea, quia, sicut dicit B. Hieronymus in supra memorata epistola, « quod olim in lamina monstrabatur, nunc in signo crucis ostenditur. Auro enim legis sanguis Evangelii pretiosior est. »

D Utuntur autem tunica linea, quæ poderis dicitur, vel talaris, quæ omnium figurat castigationem membrorum et zona quæ tunicam stringit [succedit], quæ dissolutam et remissam prohibet esse castitatem. Utuntur et superhumerali, per quod exiguntur opera justitiae a sacerdote, quia non sufficit temperantia, et a malo abstinentia, quæ superioribus duobus indumentis figurabatur, nisi opera justitiae et misericordiae subsequantur. Unde et in Psalmo dicitur : « Desine a malo et fac bonum (*Psalm. xxxi; I Petr. iii*). » Unde ipsum humerale poderi astringitur [affligitur]. Utuntur et stola, quæ alio nomine orarium vocatur, qua vetus sacerdotium non utebatur. Hoc tanquam jugum bobus arantibus vel trituranibus collo juxta humeros superponitur,

ut illud Evangelicum ab eis impleatur : « Tollite A jugum meum super vos, et discite à me, quia mitis sum et humilis corde : jugum enim meum suave, et onus meum leve (*Math. xi*). » Hæc a collo per anteriora descendens, dextrum latus ornat et sinistrum, ut doceat sacerdotem per arma justitiae **268** a dextris et a sinistris, id est in prosperis et adversis, debere esse munitum : quod ad fortitudinem pertinet, sine qua cæteræ virtutes facile expugnantur, et minime coronantur. Unde dicit Apostolus : « Patientia vobis necessaria est, ut reportetis re-promissiones (*Hebr. x*). » Et in Evangelio Dominus : « Qui perseveraverit usque in finem, hic salvus erit (*Math. x, xxiv*). » Inde est quod stola cum zona poderis quibusdam nexibus colligatur, quia virtutes virtutibus adjuvantur, ne aliquo tentationis impulsu moveantur. His omnibus indumentis superponitur casula, quæ alio nomine planeta vocatur : quæ, quia communis est vestis, charitate in significat, quæ universis virtutibus superponitur, quia cæteræ virtutes nihil sine ea utile operantur. Unde dicit Apostolus : « Et adhuc excellentiorem viam docebo vos : Æmulamini charitatem (*I Cor. xiii*). » Et quam inutiles absque ea sint cæteræ virtutes subsequenter approbatur, cum præcipuas virtutes scientiam scilicet linguarum, distributionem rerum propriarum, ipsum quoque martyrium sine ea nihil esse [valere] confirmat. Et ideo prudentia ponitur loco, quia plenitudo legis est dilectio (*Rom. xiii*), et quia mentibus bene compositis, et divino cultui mancipatis, frequenter subrepit acedia, oportet ut ad eam frequenter detergendas, diligens adhibeat vigilancia, quæ ab oculis cordis emergens talis saepe taundetur pituita. Unde in sinistra manu ponitur quedam mappula, quæ saepe fluentem oculorum pituitam tergit, et oculorum lippitudinem removeat. Hæc quippe ornamenta, ut dictum est, non sunt ipsæ virtutes, sed virtutum insignia, quibus tanquam scripturis admonentur utentes, quid debeant appetere, quid vitare, et ad quem finem sua facta dirigere. Adjiciendum est supradictis, quia levitæ et suo modo utuntur supramoratis indumentis, idem significantibus, quod significant in presbyteris. Utuntur levite dalmatica, quæ propter sui latitudinem curam proximorum significat, quod significabat in presbyteris casula, quia utrumque istorum ministrorum, ad implendam dilectionem, eadem debet esse custodia.

Utuntur episcopi et cardinales presbyteri sandaliis, quæ calceamenta sunt prædicatorum. Habent autem ad terram [a terra] soleam integrum, ne pes tangat terram. Supra vero constat ex corio, quibusdam loris pertuso, quia Evangelium non debet terrenis commodis inniti, nec omnia evangelica [ecclesiastica] sacramenta omnibus revelari, nec omnibus abscondi. Unde et Dominus discipulis ita dicebat : « Vobis datum est nosse mysterium regni Dei, cæteris autem in parabolis, ut videntes non videant, et audientes non intelligant (*Math. iii*). »

A Hanc sandaliorum significationem propheta intellegebat, quando dicebat : « Quam speciosi pedes annuntiantum pacem, evangelizantium bona ! » (*Isa. LII; Rom. x.*)

Antequam induantur sandaliis, vestiuntur caligis byssinis vel lineis, usque ad genua protensis, et ibi bene constrictis, per quas significatur, quia debent rectos gressus facere pedibus suis, et genua debilia, id est negligentiis resoluta, roborare, et sic ad prædicandum Evangelium festinare. Unguntur præterea manus presbyteris et episcopis, ut cognoscant se in virtute sancti Spiritus hoc sacramento gratiam consecrandi accipere, et opera misericordiæ erga omnes pro viribus exercere debere. Episcopo vero specialiter caput ungitur, ut intelligat

B se esse illius vicarium, de quo dicitur in psalmo : « Unxit te Deus Deus tuus oleo lætitiae præ consortibus tuis (*Psal. XLIV*). » Accipiunt hæc unctione claves regni cœlorum ut quæcumque ligaverint super terram, sint ligata et in cœlis, et quæcumque solvereint super terram, sint soluta et in cœlo (*Math. xviii*), et quorum peccata detinuerint, sint detenta ; et quorum peccata dimiserint, sint dimissa (*Joan. XX*). His ita de ornato sacerdotali et pontificali breviter prælibatis, admonendi estis, ut sicut sacramenta profunda auditistis, sic ea studeatis et corde intelligere et opere implere. « Non enim auditores legis justi sunt apud Deum, sed factores (*Rom. i*). » Potest enim unusquisque vestrum intra se regale babere sacerdotium et sacerdotales ornatus, si quem abluerit et mundum fecerit legis observatio, et si gratia baptismi et unctio chrismatis illibata permanserit, et si indutus duplicitibus indumentis, litteræ scilicet et spiritus, fuerit, et si in his fortiter accingatur, ut sit castus mente et corpore ; si etiam superhumerali operum justificetur, si stola fortitudinis a dextris et a sinistris muniatur, si plenitudine scientiæ, quam planeta significat, cumuletur, potest, inquam, ita ornatus, intra Dei templum, quod ipse est, verum habere sacerdotium. Qui autem nec sacris vestibus induti, nec honestis moribus ornati, ad altare Dei accedere præsumperint, sicut filii Aaron, Nadab et Abihu, igne alieno, quem offerebant ante Dominum, consumpti sunt (*Levit. x*) : ita isti non divina ordinatione, sed sua præsumptione sacerdotium sibi usurpantes, cum his, qui ad regales nuptias sine ueste nuptiali intraverunt, æternis ignibus sunt cruciandi (*Math. XXI*). Unde dicitur in Levitico : « Et dixit Dominus ad Moysen : Loquere ad Aaron fratrem tuum, ne intret omni hora in sancta interiora, ut non moriatur (*Levit. XVI*). » Unde ostenditur, quod si inordinate intraret Sancta sanctorum, non præparatus, non indutus sacerdotalibus indumentis, non propitiato sibi prius Deo, morietur, et merito, tanquam qui non fecerit ea quæ oportet fieri, antequam accedatur ad altare Dei. Ad omnes enim nos pertinet, nos omnes instruit lex Dei ut sciamus quomodo debeamus accedere ad altare Dei, et offerre, scilicet ut deponamus vesti-

C

D

menta sordida, il est, carnis immunditiam, pravitatem morum, inquinamenta libidinum. Unde et in Exodo, cum enumerasset Dominus vestes, quibus induendus erat Aaron et filii ejus, adjunxit : « Vesties his omnibus fratrem tuum, et filios ejus cum eo, et cunctorum consecrabis manus, sanctificabisque illos ut sacerdotio fungantur mihi (*Exod. xxviii*). » Sequitur : « Et utentur eis Aaron et filii ejus, quando ingredientur testimonii tabernaculum, quando appropinquabunt ad altare, ut ministrent in sanctuario, ne iniurias rei moriantur (*ibid.*). » Ex his omnibus colligitur quanta sit dignitas sacerdotalis ministerii, et quanta esse debeat sanctitas ministrorum : quam qui habuerit, sacerdotii merito non carebit. Qui vero non habuerit, et sacerdotii officium usurpaverit, merito cum supra memoratis præsumptoribus interibit. Multa de sacerdotii dignitate, multa de indumentorum sacerdotialium mystica pulchritudine, vitantes prolixitatem sermonis, præterivimus : hoc intendentem, quia ad ædificationem morum, et ad utilitatem audentium ista sufficiunt.

#### 269 SERMO IV.

##### *De sacramentis dedicationis.*

Quoniam ad dedicationem præsentis basilicæ hodie devote convenistis, oportet ut quod in his sanctis manufactis fieri videtis, totum impletum esse in vobis cognoscatis. Primo enim manibus patrinorum ad Ecclesiam fuitis allati, et sacerdotibus vel exorcistis ad catechizandum oblati. Qui dum vos catechizarent, dum Christi legibus initianter, de massa antiqua prævaricatione corrupta præcidebant : et ipsa fidei professio, et pravorum morum abrenuntatio, quæ a vobis exigebatur, interiorem parturiebat in vobis novitatem, qua Christi imaginem de cœlo portaretis, renati per gratiam, sicut antea portaveratis imaginem terreni parentis, ex eo geniti per naturam. His documentis instructi, accessistis ad aquam, et fonte salutis abluti estis, ubi, secundum Apostolum, per trinam mersionem Christo consupulti estis, ut quemadmodum ipse semel carne est mortuus et resurgens ex mortuis, jam non moritur, ita vos a peccatis abluti, et prima resurrectione regenerati, morti animæ, id est peccato, non subjicimini (*Rom. vi*). Deinde oleo sancto uncti fuitis in capite, ut charitas, quæ per Spiritum sanctum datur, semper abundet in corde, secundum illud verbum Sapientæ : « Oleum de capite tuo nunquam delicias (*Eccle. ix*). » Unde et Apostolus : « Charitas Dei diffusa est in cordibus nostris, per Spiritum sanctum, qui datus est nobis (*Rom. v*). » Datus est tamen et idem Spiritus, cum aquis salutaribus ablueremini, sed ibi ad præteriorum criminum remissionem, hic vero ad ædificandam in cordibus vestris Dei et proximi dilectionem. Hæc charitas in Christi corpore non præfert indigenam alienigenæ, non nobilem iguobili, non virum mulieri, sed omnes per adoptionem spiritus facit filios, quicunque per eundem Spiritum clamant : « Pater noster, di-

A mitte nobis debita nostra (*Matth. vi*). » In hoc ergo Christi corpore ille solus habetur sublimior, qui fuerit in Dei amore potentior. Accepistis etiam oleum sanctum in pectore, ut vigeret in corde vestro sapientia. Accepistis et in humero dextro, ut in exercitiis bonorum operum indeficiens servetur patientia, neque aliquando moverit sinistra vestra, quid faciat [fecerit] dextera vestra. Quia vero in humeris vigor constat portandi oneris, hujus partis unctione Christi athleta dedicati estis, ut sciatis vos ad certamen esse vocatos, et per totum vitæ vestre cursum, contra antiquum hostem publicis et privatis congressionibus esse pugnaturos. Data est vobis ad ultimum vestis candida, caput et membra cooperiens, quæ candore suo figuram præferebat, acceptæ novitatis, et spem futuræ immortalitatis, ad quam de spe ad speciem venietis, si cum ueste candida, id est, vitæ innocentia, ad nuptias regis intraveritis. His ergo sacramentis initiati et confirmati, facti estis templum Dei vivi fundati in fide, superædificati in charitate, cumulati spe de promissa æternitatem.

B His igitur de spirituali templo Dei breviter præbatis, nunc ad ea quæ in his visibilibus tempis aguntur sacramenta veniamus, et ea latius expONENTES, prout Dominus donavèrit, cum superioribus conferamus. Primo enim lapides, qui ad hanc fabri-  
cam ædificandam comportati sunt, aut de montibus sunt præcisi, aut de locis subterraneis eruti, aut de agris collecti. Adhibita est dehinc cæmentiarum manus, quæ tundente frequenter ferro, superjecta regula, scrupulositatem et informitatem lapidum complanaret, et ad debitam quadraturam, qua majo-  
res minoribus in paritate comparari possent, artis suæ disciplina perduceret. Videmus hæc in sancto Dei templo spiritualiter impleta, cum vos de omni genere hominum, sublimium, humilium, mediocrium, ad audiendum verbum vitæ convenistis, et, celestis disciplinæ dolabro fortitudinem veteris vitæ deponere voluistis, ut in Dei ædificio tanquam perpoliti lapides ordinari possetis, ubi jam non aspernaretur nobilis ignobilem, dives pauperem, quem cognosceret secum in coelis eundem habere patrem. Addita est etiam complanatis lapidibus, cum in parietibus ad ordinem unius linea collocarentur, sicut nostis, cæmenti glutinosa tenacitas, quæ lapides invicem constringeret, et ab imposito sibi ordine separari non permetteret, quamvis alicubi major minori suppositus videretur, alicubi vero minor majore premetteret, et hoc in templo non manuacto fieri vide-  
mus, cum eos quos congregavit fidei unitas, ligat indissolubilis charitas, ne indigetur major de prælatione minoris ; ne conqueratur minor de correptione [correctione] majoris, cum dicat Apostolus : « Invicem onera vestra portate et sic adimplebitis le-  
gem Christi (*Gal. vi*). » Ædificato itaque templo, et quasi in unius lapidis formam cæmento constrin-  
gente redacto, ut templum Dei nomen et honorem habere mereatur, ad commendandum baptismi sa-

cramentum, per quod in eodem templo novi populi creandi sunt, ipsum templum primum suo modo et suo ordine baptizamus, et deinceps multiplici sacramentorum sanctitate dedicamus. Primo itaque aquam benedicimus, cui et sal admiscetur. Aqua etenim poenitentiae figuram gerit, que velut aqua, peccatorum maculas abluit : quam tunc benedicimus, cum virtutem poenitentiae populis ad fidem venientibus praedicamus. Unde et Petrus quibusdam corde compunctis, in Actibus apostolorum dicit : « Poenitentiam agite, et baptizetur unusquisque vestrum (*Act. ii.*). » Cui admiscetur sal, id est Evangelica doctrina, fluxa auditorum corda suavi mordacitate [moderatione] constringens, et ad conservandam vitam novitatem sapienter componens. Ista aqua ad quamdam baptismi imaginem gyrando ecclesiam tunc exterius aspergimus, quia ubi more baptizorum non potest fieri trina mersio, necesse est ut qua possumus sacramenti similitudine trina flat aspersio. Unam enim habet hanc significationem trina mersio, et trina aspersio, quia quidquid cogitatione, locutione et actione committitur, totum salutari fonte diluitur. Interim autem in circuitu dedicandæ ecclesiæ duodecim sunt accensa luminaria, quibus significatur, quod commendanda sit lucens et ardens apostolica doctrina. Sic cum templum a Salomonе constructum, Domino jubente suisset dedicatum, duodecim duces eadem munera detulerunt, sed ea singuli singulis diebus obtulerunt : hec significante Spiritu sancto, quod in Ecclesiæ ædificatione doctrina apostolica, unanimis et concors esset praedicanda, et tamen quæque gens suum praedicatorem **270** sortitura.

Ad singules vero circuitus accedit pontifex ad ostium basilicæ, clero et populo subsequente, et percudit super liminare virga pastorali, cantando antiphonam : « Tollite portas, principes, vestras, et elevamini, portæ æternales (*Psal. xxxiiii; Matth. x; Marc. vi.*) » Virga enim pastoralis potestas intelligitur sacerdotalis, quam Dominus discipulis suis contulit, quando eos ad prædicationem mittens, nihil eos in via ferre nisi virgam tantum permisit. Quia virga, sancti sacerdotes et solantur humiles, et terrant superbos, et feriunt impoenitentes. Quam potestatem a Patre Filius accepit, cum per humilitatem assumptæ humanitatis, cœlestium, terrestrium et infernorum dominatum accepit. Eamdem ergo potestatem Dominus suis largitus est præsulibus, cum Petro et in eo Ecclesiæ principibus, potestatem dedit, dicens : « Tu es Petrus, et super hanc petram ædificabo Ecclesiam meam : quodcumque ligaveris super terram, erit ligatum et in cœlis ; et quodcumque solveris super terram, erit solutum et in cœlis (*Matth. xvi.*) » Cui ergo portæ inferi non prævalebunt, et cui ligandi atque solvendi in cœlo et in terra privilegium traditur, constat quia et cœlo et terra et inferno principetur. Cum ergo pontifex super liminare futuræ ecclesiæ virga pastorali ter percudit, ostendit quia sibi cœli et terra et inferi potestas ce-

**A**dit. Unde et post trinam percussionem ostium aperitur, quia sacerdoti potestatem suam indigne conservanti, pars adversa resistere non potest. Nam ipsa ecclesia, antequam pontifex eam ingrediatur, populi ignorantis, et perfidiae tenebris inclusi figuram tenet. Hujus populi ignorantis typum gerit, qui intus admonitionem pontificis quasi admirans, interrogat : « Quis est iste rex gloriæ ? » (*Psal. xxiii.*) Imperat autem pontifex dæmonibus seu vitiis, dicens : « Tollite portas, principes, vestras (*ibid.*), » ut tollant portas suas, quatenus portæ cœlestes, id est virtutes elevantur, per quas introeat rex gloriæ. E contrario portæ mortis sunt peccata. Unde et Propheta gloriatur in Domino : « Qui exaltas me de portis mortis (*Psal. ix.*) » Sunt autem portæ, quæ elevantur in ecclesia maxime tres, id est sacri verbi prædicatio, baptismi gratia, cbrismatis honor [uncio], per quas rex gloriæ ad corda eorum qui ad fidem veniunt, intrat. Aperto vero ostio, intrat pontifex eum clero et populo, dicens : « Pax huic domui (*Matth. x.*) » ter, quia Christus mundum ingrediens per assumptionem carnis nostræ parietem inimicitarum peccatis nostris erectum, destruxit, et pacem inter Deum et hominem, inter terrestria et cœlestia sui adventus mediatione reformavit. Pontifex ergo ecclesiam ingrediens, pax huic domui, clamat, quia sancti doctores hoc intendunt, ut populus qui a Deo discordaverat per peccata, ei reconciliaretur per bonorum operum exercitia. Quod vero, intrante pontifice ecclesiam, clerus, sacerdos et levitæ prostrati in terram, ad Dominum clamant, pro sanctificatione ipsius domus. Hoc est quod Dominus ante passionem fecit, pro discipulis et cœteris fidelibus orans : « Pater sanctifica eos, quos misisti dedisti (*Joan. xviii.*) » Ita enim Paulus tanquam ecclesiam ingressus, cohortatur omnes ad orationem, dicens : « Obsecro primum omnium fieri orationes, postulationes, pro omnibus hominibus, et cætera (*I Tim. ii.*) »

Pontifex ergo dum in novam ecclesiam, eam sanctificaturus, ingreditur, et statim ad orationem se confert, Apostoli vocem complet, qui primum omnium pro omnibus hominibus orationem fieri monet ; et ita adhuc eorum typum tenet, qui rudem populum docere incipiunt. Inde est quod surgens ab oratione, nondum salutat populum, dicendo : « Dominus vobiscum ; sed tantum ad orationem cunctos hortatur, quia novellus populus nequum sacerdotis salutatione dignus videatur. Orandum ergo est pro talibus, qui nondum initiali suau, non tamen salutandi sunt, qui non est eis consentiendum, vel applaudendum. Unde ipsis præparatoribus Dominus dicit, « ut neminem salutent in via (*Luc. x.*) ; » id est, neminem transitoria appetentem vanâ spe demuleant. His completis, incipit pontifex de sinistro angulo ab oriente scribere per pavimentum alphabetum, usque in dextrum angulum occidentis ; atque iterum a dextro angulo orientis usque in sinistrum angulum occidentalem basilicæ. Quid autem per al-

phabetum, nisi initia et rudimenta doctrinæ sacræ intelligi convenit? Unde Paulus ad Hebreos: « Cum deberetis esse magistri propter tempus, rursum indigitis ut instruamini quæ sint elementa sermonum Dei (*Hebr.* v.). » Sribit etiam pontifex quasi alphabeti ordinem, cum docet fideli simplicitatem. Nam sicut parvolorum convenit eruditioni, primum litterarum elementa cognoscere, deinde ad syllabas, ac per verba paulatim ad sententiarum cognitionem pervenire, sic sunt quidam gradus intellectus in eruditione sanctæ Ecclesiæ. Quod vero ab angulo orientali sinistro in occidentalem dextrum prior versus desinit, et rursus ab angulo orientali dextro versus, revertitur in sinistrum occidentalem, dupli figuræ adgaudet. Quarum prima est, quia in tali schemate crux figuratur, ut doctrinæ evangelicæ, qua simplices imbuendi sunt, mors Christi principaliter inferatur. Unde Paulus Corinthiis adhuc rubibus ita dixit: « Nescivi me scire aliquid inter vos, nisi Christum Jesum, et hunc crucifixum (*I Cor.* ii). » Sinister autem angulus orientalis, a quo primus versus incipit populus intelligitur Judaicus, ex quo ortus est Dominus. Pervenit autem usque in angulum occidentalem, quia cum Dominus noster ex Iudeis sit ortus, fides incarnationis ejus et mortis, a gentibus est suscepta. Sed cum idem versus ab angulo orientali dextro, revertitur ad angulum occidentalem sinistrum, hoc significari videtur, « cum plenitudo gentium introierit, tunc omnis Israel salvus erit (*Rom.* xi). » Utriusque ergo populi collectionem illi duo versus significant in unam crucis compaginem. « Hinc est quod Jacob filius Joseph benedicens, et cancellatis manibus effigiem crucis faciens, dextram manum supra Ephraim juniores, sinistram super caput Manasse majoris posuit (*Gen. xlviii*), » significans quia populus quandam dexter, in sinistrum vertetur, sinisterque in dextrum.

Quod vero eadem scriptura virga pastorali peragit, significatur quod iste transitus de Iudeis ad gentes, et ea denuo conversio quæ in finem mundi consummanda est, per officium sacerdotum perficitur. Dehinc pontifex ad altiora concendit, et stans ante altare, Deum sibi in adjutorium invocat, veluti jam incipiens operari. Nam præterita quasi quedam procœdia fuerunt. Dicit ergo: « Deus, in adjutorium meum intende, » et cætera absque [usque ad] Alleluia. Hæc enim vox est in hac vita laborantium, et contra hostes visibiles et invisibiles colluctantium, et ideo Deum in suum adjutorium invocantum. Nendum tamen laudibus Dei Alleluia adjungunt, quia adhuc in laboribus et sudoribus se esse conspiciunt. **271** Alleluia enim non hujus temporis laudes, sed æternæ vitæ gloriam significat: unde mos inolevit, ut in diebus Septuagesimæ ante Pascha Alleluia non cantetur, quia sunt dies luctus, et penitentiae.

Pontifex ergo qui cum subditorum imperitia et contradictione adhuc certat, adjutorium quidem Dei postulat, Alleluia nondum cum eis pleniter cantat,

A de quorum salute nondum pleniter sperat. Postea vero benedicitur aqua commisto sale et cinere. Et aqua quidem significari populum testatur Apocalypsis, dicens: « Aquæ multæ, populi multi (*Apoc.* xvii). » Sal autem doctrinam verbi divini signat. Unde in lege præcipitur: « In omni sacrificio sal offeres (*Levit.* ii); » nec auferes sal fæderis Domini Dei tui de sacrificio ejus. Quod est dicere: Non placent Deo illa opera, quæ non coadiuntur divina sapientia. Cinis autem reliquias, id est, memoriam signat Dominicæ passionis, quam significabat **cinis** vitulæ aspersus, ad expiationem populi. Aqua ergo benedicitur, ut sanctificetur. Sal cum cinere miscetur, cum populus ut sanctificari possit divina sapientia [scientia] et fide Dominicæ passionis, instruitur. Fit autem crux ter super aquam et sale et cinere, cum fidei divinitatis et passionis, fides additur Trinitatis

B **C** Huic ergo misturæ et vinum additur **cum aquæ**. Quæ duo geminam naturam significant in una persona, divinitatem scilicet et humanitatem. Et est ordo intuendus. Primum pontifex ostium intrat [aperit]; deinde pro populo orat, post hoc, alphabetum scribit; inde aquam cum sale et cinere benedit, cui vinum admiscet, quia unusquisque primum sibi per confessionem portam salutis aperit, deinde est sacerdotis pro eo orare, post hoc primordia fidei ei tradere, et quasi catechumenum facere, deinde instrui, qualiter jungi possit corpori sui Salvatoris per sacram doctrinam, docere etiam, quia Christus Jesus Deus et homo, postremo, sacra fonte purificari. Hoc idem significatum est in exteriori parietum aspersione, sed non ideo hic fieri ad interiorum parietum aspersionem, supervacuum videri debet, quia quidquid in exteriori sanctificatione agitur, superstitionem est, nisi interiori homine compleatur.

Post hæc tingit sacerdos digitum in aqua, et facit crucem per quatuor cornua altaris. Altare enim Ecclesiæ figuram prælert, quod per quatuor cornua distenditur, quia per quatuor mundi cardines dilatatur. Pro cuius typo Abrahæ dictum est: « Dilataberis usque ad orientem et occidentem, septentrionem et meridiem (*Gen. xxviii*). » Bene ergo crux de aqua fit per quatuor altaris cornua, ut ostendatur omnem Ecclesiam esse mundandam a sordibus peccatorum per lavacrum aquæ et fidem passionis. Inde venit ante altare, et aspergit illud septem vicibus. Quo numero significatur plenitudo Spiritus sancti, id est, « spiritus sapientæ et intellectus, spiritus consilii et fortitudinis, spiritus scientiæ et pietatis, et spiritus timoris Domini (*Isa. xi*). » Aspergit autem eadem aqua cum hyssopo, quæ herba est humili, interiora pectoris purgans, et duritiam saxonum radibus penetrans, cuius aspergine munditiae fiebant in lege. Significabat autem humilitatem Christi, qui superbie nostræ tumores sui sanguinis aspersione sanavit. Aqua ergo cum hyssopo spargitur, cum baptismus Christi sanguine consecratus Ecclesiæ

tribuitur. Circuit autem altare, spargendo eamdem aquam, ut ostendat doctorem non debere otio vacare, sed eorum quos initiaverit mundationi operam dare, et ut Dominus mittat angelum in circuitu eorum, qui eos erudiat [eripiat], semper orare.

Circuit debinc totam ecclesiam et aspergit parietes eius, ut demonstret se omnem curam impendere omni ætati, omni sexui. Facit autem secundo et tertio, ut ostendat eos, qui baptizantur, non solum esse mundandos a peccato cogitationis, sed etiam locutionis et operis. Canitur autem interim psalmus: « Exsurgat Deus (*Psal. lxvii*), » cum antiphona, ut viribus destituantur qui sacramenta fidei adversantur. Cantant etiam antiphonam: « Qui habitat in adjutorio Altissimi (*Psal. xc*), » asserentes nūdum a Deo protegi nisi eum, qui de viribus suis nihil presumens, Dei adjutorium semper imploraverit. Ipse tamen pontifex non debet quiescere, sed quasi conspicuus per medium Ecclesiam incedere, omnes suo exemplo informare, omnibus sacramenta crucis ac mortis Domini intimare, et cantare, « Domus mea domus orationis vocabitur (*Isa. lvi*; *Matth. xxv*), » videlicet, ut talem Ecclesiam præpararet, quæ non sit spelunca latronum, sed domus orationis; id est, non fures et latrones, sed qui benedicant Dominum omni tempore; qualiter versum subsequentem possit libere cantare, « Narrabo nomen tuum fratribus meis, in medio ecclesiæ laudabo te (*Psal. xxi*). » Hæc tunc bene pontifex agit, cum omnia bona quæ inchoat, per Dei consilium consummari postulat.

Unde his peractis, pontifex se ad orationem confert, ut omnes, qui eamdem domum oraturi intraverint exauditos se esse gaudeant, ut ostendat pontifex se omnium subditorum curam cum Paulo gerere, et eorum memoriam se in orationibus suis frequentare (*II Tim. 1*). Completa expiatione, pontifex convertitur ad altare, incipiens antiphonam: « Introibo ad altare Dei (*Psal. xlvi*), » cum psalmo, et fundit quod remansit de aqua purificationis, ad basim altaris, quia quod ipse nequit, Dominus humiliter committit, purgationem scilicet subditorum, cui ipse tanquam homo cooperari et collaborare potest: interior autem et perfecta mundatio, solius est Dei. Hinc est, quod in sacrificiis veteris Testamenti, sanguis hostiarum vel in cornibus altaris ponebatur, vel ex aliquibus hostiis digito sacerdotis contra Dominum aspergebatur, et quod reliquum erat, ad basim altaris fundebatur. Quia sacerdotum est, quidquid possunt, ad utilitatem gregis sibi commissi facere; quod autem vires suas excedit, Domino devotissime commendare. Quam formam primus pastor pastoribus reliquit, cum passione appropinquans, Patri dixit: « Pater, serva eos in nomine tuo, quos dedisti mihi (*Joan. xvii*). » Sic et Paulus in articulo vitæ præsentis, quasi ad basim altaris aquam fundens, discipulos Domino commendabat, dicens: Et nunc commendabo vos Domino, et verbo gratiae ejus. Quod etiam innuit an-

A tiphona, dicit enim se introitum ad altare Dei, id est ad illud altare, quod significatur per istud visibile ad quod non penetrat oculus carnis sed pura intentio mentis; et hoc est quod sequitur, « ad Deum qui lætitificat juventutem meam (*Psal. xlii*). » Postea extergitur altare linteo: linum enim de terra ortum, magno labore ad candorem perducitur. Ita caro Christi orta de terra, id est B. Maria Virgine, per angustias passionis pervenit ad honorem resurrectionis. Doctor itaque quasi linteo altare detergit, cum imitationem Dominicæ **272** passionis auditorum mentibus imprimat, dicens cum Apostolo: « Christus passus est pro nobis vobis relinquens exemplum ut sequamini vestigia ejus (*I Petr. iii*). »

B Dum ergo doctor talia facit, quasi altare madidum labore humanitatis, abstergit linteo Dominicæ imitationis. Deinde fit incensum [*offert incensum*], quod significat orationis sanctorum, secundum quod Joannes dixit de angelo, quod « data sunt ei incensa multa, ut daret de orationibus sanctorum super altare (*Apoc. viii*), » quod est in conspectu Domini. Post effusionem ergo aquæ ad basim altaris, extergitur altare linteo, et offertur incensum, quia necesse est ut sacerdos, qui salutem populi sibi commissi Domino commendat, et per afflictionem corporis et per intentionem illud agat piæ intercessionis.

C Unde et Dominus, postquam discipulos Patri commendavit, mox subiturus passionem pro ipsis oravit (*Joan. xvii*). Interea mittit pontifex oleum super altare in medio altaris crucem ex eo sapiens, et super quatuor angulos altaris. Est quidem satis congrue ordo "servatus", ut post emundationem per aquam, et reliqua quæ dicta sunt, perfundatur oleo altare, quia et sancta Ecclesia prius aqua mundatur in fonte baptismatis, et sic unctione insignitur per manus pontificis, ut Spiritus sancti in se mercatur adventum. Nam oleum gratiam significat Spiritus sancti (*Rom. v*), quo charitas diffunditur in cordibus electorum ad diligendum Deum et proximum.

D Dehinc insignitur altare sacrosancti chrismati unctione, et interim cantatur antiphona: « Unxit te Deus oleo lætitiae præ consortibus tuis (*Psal. xlvi*), » ut hac unctione intelligamus plenitudinem gratiae, quæ præcessit in capite, et postea resulsa in corpore, cum misso desuper spiritu, data est apostolis manifesta chrismatum gratia, de qua dicit Apostolus: « Omnes de plenitudine ejus accepimus, gratiam per gratiam [pro gratia] (*Act. ii; Joan. i*), » id est, per gratiam fidei diversa chrismata. Hinc est, quod de consecrato altari chrismantur in parietibus illarum duodecim crucis, quæ typum gerunt apostolicum, qui et primitias spiritus acceperunt, et crucis mysterium populis et gentibus manifestare studuerunt. Peracta denique consecratione, albis velaminibus cooperitur altare, quibus et sacramentum intelligitur novitatis, et prænuntiatur, sicut, cum de baptizatis loqueremur dictum est, gloria futura

incorruptionis. Hujus enim templi non manufacti tunc vera et plena erit consecratio, cum passibile hoc induerit impassibilitatem, et mortale hoc acceptit immortalitatem, et completem fuerit in corpore, quod jam praecessit in capite.

Unde in psalmo, qui jam intitulatur : In dedicatione domus, ex voce mediatoris tam pro se, quam pro membris suis, ita continetur : « Convertisti planctum meum in gaudium mibi, considisti saccum meum, et circumdedisti me letitia (*Psalm. xxix.*) ». Planctum, dicit mortalitem nostram, quae tandem deflenda est, quandiu peregrinamur a Deo; et differtur a nobis visio pacis, qua perfrauentur, quibus suave est dolere in doloribus et ærumnis hujus vitæ, et ad æternæ vitæ gaudia suspirare. Hic planctus, hic dolor in gaudium vertitur (*ibid.*), cum ad patriam, a qua nunc exsulamus, peracta peregrinatione, pervenitur. Unde et sequitur : « Considisti saccum meum (*Math. xv.*) ». Saccus quippe ex lanis caprarum et hædorum contexitur. Hædi vero quia petulca animalia sunt, pro peccatoribus in Scriptura ponuntur. Saccus ergo noster consinditur cum passibilitas et mortalitas humanae naturæ de peccato veniens, in immortalitem commutatur, et letitia incommutabilis, de reparata immortalitate commutatur, et hoc est, quod sequitur, « Ut cantet tibi gloria mea (*Psalm. xxix.*) », cui suspirabat et flebat miseria mea : « et non compungar (*ibid.*) », quia deleto in carne peccato, non punget conscientiam spina peccati; quæ tanto esset in recordatione tristior, quanto fuisse in perpetratione jucundior : « Domine Deus mens, in æternum confitebor tibi (*ibid.*) »; id est, æternas laudes de sempiterna gloria reddam tibi. « Beati enim qui habitant in domo tua, in sæcula sæculorum laudabunt te (*Psalm. lxxxiii.*) ». Huic tam jucundæ tamque festive dedicationi gaudens festivusque intererit, qui in hoc templo manufacto, accepta veste nuptiali templum Dei, quod ipse est sanctum inviolatumque usque ad hanc æternam inviolabilioraque dedicationem custodierit. His igitur breviter declaratis, fraternitatem vestram commoneamus, ut quod aure audistis, corde credatis, et opere implere studeatis, præstante Domino nostro Iesu Christo, cui est honor et gloria in sæcula sæculorum. Amen.

#### SERMO V

*Sive opusculum de convenientia veteris et novi sacrificii.*

Beneficia, quæ pro salvandorum reconciliatione Salvator in terris exhibuit, longe ante patriarcharum ænigmatibus præsignata, prophetarum visionibus et oraculis prænuntiata, ex parte commemorare proposui, quæ licet Ecclesia Dei suis temporibus annua celebritate recordetur, in quotidianis tamen missarum sacramentis, eadem pia devotione commemorat, ut per fiduciam exhibitorum, fideliter [sedenter], interpellat mediatorum, vel ad impenrandam indulgentiam commissorum, vel ad consequendum præmia meritorum. Haec, inquam, ex

A parte commemorare proposui, quia cuncta colligere et vires meas excedit, et fastidiosis auditum mentibus non expedit. Quæ autem dictum sum, ad hoc intendunt, ut mediante ecclesiastica [evangelica] veritate pateat, qualiter convenient vetera sacramenta cum novis, cum Ecclesia eadem sacramenta qua potest imitatione, ex Evangelica traditione sacro ritu honorat, et testificatur esse præteritum, quod vetera sacramenta prænuntiavere venturum. Colligamus ergo aliqua necessaria de veterum libris, quæ Christum et Ecclesiam præquuntur, ut cum ea in Christi Nativitate, Passione, Resurrectione, Ascensione, et Spiritus sancti missione completa viderimus, tunc facilis utrorumque sacramentorum concordiam intelligere possimes, cum quod illa futurum satentur, haec prout Dominus instituit, imitentur. Quæ ergo diximus, appositis testimoniis, ostendamus, ut primo umbram cum veritate consonare videamus. « Ac primo veniat Moyses in medium, in rubo succenso, et non combusto, cum Deo loquens (*Exodus. iii.*) ». Quo facto figuratur, quia de populo Judaico peccatorum spinis obsito, ille erit exitorus, qui in igne Deitatis, carnis nostræ peccata, quasi rubi spinam acciperet, et inconsumptam nostræ humanitatis substantiam, etiam in ipsa divinitatis flamma servaret. Item apud eumdem virga Aaron, quæ post ariditatem **273** floruit et nuces protulit, (*Num. xvii.*), Christus est, qui nullo extrinsecus infuso humore, de carne virginis genitus, amaritudinem passionis in carne tanquam in cortice pertulit, et sanctorum mentes internæ dulcedinis suæ gustu, tanquam nuclei dulcedine pascit.

Behinc in libro Judicum, quid in vellere Gedonnis compluto intelligitur (*Judic. vii.*), nisi quod psalmus de Christi nativitate prædixit : « Descendet sicut pluvia in vellus (*Psalm. lxxi.*) ». Christum significans virgineis visceribus se coelitus infusisse sine strepitu, sine carnis corruptione; quippe qui matris viscera non vulneravit, sed mundando sacravit. Hæc de multiplicis futuræ Christi nativitatibus velut oraculis, pauca huic opusculo inscruiamus. Nunc ad ipsa prophetarum præconia veniamus, præteritis signis, et evangelicæ veritati consonantia, quibus prænuntiatum est, Christum de virgine nasciturum, et novum testamentum, et novum sacerdotium Judæis et gentibus allaturum. Primus enim Moyses dicit : « Prophetam suscitabit vobis Deus ex fratribus vestris : ipsum audietis tanquam me (*Deuter. xviii.*) ». Quod ipse Christus in principio Verbum sit, et Deus apud Deum, testatur psalmus, dicens : « Eructavit cor meum verbum bonum, dico ego opera mea regi (*Psalm. xliv.*) ». Et alius psalmus : « Verbo Dei coeli firmati sunt, et spiritu oris ejus omnis virtus eorum (*Psalm. xxxii.*) ». Quod idem Christus Dei Filius, Dei sit sapientia, et de sacramento incarnationis ejus, passionis, et calicis, et altaris et apostolorum, qui missi prædicaverunt, apud Salomonem legitur in Parabolis : « Sapientia ædificavit sibi domum, et subdidit columnas septem ;

mactavit hostiam suam, et miscuit in craterem vinum suum, et paravit mensam suam, et misit servos suos, convocans cum excelsa prædicatione ad craterem dicens : Qui est insipiens, declinet ad me; et egentibus sensu dicit : Venite, édite de panibus meis, et bibite vinum, quod miscui vobis. Dereliquite insipientiam, et quaerite prudentiam, et corrigeret scientia intelligentiam (*Prov. ix.*). » Quod Deus venturos esset illuminator generis humani et Salvator, apud Isaiam : « Consolamini, pusillanimes, nolite timere : Deus judicium retribuet, ipse veniet, et salvabit nos. Tunc aperientur oculi cœcorum, et aures surdorum audient [patebunt] (*Isa. xxxv.*). »

Quodcumque cum esset a principio Dei Filius, generationem denuo habiturus esset secundum carnem, ita habetur in psalmo : « Dominus dixit ad me : Filius meus es tu, ego hodie genui te (*Psal. ii.*). » Item quod nasciturus esset de virgine, apud Isaiam : « Ecce virgo concipiet et pariet filium, et vocabitur nomen ejus Emmanuel (*Isa. viii.*). » Item quod Christus Deus et homo, ex utroque genere sit concretus (1), ut mediator esse posset inter et nos Patrem, apud Jeremiam : « Et homo est, et quis cognoscet eum? (*Jer. xvii.*). » Item in Numeris : « Orientur steila ex Jacob, et consurget homo de Israel (*Numb. xxiv.*). » Item ibi, procedet homo ex semine ejus, et dominabitur gentium multarum, et exaltabitur et augebitur regnum ejus. Item apud Isaiam : « Spiritus Domini super me, eo quod unixerit me, evangelizare pauperibus misit me (*Isa. lxi.*). » Item apud Isaiam : « Et exiit virga de radice Jesse, et nōs de radice ejus ascendet, et requiescat super eum spiritus Domini, spiritus sapientiae et intellectus, spiritus consilii et fortitudinis, spiritus scientiae et pietatis, et replebit eum spiritus timoris Domini (*Luc. xxiv.; Isa. xi.*). » Item in psalmo cxxxix : « Juravit Dominus David veritatem, et non frustrabatur eum, de fructu ventris tui ponam super sedem tuam. » Quod esset in Bethlehem nasciturus, apud Michæam : « Et tu, Bethlehem Efrata, nunquid exigua es in milibus Juda? Ex te mihi procedet qui sit princeps apud Israel; et egressus ejus a principio, a diebus sœculi (*Mich. v.; Matth. ii.*). »

In hunc modum multa de veteribus scripturis colligi possunt, quæ temporalem Christi nativitatem præloquuntur, et confirmantæ veritati evangelicæ contestantur. Quod vero in adventu Christi circumcisio carnalis evacuanda esset, et spiritualis successura, Moyses dicit : « In novissimis diebus circumcidet Deus cor tuum et cor seminis tui, ad Dominum Deum tuum amandum (*Dent. xxx.*). » Item apud Iesum Nave : « Et dixit Dominus ad Jesum : Fac tibi cultellos petrinos nimis acutos, et circumcidere secundo filios Israel (*Jos. ii.*). » Item apud Jeremiam : « Hæc dicit Dominus : Viri Juda, et qui inhabitant

A Jerusalem, reuocate inter vos novitatem, et ne seminaveritis in spinis : circumcidite vos Deo vestro, et circumcidite præputia cordis vestri ne exeat sicut ignis ira mea, et non sit qui extinguat (*Jer. iv.*). » Quod lex prior, quæ per Moysen data est, cessatura esset, apud Isaiam : « Tunc manifesti erunt, qui signant legem, ne discant, et dices, exspecto Dominum, qui avertit faciem suam a domo Jacob, confidens [fidens] ero in eum (*Isa. viii.*). » Quod lex nova danda esset, apud Michæam : « Lex de Sion proficietur, et sermo Domini de Hierusalem, et judicabit plurimos populos (*Mich. iv.*). » Item apud Isaiam : « De Sion procedet lex, et verbū Domini de Hierusalem, et judicabit inter gentes (*Isa. i.*). » Item apud Jeremiam : « Ecce dies venient, dicit Dominus, et consummabo super domum Israel, et super domum Juda testamentum novum, non secundum testamentum quod disposui patribus eorum in die qua apprehendi manum eorum, ut educerem eos de terra Ægypti (*Jer. xxxi.*). » Quod sacrificium vetus expelleretur [evacuarentur] et novum celebraretur, apud Isaiam dicitur : « Quo mibi multitudinem sacrificiorum vestrorum, dieit Dominus? Plenus sum holocaustate arietum et pinguedine agnorum, et sanguinem taurorum et hircorum nolu: (*Isa. i.*). » Item apud Malachiam : « Non est mihi voluntas circa vos, dicit Dominus, et sacrificium acceptum non habeo de manibus vestris, quoniam a solis ortu usque in occasum clariscatum est nomen meum apud gentes, et in omni loco odores incensi offeruntur nomini meo, et sacrificium mundum, quoniam magnum est nomen meum apud gentes (*Mal. xli.*). » Item in psalmo centesimo undecimo [cix] : « Agte Luciferum genui te : Juravit Dominus, et non pœnitibit eum : Tu es sacerdos in æternum secundum ordinem Melchisedech. » Item in libro Regum dicit Dominus Deus ad Heli sacerdotem : « Suscitabo mihi sacerdotem fidem, qui omnia quæ sunt in corde meo, faciet, et ædificabo ei domum fidem et transibit in conspectu Christorum meorum diebus omnibus. Et erit qui remanserit in domo veniet adorare in obolo pecuniae, et vane et vino (*I. Reg. ii.*). »

His locutionibus propheticis de Christi nativitate et prædicatione, et apostolorum 274 missione, et sacerdotii mutatione præmissis, addamus aliqua de eisdem auctoribus prolata, Christi passionem et resurrectionem præloquentia. Inseramus etiam principalia veterum sacrificia, quæ in exteriori tabernaculo offerebantur, in idipsum consonantia, ut deinceps commodius aptate possimus sacerdotio veteri et evangelicæ veritati nostra sacramenta. Primo itaque Genesi morte Abel (*Gen. iv.*), mors Christi figuratur : quia sicut ille a fratre majore occiditur in campo, ita Christus caput minoris populi natu, a

personam, ex utroque genere concretum esse, hoc est, constare ex divinitate et humanitate, hoc est, Deum et hominem esse, dicere voluerit, inconfusa Dei et hominis substantia permanente.

(1) Non de naturarum confusione et commistione, quod est nefandum Eutychis dogma, sed de personarum unitate, hæc contra Nestorium accipiuntur, ut Christum unam in divinitate et humanitate

Judaico populo majore natu occiditur in Calvariae loco. Item in Genesi, quis per immolationem filii significabatur in Abraham, nisi Pater excelsus? Quis in Isaac, nisi Christus? (Gen. xxii) Nam sicut Abraham unicum filium suum et dilectum, victimam Deo obtulit, ita Deus Pater proprio Filio suo non pepercit, sed pro nobis tradidit illum (Rom. 1), et sicut Isaac ligna sibi portavit, in quibus erat impoenitus, ita Christus portavit lignum crucis suum in humeris, in qua erat crucifigendus (Matth. xxvii). Asinus autem, qui in haec portabat, insensata est stultitia Judaeorum, quae portabat omnia nostra sacramenta, et nesciebat. Sed quid significat aries in veribus haerens cornibus, nisi Christum, qui et ovis dicitur, cuius caro, intacta divinitate, cruci affligitur? inter spinas enim Judaicorum peccatorum suspensus est. Quem Samson in libro Iudicium præfigurabat, qui in Gaza civitate Philistinorum clausus, et diligentia custodia circumseptus, media nocte portas tulit, et non solum liber exiit, sed etiam montis verticem ascendit? (Gen. xxii.) Hoc facto quem significat nisi Christum, qui ante lucem resurgens, non solum de inferno liber exiit, sed et ipsa inferni claustra destruxit, et celorum alta penetravit? Quod humilis in primo adventu suo veniret, apud Isaiam: « Domine, quis credidit auditui nostro? Et brachium Domini cui revelatum est? » (Isa. li.) Annuntiavimus coram ipso sicut pueri, sicut radix in terra sitienti: non est figura ei, neque claritas; et vidimus illum, et non habuit figuram neque speciem, sed figura ejus sine honore, et deficiens præter ceteros homines: homo in plaga positus, et sciens ferre imbecillitatem, quia aversa est facies ejus, inhonoratus est, et non est comediputatus.

Hic peccata nostra portat; et pro nobis dolet, et nos putamus esse illum in dolore et in plaga, in vexatione; ipse autem vulneratus est propter facinora nostra, et infirmatus est propter peccata nostra, doctrina pacis nostræ super illum; livore ejus sanitati sumus, omnes sicut oves erravimus. Homo a via sua erravit, et Dominus tradidit illum pro peccatis nostris, et ipse propterea quod vexatus est, non aperuit os suum. Item apud eundem dicit: Non sum contumax, neque contradicō. dorsum meum posui ad flagella, et maxillas ad palmas: Faciem autem meam non averti a foeditate sputorum, et fuit Deus auxiliator meus.

Quod ipse sit justus judex, quem Judæi occisuri essent, in sapientia Salomonis dicitur: « Circumveniamus justum quoniam insuavis nobis, et contrarius est operibus nostris, et exprobrat nobis peccata legis; promittit se scientiam Dei habere, et Filium Dei se nominat; factus est nobis in traductionem [contradictionem] cogitationum nostrorum: gravis est nobis ad videndum, quoniam dissimilis est aliis vita illius, et mutata sunt viæ ejus. Tanquam nugaces æstimati sumus ab illo; continet se a viis nostris tanquam ab immunditiis, et præ-

A fert novissima justorum, et gloriatur se habere Patrem Deum. Videamus ergo si sermones illius veri sint, et tentemus quæ ventura sunt illi; contumelia et tormento interrogemus eum, ut sciamus reverentiam illius, et probemus patientiam illius; morte turpissima condemnemus eum. Haec cogitaverunt, et erraverunt. Excœavit enim illos malitia ipsorum, et nescierunt sacramenta Dei (Sep. ii.).

Quod ipse dictus sit ovis et agnus qui occidi debet, et de sacramento passionis, apud Isaiam: « Sicut ovis ad victimam [ad occisionem] ductus est, et sicut agnus coram tondente se sine voce, sic non aperuit os suum (Isa. lxxiii). » In humilitate jedidicium ejus sublatum est. Nativitatem autem ejus quis enarrabit? Quoniam auferetur a terra vita ejus.

B A facinoribus populi mei adductus est ad mortem, et dabo malos pro sepultura ejus, et ipsos divites pro morte ejus, quia facinus non fecit, neque insidias ore suo: propterea ipse consequetur multos, et fortium dividet spolia; propterea quod tradita est ad mortem anima ejus, et inter facinorosos depatus est; et ipse peccata multorum tolit [pertulit], et propter facinora illorum est. Item apud Jeremiam: « Domine, significa mihi, et cognoscam. Tunc vidi meditationes eorum. Ego sicut agnus sine malitia, perductus sum usque ad victimam; in me cogitaverunt cogitatum, dicentes: Venite, mittamus lignum in panem ejus, et eradamus a terra vitam ejus, et nomen ejus non erit in memoria amplius (Jer. xi). » Item in Exodo Dominus ad Moysen: « Accipiant sibi singuli ovem per domus tribuum, ovem sine vitio, perfectum, masculum, anniculum ab agnis et ab haerdis accipietis: et occidet eum omne vulgus Synagogæ filiorum Israel a vesperam; et accipient de sanguine, et ponent super duos postes et super limen in domibus, in quibus comedent carnes ipsa nocte assatas igni: et azyma cum pigidiis [pigridiis] edent. Non edetis ex eis crudam, nec coctam in aqua, nisi assatam igni. Caput cum pedibus et intestinis vorabitis, nihil derelinquetis ex his in mane, et os non confringetis ex eo: quæ autem relicta fuerint de eo usque in mane, igne crementur. Sic autem comedetis eum: »

C D Lumbi vestri prædicti, calceamentaque vestra in pedibus vestris, et baculi vestri in manibus vestris: et edetis eum festinanter. Pascha enim est Domini (Exod. xii). »

Quod cruci illum fixuri essent Judæi, apud Isaianum: « Expandi manus meas tota die ad plebem contumacem, et contradicentem mihi, qui ambulant vias non bonas, sed post peccata sua (Isa. lxv). » Item apud Jeremiam: « Venite, mittamus lignum in panem ejus, et eradamus a terra vitam ejus (Jer. xi). » Item in Deuteronomio: « Et erit pendens vita tua ante oculos tuos: et timebis die et nocte, et non credes vitæ tuæ (Deut. xxviii). » Item in psal. xxi: « Effoderunt manus meas, et pedes meos, dinumeraverunt omnia ossa mea. »

Quod in passione crucis et signo virtus omnis sit et potestas, apud Habacum : « Texit cœlos virtus ejus, et laudis ejus plena est terra, et splendor ejus ut lumen erit : cornua in manibus ejus erunt, et illuc constabilita est virtus gloriae ejus, et constituet dilectionem validam ; ante faciem suam ibit verbum, et præcedet in campos secundum gressus suos (*Habac.* iii). » Item apud Isaiam : « Ecce natus est vobis puer, et datus est vobis filius, cuius imperium super humeros ejus, et vocatum est nomen ejus magnæ cogitationis nuntius (*Isa.* ix). » Hoc signo crucis et Amalech vinctus est ab Iesu per Moysen (*Exod.* xvii).

**275** Quod in hoc signo crucis salus sit omnibus, qui in frontibus notantur, apud Ezechielem Dominus dicit : « Transi medium Hierusalem, et notabis signo thau super frontes virorum, qui ingemunt et morient ob iniurias quæ sunt in medio ipsorum (*Ezech.* ix). » Item illuc : « Vadite et cœdite, et nolite parcere oculis vestris, nolite misereri seniores, ac juvenes, et virgines, et parvulos, et mulieres interficie, ut perdantur. Omnem autem super quem signum scriptum est, ne tetigeritis (*ibid.*). » Item in Exodo Deus ad Moysen : « Et erit sanguis vobis in signo super domos ubi eritis, et videbo sanguinem, et protegebam vos et non erit in vobis plaga diminutionis, cum percutiam terram Ægypti (*Exod.* xii). »

Quod medio die in passione ejus tenebræ futuræ essent, apud Amos : « Et erit in illa die, dicit Dominus, occidet sol meridiæ, et obtenebrabit dies lucis, et convertam dies festos in luctum, et omnia cantica vestra in lamentationem (*Amos* viii). » Item apud Jeremiam : « Exterrita est quæ parit, et tædit anima ejus : subiit sol, et cum adhuc medius dies esset, confusa est et maledicta. Reliquos eorum in gladio dabo in conspectu inimicorum suorum (*Jer.* xv). » Item in Evangelio : « A sexta autem hora tenebræ factæ sunt per totam terram, usque in horam nonam (*Matth.* xxvii). »

Quod a morte non vinceretur, nec apud inferos remansurus esset, in psalmo xxix : « Domine, eduxisti ab inferis animam meam. » Item in psalmo iii : « Ego dormivi, et somnum cepi, et surrexi, quoniam auxiliatus es mihi. » Item in Evangelio sancti Joannis : « Nemo auferet animam meam a me, sed ego a me pono eam, et potestatem habeo ponendi eam, et potestatem habeo iterum sumendi eam : hoc enim mandatum accepi a patre meo (*Joan.* x). »

Quod ab inferis tertia die resurgeret, apud Osee : « Vivificabit nos post biduum : die tertia resurgemus (*Ose.* vi). » Item in Exodo : « Et dixit Dominus ad Moysen : Descende, et testificare populo et sanctifica illos hodie et cras, lavent vestem suam, et sint parati in perendinum diem : die enim tertia descendet Dominus in montem Sina (*Exod.* xix). » Item in Evangelio : « Progenies nequam et adultera signum querit, et signum non dabitur ei, nisi signum Jonæ prophæte. Quomodo enim fuit Jonas in ventre ceti tribus diebus et tribus noctibus, ita erit

A Filius hominis in corde terræ (*Matth.* xii; *Joan.* ii), » Hoc ipsum figuratum est in verbis Jacob, cum benediceret Judæ patriarchæ, hoc modo : « Catulus leonis Juda, ad prædam, fili mi, ascendisti : requiescens accubisti ut leo et quasi leæna, quis suscitabit eum (*Gen.* xlxi). » Typice catulus leonis, Dominum Salvatorem appellat tanquam leonina ortum propria, videlicet regia stirpe progenitum. Bene autem catulus leonis vocatur, cujus natura esse dicitur, ut nascens, tribus diebus dormiat, deinde rugitu paterno excitatus assurgat. Quæ figura pulcherrime arridet Dominicæ dormitioni, qui tribus diebus dormiens, ad Patrem clamat : « Tu autem, Domine, miserere mei, et resuscita me (*Psal.* xl). » Sed resuscitatus ad prædam ascendit, quia exsoliens in fernum justos quosque ad superna tanquam prædam egregiam triumphando evexit. Qui ut leo, et quasi leæna accubavit, quia qui dormire per carnem in sepulcro voluit, quasi leo vitor de hostibus triumphavit. Quod autem subjungit : « Quis suscitabit eum ? subauditur, quis nisi Pater ? » (*Gen.* xlxi.)

Quod cum resurrexisset, acciperet a Patre omnem potestatem, et potestas ejus æterna sit, apud Daniellem : « Videbam in visu nocte, et ecce in nubibus cœli tanquam Filius hominis veniens, venit usque ad Veterem dierum, et stetit in conspectu ejus, et qui assistebant, obtulerunt eum, et data est ei regia, et omnes reges terræ, et genus [gens] omnis claritatis serviens ei, et potestas ejus æterna, quæ non afferetur, et regnum ejus quod non corruptetur (*Dan.* vii). » Item apud Isaiam : « Nunc exsurgam, dicit Dominus, nunc clarificabor, nunc exaltabor ; nunc videbitis, nunc intelligetis, nunc confundemini ; vanæ erit fortitudo spiritus vestri, ignis vos consumet [confundet] (*Isa.* xxxiii). » Item in psalmo centesimo nono : « Dixit Dominus Domino meo : Sede a dextris meis : quousque ponam inimicos tuos suppedaneum pedum tuorum. Virgam virtutis tuae emitte Dominus ex Sion, et dominaberis in medio inimicorum tuorum. »

Quod ipse sit Rex regum, in æternum regnaturus, apud Zachariam : « Dicite filiæ Sion : Ecce rex tuus venit tibi justus, et salvans mitis, et sedens super asinum indomitum (*Zach.* ix). » Item apud Isaiam : « Quis nuntiavit vobis, quia ignis ardet ? Quis nuntiavit vobis locum æternum ? Ambulans in justitia, et manus abstinent a muneribus, gravans aurem ne audiat judicium sanguinis, et comprimens oculos suos, ne videat injustitiam : hic habitabit in alta spelunca petræ, fortis panis illi dabitur, et aqua ejus fidelis : Regem cum claritate videbitis (*Isa.* xxxiii). » Item apud Malachiam : « Rex magnus sum ego, dicit Dominus, et nomen meum illustre apud gentes (*Malac.* ii). » Item in psalmo secundo : « Ego autem constitutus sum rex ab eo super Sion montem sanctum ejus, prædicans imperium ejus. » Item in psalmo vigesimo primo : « Commemorabuntur et convertentur ad Dominum universi fines terræ, et adorabunt in conspectu ejus omnes patriæ gentium,

quoniam Domini est regnum, et dominabitur omnium gentium. Ad hæc, quid illa Levitica sacrificia significant nisi Christum passum, resurgentem, cœlos ascendentem, et aspersione sui sanguinis in aqua baptismi populos Novi Testamenti sanctificantem? Quod ut manifestius videatur, nunc ipsa principalia sacrificia, quæ in altari exterioris tabernaculi cremabantur, cum suis expositionibus ad medium deducamus: suo postea loco ea, quæ siebant in altari thymiamatis, quod erat in interiori tabernaculo, reservabimus, quia sic proposito operi convenire intelligimus. Hostiarum enim diversitates imaginem passionis Christi præfigurabant. Nam postquam ipse oblatus est, omnes illæ hostiae cessaverunt, quæ in typo vel umbra ejusdem præcesserunt, præfigurantes illud sacrificium, quod unus et verus sacerdos obtulit, mediator Dei et hominum. Cujus sacrificii præmissas figuræ in victimis animalium celebrari oportebat propter emundationem carnis et sanguinis: per quam unam victimam fieret remissio peccatorum, de carne et sanguine contractorum, quæ regnum Dei non possidebunt, quia eadem substantia corporalis, in cœlestem commutabitur qualitatem.

Ipse enim in vitulo propter virtutem crucis offerebatur, ipse in agno propter innocentiam; in ariete propter principatum; in hirco propter similitudinem carnis peccati, ut de peccato damnaret peccatum; in turture et columba, propter Deum et hominem, quia mediator Dei et hominum in duarum substantiarum conjunctione ostendebatur. Porro in similagine conspersionis credentium per aquam baptismatis **276** collectam Ecclesiam, quæ est corpus Christi, perspicue demonstrabat. Nos autem moraliter munus Deo vitulum offerimus, cum carnis superbiā vincimus; agnum, cum irrationalib[us] motus et insipientes corrigimus; hædum, cum lasciviam superamus; columbam, dum simplicitatem mentis ostendimus; turturem, dum carnis servamus castitatem; panes azymos, dum non in fermento malitiæ; sed in azymis sinceritatis et veritatis ambulamus. Ignis in sacrificio id significat, velut ab sorbene mortem victoria. In eo autem populo hæc rite celebrata sunt, cuius regnum ac sacerdotium, prophetia erant venturi regis et sacerdotis ad regendos et congregandos fideles in omnibus gentibus, et introducendos in regnum ecolorum, ad sacrarium angelorum, ad vitam æternam. Hujus itaque veri sacrificii vera sacramenta sicut Hebrei celebraverunt, ita sacrilega imitantur pagani. Quæ immolant gentes, ait Apostolus, dæmoniis immolant, et non Deo (*I Cor. x.*). Antiqua enim res est, et prænuntiativa, immolatio sanguinis, futuram passionem mediatoris ab initio humani generis testificans. Hanc enim primus Abel obtulisse in sacris Litteris invenitur (*Gen. iv.*). In exordio autem Levitici, quatuor genera principalium oblationum describuntur, quæ in odorem suavitatis Domino offerri jubentur (*Levit. v.*). Id est, primum, vitulum

A de armentis sine macula; secundum, agnum de ovibus; tertium, turturum et columbam; quartum, similaginem conspersam, azyma oleo uncta, cibano cocta. Reliqua vero sacrificia pro qualitatibus carnarum in persona Domini offerebantur.

Primum itaque sacrificium vitulus ex armentis, Christum demonstrabat ex patriarcharum progenie descendente; hic aratro crucis suæ, nostræ varnis terram perdomuit, atque Spiritus sancti semen, virtutum fruge ditavit. Iste vitulus sine macula est, quia sine peccato ad passionem dicitur. Offertur autem non in tabernaculo sed ad ostium ejus, quia extra castra passus est Christus (*Hebr. xiii*); per filios autem Aaron sacerdotis offertur sanguis ejus, quod de Anna et Caipha intelligi potest, qui consilium adversus eum facientes effuderunt sanguinem Christi. Secunda hostia de ovibus agnus oblatus (*Isa. lxi*); id est Christus propter innocentiam figuratur. Hic est agnus, qui apud Isaiam in sacrificium adducitur, et ab Joanne omnibus demonstrabatur: Ecce Agnus Dei, ecce qui tollit peccata mundi (*Joan. i*). Bene ergo in sacrificio agnus offerrebatur, ut innocentiae et passionis Christi figura demonstraretur. Bene et hædis, quia per ejus mortem, auctor peccati, diabolus agnoscatur jugulatus. Tertium sacrificium dicitur turtur et columba. Turturum, carnem Christi esse, manifestum est, Salomone dicente: Speciosæ genæ tuæ sicut turritis (*Cant. i*). Columbam, Spiritus sancti habere figuram, Joannes Baptista declarat, dicens: Super quem videris Spiritum sanctum descendenter sic ut columbam, hic est Filius meus (*Joan. i*). Ac per hoc turturum et columbam, id est carnem Christi Spiritui sancto sociatam, per mysterium passionis, sacrificium Deo in odorem suavitatis. Ista tria sacrificia offert homo, id est Christus Jesus. Quartam autem anima offert; id est Ecclesia offert sacrificium de simila, Ecclesiæ catholicæ figuram prænuntians, quæ ex convenientibus membris, quasi simila ex multis granis credentium collecta est, et legis et Evangeliorum molam inter litteram et spiritum separat. Per aquam enim baptismatis adjuncta, chrismatis oleo peruncta, sancti Spiritus igne solidata, per humilitatis spiritum Deo hostia placens effecta. Hæ sunt quatuor oblationes, quadriformem Christi et Ecclesiæ habitum demonstrantes.

De juvenca rufa cuius cinerem ad aquam asperionis, eorumque mundationem qui mortuum tetigerint, proficere lex mandavit, aliqua dicere conabimur.

Evidentissimum enim signum in ea Novi Testamenti præfiguratur, nec satis digne festinantes dicere de tanto sacramento valemus. Primum enim quod ita cœpit de hac re loqui scriptura, quem non moveat, et intentissimum faciat in altitudinem sacramenti: Et locutus est, inquit, Dominus ad Moysen et ad Aaron, dicens: Ista est distinctio legis, quæcumque constituit Dominus (*Num. xix*). Procul dubio non est distinctio, nisi inter aliqua duo

vel plura. Nam distinctionem singularitas non requirit, nec distinctionem cuiuslibet rei commenstravit, sed addidit, legis; *¶*c cuiuscunque legis, assidue quippe in scriptura dicitur de unaquaque re, de qua legitime præcipitur: hæc est lex illius vel iiii rei non universalis, quæ continet omnia, quæ legitime præcipiuntur. Hic vero cum dixisset. «Hæc est distinctio legis, » secutus adjunxit: « Quæcunque constituit Dominus, » præcipiendo utique, non credendo. Nam etiam nonnulli interpres: « Quæcunque præcepit Dominus, » transtulerunt: Si ergo hæc est distinctio legis, quæcunque præcepit Dominus, procul dubio magna est ista distinctio, et recte intelligitur, duo Testamenta dicere. Eadem quippe sunt in veteri et in novo: ibi obumbrata, hic revelata: ibi præfigurata, hic manifestata. Nam non solum sacramenta diversa sunt, verum etiam promissa; ibi videntur temporalia proponi, quibus spirituale præmium occulte significetur; hic autem manifestissime spiritualia promittuntur et æterna. Temporalium autem honorum atque carnalium, et spiritualium atque æternorum, quæ clarior certiorque distinctio est quam passio Domini nostri Jesu Christi? In cuius morte satis constitit non istam terrenam transitoriamque felicitatem a Domino Deo pro magno munere sperandam et optandam, quam quod in unigenito suo Filio, quem tanta illa perpeti voluit, ideo longe aliud a se peti exspectarique oportere, apertissima distinctione declaravit. Hanc igitur passionem Domini nostri Jesu Christi, velut distinctionem duorum Testamentorum, hoc, quod de juvencæ rufæ tractatione narratur, satis congrue præfigurat. « Locutus est enim Dominus ad Moysen et Aaron, dicens: Ista distinctio legis quæcunque constituit Dominus (*Num. xix*), » ac deinde mandare incipit, hoc adjungens et dicens: « Loquere filii Israel. » Potest etiam ita distingui, et locutus est Dominus ad Moysen et Aaron, dicens: Ista distinctio legis, quæcunque constituit Dominus dicens, non quæcunque constituit Dominus creans, sicut cœlum et terram, et omnia quæ in eis sunt, sed quæcunque constituit Dominus dicens, in duobus scilicet Testamentis, ut deinde sequatur: Loquere filii Israel, et accipiant a te juvencam rufam sine vitio. Juvencia rufa carnem Christi significat; sexus semineus est, propter infirmitatem carnis; rufa est, propter ipsam cruentam passionem. Quod autem ait: Accipiant a te, in ipso Moyse figuram legis ostendit, quoniam **277** secundum legem sibi visi sunt Christum occidere, quia solvebat secundum ipsos Sabbatum, et sicut putabant, observationes legitimas profanabat. Quod ergo sine vitio dicitur hæc juvencia, mirum non est. Hanc enim carnem etiam cæteræ bestiæ figurabant, ubi similiter sine vitio pecora immolari jubentur. Erat quippe illa caro in similitudine carnis peccati, sed non caro peccati.

Voruntamen hic, ubi evidentius legis distinctio nem Deus voluit commendare, parum fuit dicere, sine vitio, nisi diceretur quæ in se non habet vitium.

A Quod si repetendi causa dictum est, fortasse non frustratur, quia eam rem ipsa repetitio firmius commendavit: quanquam et illud non aberret a vero, ut idem additum intelligatur, quæ non habet in se vitium, eum jam dictum esset, juvencam sine vitio, quia in se non habuit vitium caro Christi, in aliis autem habuit, quæ membra sunt ejus. Quæ enim caro in hac vita sine peccato, nisi illa sola, quæ non habuit in se vitium? Et non est superpositum super eam jugum: non enim subjugata est iniquitati, cui subjugatos inveniens liberavit, et [quos subjugatos invenit, et] eorum vincula disrupti, ut ei dicatur: « Dirupisti vincula mea; tibi sacrificabo hostiam laudis» (*Psal. cxv.*) Super illius quippe carnem non est superpositum jugum, qui potestatem habuit pondendi animam suam, et iterum sumendi eam. Et applicabis eam [dabis eam] quidem ad Eleazarum sacerdotem. Cur non ad Aaron, nisi ita forte præfiguratum est, non ad tempus quod tunc erat, sed ad posteros hujus sacerdotii, passionem Domini per venturam? Et ejicient eam extra castra sicut et ejectus est Dominus (*Hebr. xiii*), passurus extra civitatem. Quod autem ait, in locum mundum, ita significatum est, quia non habuit causam malam. Et occident eam in conspectu ejus, sicut occisa est caro Christi in conspectu eorum, qui jam futuri erant in novo testamento Domini sacerdotes. Et accipiet Eleazar ejus sanguinem, et asperget contra faciem tabernaculi testimonii a sanguine ejus septies. Hic testificatio est, Christum fudisse secundum Scripturas sanguinem in remissionem peccatorum. Ideo contra faciem tabernaculi testimonii, quia non aliter declaratum est, quam fuerat divino testimonio prænuntiatum. Et ideo septies, quia ipse numerus ad emendationem pertinet spiritualem. Et cremabunt eam in conspectu ejus. Puto, quia crematio ad sanguinem pertinet resurrectionis. Natura quippe est ignis, ut in superna moveatur; et in eum convertitur quod crematur. Nam ipsum cremare, de Greco in Latinum ductum verbum est a suspensione. Quod vero additum est, in conspectu ejus, id est in conspectu sacerdotis, hoc mibi insinuatum videtur, quia illis apparuit resurrectio Christi, qui futuri erant regale sacerdotium. Jam quod sequitur, et pellis, et carnes, et sanguis ejus cum stercore ejus comburatur, id ipsum expositum est, quomodo et cremabitur, et significatum est, quod non solum substantia mortalis corporis Christi, quæ commemoratione pellis et carnis et sanguinis intimata est, verum etiam contumelia et abjectio plebis, quam nomine sterco significat puto, convertetur in gloriam, quam combustionis flamma significat. Et accipiet sacerdos lignum cedrinum, et hyssopum, et coccinum, et immittet in medium combustionis juvencæ. Lignum cedrinum spes est, quæ debet in supernis firmiter habitare, hyssopus fides, quæ cum sit herba humili, radicibus hæret in petra; coccinum, charitas, quod servorem spiritus igneo colore testatur. Hæc tria debemus mittere in resurrectionem Christi

tanquam in medio combustionis illius, ut cum illo A sit abscondita vita nostra, sicut dicit Apostolus : « Et vita nostra abscondita est cum Christo in Deo (Coloss. iii). » Et lavabit vestimenta sua sacerdos, et lavabit corpus suum aqua, et postea introibit in castra, et immundus erit sacerdos usque ad vesperum. Lavatio vestimentorum et corporis quid est, nisi mundatio exteriorum e: interiorum? Hoc sacerdos.

Deinde sequitur : Et qui comburet eam, lavabit vestimenta sua et corpus suum aqua, et immundus erit usque in vesperum. In eo qui comburit, hos figuratos arbitror, qui Christi carnem sepelierunt, resurrectioni eam veluti conflagrationi mandantes. Et congregat homo mundus cinerem juvencæ, et ponet extra castra in locum mundum. Quid dicimus cinerem juvencæ, reliquias videlicet interfectionis et combustionis, nisi famam quæ consecuta est passionem et resurrectionem Christi, quoniam « sunt reliquiae homini pacifico ? » (Psal. xxxvi.) Nam cinis erat, quia velut mortuus ab infidelibus contemnebatur; et tamen mundabat, quia resurrexisse a fidelibus credebatur. Et quia hæc fama apud eos maxime claruit, qui in cæteris gentibus erant, et non erant de consortio Judæorum, ideo dictum esse existimo, et congregabit homo mundus cinerem juvencæ. Mundus utique ab interfectione Christi, quæ Judæos fecerat reos. Et reponet in locum mundum, id est, honorabiliter tractet, tamen extra castra, quia citra celebrationem Judaicæ consuetudinis honor evangelicus claruit. Et erit Synagogæ filiorum Israel in observationem. Aqua aspersionis, purificatio est. Postea declarat plenus, quemadmodum ex isto cinere siebat aqua aspersionis unde mundabuntur a contactu mortuorum, quod utique significat ab iniuritate ejus moribunda vel morticinæ vitæ. Sed mirum est, quod sequitur : Et qui congregat, inquit, cinerem juvencæ, lavabit vestimenta sua, et immundus erit usque ad vesperam. Quomodo erit ex hoc immundus, qui mundus accesserat, nisi quia et hi qui sibi videntur mundi, in fide Christi se agnoscunt, quia omnes peccaverunt, et egent gloria Dei, justificati gratis per sanguinem ipsius (Rom. iii)? Hunc tamen vestimenta sua lavare dixit, non etiam corpus suum. Credo, quod illius cineris congregatione, et repositione in hoc loco mundo, si hæc spiritualiter intelligentur, ita jam intrinsecus vult intelligi suis mundatum, sicut Cornelius audiens et credens quod prædicaverat Petrus, ita mundatus est (Act. x), ut ante visibilem baptismum, cum suis qui aderant, acciperet dona Spiritus sancti. Verumtamen nec visibile sacramentum contemni potuit : ut ablutus etiam intrinsecus [extrinsecus] lavaret quodammodo vestimenta sua. Et erit, inquit, filiis Israel et proselytis, qui apponuntur, legitimum æternum. Quid aliud ostendit, nisi baptismum Christi quem significabat aqua aspersionis, et Judæis et gentibus profuturum, id est filiis Israel, et proselytis, tanquam naturalibus ramis, et inserto pinguedini radicis oleastro? Quem autem non faciat intentum, quod post

ablutionem de singulis quibusque dicitur, et immundus erit usque ad vesperam. Neque hic tantum, sed in omnibus aut pene in omnibus talibus mundationibus hoc dicitur. Ubi nescio utrum aliquid aliud possit intelligi, nisi quod omnis homo post remissionem plenissimam **278** peccatorum, permanendo in hac vita, contrahit aliquid unde sit immundus usque ad ejusdem vitæ finem, ubi ei dies iste quodammodo clauditur, quod significat vespera. Deinde incipit scriptura dicere, et exsequitur, quemadmodum immundi facti homines, aqua illa aspersionis purificantur. Qui tetigerit, inquit, morticiam, omnis anima hominis immunda erit septem diebus. Hic purificabitur die tertio, et die septimo, et immundus erit. Et hic nihil aliud intelligendum video, nisi contactum mortui, esse hominem iniuriam. Septem vero dierum immunditiam, proper animam et corpus dictam puto : animam in ternario, corpus in quaternario. Quod quare ita sit, longum est disputare. Secundum hoc arbitror per prophetam dictum : « In tribus et in quatuor impietatis rou aversabor (Amos 1 et 11). » Adjungit autem et dicit : Si autem non purificatus fuerit die tertio, et in die septimo, non erit mundus; omnis qui tetigerit mortuum ab omni anima hominis, et mortuus fuerit et non fuerit purificatus, id est, ante mortuus fuerit tacto mortuo, quam fuerit purificatus, tabernaculum Domini polluit, exterminetur anima illa ex Israël. Notandum est, quod difficillime reperitur in his libris aliquid evidenter de vita animæ post mortem, suisque conscriptum. Hic ergo cum dicit, si fuerit mortuus ante purificationem manere in illo immunditiam, et exterminari animam illam ex Israël; id est a consortio populi Dei, quid aliud vult intelligi, nisi manere animæ poenam etiam post mortem, si cum vivit, mundata non fuerit sacramento isto, quo Christi baptismus figuratur? Quoniam aqua aspersionis, inquit, non est circum aspersa super eum qui immundus est; adhuc immunditia ejus in ipso est, adhuc scilicet post mortem. Quod vero supra dixit, tabernaculum Domini polluit, quantum in ipso est, utique dixit sicut Apostolus : « Spiritum nolite extinguere (II Thess. v), » cum existungi ille non possit. Nam si ex hoc tabernaculum immundum factum vellet intelligi, mundari utique juberet. Postea vero immundos a mortuis operibus, quæ sunt iniuriantes, omnes ista mundari jubet. Et accipiunt illi immundum, inquit, a cinere ejus exustæ purificationis, et effundent super eum eundem cinerem aquam vivam in vase, et accipiens hyssopum, et tingens in aqua vir mundus, circumsparget super domum, et super vasa, et super animas, quotquot fuerint illic, et super eum, qui tetigerit os humatum, aut vulneratum, aut mortuum, aut monumenum. Et asperget mundus super immundum die tertio et in die septimo, et purificabitur die septimo, et lavabit vestimenta sua, et lavabitur aqua, quam puto spiritualem intelligendam, per significationem, non per proprietatem. Nam sine dubio visibilis erat,

sicut omnes illæ umbræ futurorum. Proinde qui a sacramento baptismi recte abluitur, quod illa aspersio aqua figurabat, mundatur spiritualiter, id est invisibiliter, et in carne, et in anima, ut sit mundus et corpore et spiritu. Quod vero hyssopum diximus aqua aspersio aspergi, quam herbam supra diximus fidem significare, quid aliter occurrit, nisi quod scriptum est, « fide mundans corda eorum? (Act. xv.) » Non enim prodest baptismus, si desit fides. A viro autem mundo dixit hoc fieri, ubi significantur ministri portantes personam Domini sui, qui vere vir mundus est. Nam de his ministris in consequentibus dicit : Et qui circum asperget aquam aspersio, lavabit vestimenta sua, id est observabit et corpora. Et qui tetigerit aquam aspersio, immundus erit usque ad vesperam, et omnis qui tetigerit illud immundus, immundus erit; et anima quæ tetigerit, immunda erit usque ad vesperam. Jam dixi superius, quid mihi significare videatur, usque ad vesperam. Hæc quæ commemoravimus, et alia quæ pro diversis occasionibus in lege offerri mandantur, Christi sacerdotium præfigurantia, et res gestas, quas illæ figurae præloquuntur, Ecclesia compendiosa imitatione repræsentat, cum missarum sacramenta per orbem terrarum quotidiana celebratione frequentat.

Et primo Introitus missæ collectus de psalmis, et [vel] de aliis propheticis Scripturis cum sanctæ Trinitatis glorificatione cantatur, et sequens litania devotam eorum exspectationem repræsentat, qui adventum Christi toto corde desiderabant, et in hac fidei exspectatione differri sibi suum desiderium suspirabant. Qualis fuit Simeon, qualis fuit Anna, et multi alii, quos Deus novit, sed non omnes Scriptura commemorat. Sub hoc sanctorum desiderio, secundum quod prædictum fuerat a prophetis, Christus de Virgine natus est, secundum illud quod in persona ejus dicit Psalmista, ad patrem loquens : « Holocaustum et pro peccato non postulasti, tunc dixi, ecce venio (Psal. xxxix). » Quod bene representatur, cum sacerdos Christi personam imitans, choro concinente supra memoratum introitum, procedit ad dexteram partem altaris, in hoc significans mediatore Dei et hominum, qui de scipso dicit : « Non sum missus nisi ad oves, quæ perierunt dominus Israel (Matth. xv). » qui populus tanquam dexter, solus unius Dei cultum tenuerat, nec post deos alienos, quos populus gentilis colebat, tanquam sinistra aberraverat. Post introitum sequitur hymnus angelicus, temporali Christi Nativitati testimonium perhibens, cum et cœlestes cives pronuntiant se Deum inde glorificasse, et murum inimicitarum, pace hominibus redita, cecidisse. Sequitur deinde oratio, adhuc in eadem parte altaris sacerdote merante. Orandum autem esse, inter prædicationis suæ primordia Dominus præcepit, quando congregatis in monte apostolis, tradita Dominica oratione, orandi fermam instituit (Matth. vi) : Hæc oratio quibusdam generalibus vocibus alias orationis spe-

A cies breviter comprehendit, quibus vel appetimus diligenda, vel vitamus fugienda, vel sanamus commissa. Sequitur dehinc lectio prophetica, vel apostolica, repræsentans discipulorum Christi prædicationem, quos Dominus binos et binos ante se misit in omnem civitatem, et locum, ad quem ipse erat venturus (Luc. xx). Post lectionem concinendo respondet chorus, ostendens sacræ lectioni se habuisse [adhibuisse] auditum et affectum [effectum]. Et quia hæc divini muneri esse intelliguntur, sequitur Alleluia, quod interpretatur, *Laudate Dñm*, ut implatur illud apostolicum præceptum : « Qui gloriatur, in Domino gloriatur (I Cor. i). » Quibus ita suo ordine peractis, transit levita aut sacerdos ad sinistram partem Ecclesiæ, lectrus Evangeliū. Quo B facto significatur illud, quod Judæis credere nolentibus, apostoli dixerunt : « Primum oportebat vobis loqui verbum Dei, sed quia repulisti illud, et indignos vos exhibuistis, ecce convertimur ad gentes (Act. xiii). » Adversus gentilitatem ergo, in qua frigus infidelitatis diu regnavit, tanquam in plaga septentrionali, adhuc prædicatur Evangelium, donec intreeat plenitudo gentium, et tandem sub Elia et Henoch ad fidem 279 veniant reliquæ Judæorum. Et hoc significatur, cum sacerdos ob complenda missæ sacramenta, ad dexteram partem revertitur. Post Evangelium profitetur Ecclesia fidem suam cantando symbolum apostolicum, ut ostendat, quantum profecerit per Evangelium. Salutato denique populo, dum sacerdos hostiam [hostia] accipit a ministris, et diversi generis oblationem [oblationes] a populis, offertorium cantatur a clericis. Quam consuetudinem accepit Ecclesia ex eo, quod in libro dierum dedicato templo a Salomone, legitur populum clangentibus levitis et tubis et tibiis et cymbalis, voce et omni genere musicorum (II Par. vi), multiplices hostias obtulisse. Ad hujusmodi hostias spiritualiter afferandas, admonemur per Psalmistam : « Afferte Domino filii Dei, afferte Domino filios arietum (Psal. xxviii), » id est nosipsos, quos genuerunt apostoli duces gregis Dominicæ. Et alibi : « Tollite hostias, et introite in atria ejus (Psal. xciv). » Offertur autem principaliter a ministris panis et vinum, ix corpus Christi sacerdotali benedictione commutanda, quæ D primus Melchisedech Abraham (Gen. xiv), a cæde quinque regum revertenti, legitur obtulisse, hoc significante Spiritu sancto, sacramenta Dominicæ corporis et sanguinis aliis non esse communicanda, nisi his qui regnum quinque sensuum superaverunt ; id est qui se vitiis et concupiscentiis crucifixerunt. Quod bene significatur illo numero vernaculorum, in quo Abraham supra dictos reges vicit, quem numerum thau T littera, formam crucis repræsentans, secundum litterarum supputationem exprimit.

In similitudinem talium oblationum voluit Dominus, ut a parentibus, sub lege factus, in templo offerretur et sacrificium columbarum et turturum pro eo offerretur, quamvis ipse talibus non indigeret, sed per hoc significaret Ecclesiam suam aut per

communes orationes, quas significant columbae, v. l. A per privatas, quas significant turtures, esse mundan-dam. Simile quid prænotaverunt vota trium mago-rum (*Matth.* ii), qui Christo nuper nato tria munera obtulerunt : aurum, quo moraliter spiritualis intel-ligentia declaratur ; thus, quo puritas devotæ ora-tionis intelligitur ; myrrham, quo carnis corruptio-nis mortificatio figuratur [significatur]. Attendum vero est, quod hæc omnia, quæ ab introitu missæ commemorata sunt, illis sacrificiis congrue compa-rantur, quæ sacerdotes in exteriori tabernaculo im-molabant, quia sicut ab illis contuendis populus non amovebatur, ita hæc omnia in audience omnium celebrantur. Sed mirabitur aliquis, quæ sit ista com-paratio sacramentorum, cum illa vetera fierent de corporibus, nova vero ista fiant in vocibus. Sed in significatis bene conveniunt, quia dispensationem incarnati Verbi, sicut superius dictum est, quam præfigurabant ænigmata rerum, eamdem esse com-pletam commemorant enuntiationes figuratarum vo-cum. Sive ergo oremus, sive psalmum cantemus, sive lectionem de propheticis, sive de apostolicis, sive de evangelicis verbis proferamus, quod sidei astruat veritatem, vel morum commendet honesta-tem, quasi vitulum labiorum nostrorum ad altare offerimus, quia mysterium verbi Dei mentibus alta sapientibus, in quibus ignis divini amoris ardet, et caro crematur, aperimus. Unde et ab hoc vitulo quasi corium detrahitur, cum remoto velamine litt-tere, spiritualis intelligentia revelatur. Hujus etiam vituli carnes in frusta conciduntur, cum parvulis in Christo lac (*I Cor.* ii), infirmis olus, solidus cibus perfectis (*Hebr.* v), secundum apostolicam traditio-nem, ministratur. Et notandum quod hic vitulus ad ostium tabernaculi testimonii offertur, cum ea quæ lex et prophetæ prædixerunt, in Christi adventu im-pleta esse et revelata creduntur, qui de scipso ait : « Ego sum ostium. Per me si quis introierit, salva-bitur (*Joan.* x). » Ipse est enim clavis David, qui « aperit, et nemo claudit (*Apoc.* iii) : » claudit, et nemo aperit. Super caput hujus vituli ponunt filii Aaron manus suas, cum Christo, qui caput est Ecclesiae, omnia bona opera sua Christi sacerdotes attribuunt, de quo dicitur : « Misit verbum suum, et sanavit eos (*Psal.* cvi), » et qui de se discipulis suis dicit : « Sine me nihil potestis facere (*Joan.* v). » Hujus quoque vituli intestina lavantur cum sanæ doctrinæ, quam illa sacramenta celabant, nihil contrarium admisetur ; et pedes, cum ipsius verbi prædicatio, carnis concupiscentia pulvere non fo-datur. Unde ait propheta : « Quam speciosi pedes evangeliantium pacem, evangelizantium bona (*Isa.* lii). » Stercora vero hujus vituli extra castra cre-mantur, cum sputa, colaphi, et omnis contumelia Verbo Dei illata, ipsa etiam crucis ignominia, in glo-riam resurrectionis, remota omni carnali observa-tione, commutatur (*Rom.* l). Quod bene significatur per ignem, qui quod assumit, in se convertit, et semper ad superiora contendit.

B Sicut ante designatum diximus Verbum Domini per vitulum, tanquam aratro crucis corda nostra exarantem, ita ipsi possumus intelligere per arie-tem, cum Christum ducem nostrum prædicamus, vel cum ejus innocentiam commendamus, juxta illud prophetæ : « Tanquam ovis ad victimam ducus est, et non aperuit os suum (*Isa.* lxi). » Per ha-dum quoque idem verbum significamus, cum Chri-stum in similitudinem carnis peccati venisse, et pro peccato generis humani oblatum fuisse commemo-ranus. Per turturem et columbam idem significa-mus, cum naturam humanam Spiritui sancto in Christo sociatam contestamur. Per turturem quippe merito Christi caro figuratur, quæ gemitum assump-tis nostræ passibilitatis et humanitatis et mortalita-tis. Unde et Psalmista : Turtur invenit sibi ni-dum, id est dispensationem suæ incarnationis in qua pullos fecit (*Psal.* lxxxiii), id est fidèles gene-ravit. Per columbam vero Spiritus sanctus intelligi-tur, qui in specie columbae super Dominum apparuit. Unde dictum est ad Joannem : « Super quem videris Spiritum descendenter, et manenter, ipse est qui baptizat (*Joan.* i). » In eodem Dei verbo similagine offerimus, cum expurgato fermento malitiæ et ne-quitiæ, populos ad unitatem ecclesiasticam convo-camus. Qui dum catechizantur, quasi moluntur; cum baptizantur, in unum corpus, ut unus panis fiant, adunantur; cum ad agonem instruuntur, quasi cibani decoctione roborantur, secundum illud : « Vasa sigilli probat fornax, homines autem justos tentatio tribulationis (*Eccli.* vi). » Et illud. « Fili, accedens ad servitutem Dei, præpara animam tuam ad temptationem (*Eccli.* ii). » Tum vero iidem populi, quasi panis oblationis oleo linuntur, cum per manus impositionem sacro chrismate ad eumdem agonem fortiter tolerandum contra spirituales nequicias con-firmantur. Nos quoque si Ieo placere contendimus, moraliter hæc omnia Deo offerre jubemur. Vitulum namque offerimus, cum superbiam humilitate su-peramus. Ovem vel arietem immolamus, cum re-ram innocentiam conservamus ; hædum autem of-ferimus, cum fetorem luxuriæ, carnis castigatione, et contriti cordis compunctione lavamus; turturem of-ferimus, cum hujus exsilio ærumnas ~~280~~ in solitu-dine mentis deploramus, dicendo cum Psalmista : « Heu mihi quia incolatus meus prolongatus est ! » (*Psal.* cxix.) Columbam offerimus, cum simplici-tatem columbae miramur, ut nulli machinemur dolos. Panes in cibano coctos offerimus, cum nullis tribulationibus ab unitate Ecclesie non dividimur. Panes azymos a sartagine Deo offerimus, cum zelum justitiae ex misericordia visceribus moderamur. Panem etiam in craticula coctum offerimus, cum ob zelum abstinentiae, jejuniis et laboribus carnes no-stram maceramus. Hæc Christi et Ecclesie sacrificia, lectiones nostræ de quibusunque libris historico vel allegorico stylo dictæ commendant : hæc melo-diae cantorum, ad pietatis affectum suavitate canora animos populorum excitantes, resonant : hæc hymni

e: psalmi concrepat, et quidquid in officiis ecclesiasticis sive nocturnis sive diurnis, vel in silentio secretorum, vel in audientia populorum frequenter, non otiose fit, sed totum vel ad ædificationem fidei, vel ad compositionem morum, ab his, qui non serviunt litteræ occidenti, sed spiritui vivificanti, reflectūtur. Sunt et alias multiplices hostiæ, quæ pro diversis occasionibus offeruntur, sive pro gratiarum actione, sive pro pontificis ordinatione, sive pro lepræ emundatione, sive pro nocturna illusione, quæ similiter hanc unam hostiam, de qua dictum est, figurabant, et fidem ac mores ædificant, quæ ideo multæ erant, et sæpe iterabantur, quia secundum Apostolum, perfectum facere non poterant servientem (*Hebr. ix*) : hæc autem semel oblata, peccata originalia et actualia purgavit, et cœlestia ac terrestria pacificavit.

Qualiter veteris ac novi sacerdotii sacramenta in aperto celebrata convenient, in supradictis, prout potuimus, breviter ostendimus. Nunc restat, ut ea præcipue, quæ in mysticis orationibus vel operationibus sacerdotes nostri faciunt, qualiter cum his convenient, quæ pontifices intra sancta sanctorum faciebant, prout Dominus dederit, ostendamus. Ac primo secretæ orationes, quas post offertorium facit sacerdos, in quibus panis et vinum, quæ in Christi corpus et sanguinem Dominicis verbis communitanda sunt, hostiæ vel oblationes, vel sacrificia nominantur, quid cum Evangelio simile habeant, videamus. In Evangelio quippe legimus quod Dominus facta coena in hortum cum discipulis exivit, et ibi antequam ad eum pervenirent, qui comprehensuri eum erant, remotus a discipulis, eamdem orationem in silentio ter oravit, commiserando misericordia Iudeis, dicens : « Pater, si fieri potest, transeat a me calix iste (*Matth. xix*). » Sed quia ab originali prævaricatione per obedientiam ejus redimendus erat mundus, elegit magis Iudeam in sua cæcitate derelinquere [delinquere], quam Dei filios in æterna morte relinquere, secundum illud : « Non salvatur Ninive, nisi aruisset cucurbita (*Jon. iv*). » Hanc trinam orationem, in qua se paternæ voluntati devovebat filius tanquam arietem in holocaustum, imitabantur pontifices in Veteri Testamento, in die propositionis Sancta sanctorum intraturi, cum etiam vitulus offerebatur pro pontifice, aries in holocaustum, hircus, in quem sors Domini ceciderat, pro peccato populorum, cum sanguis eorum, id est vituli et hirci, inferendus erat in sancta, crematis eorum corporibus extra castra. His omnibus sacrificii generibus Christus præfigurabatur, qui in illa trina oratione offerendum se esse Patri præsentabat tanquam vitulum pro peccato pontificum, tanquam arietem in holocaustum, tanquam hircum pro omni prævaricatione populorum. Expletis deinceps orationibus secretis, admonet populum sacerdos primum salutando; postea, ut quæ sunt sursum sapiat, et redemptori suo ingratus non existat, exhortando, et ut hæc omnia mediatoris gratiæ ascribat, consu-

A lendo. Quod et Dominus Jesus fecisse intelligi commode potest, inter ipsa trinæ orationis intervalla, quando ad discipulos ter veniens, dicebat : « Vigilate et orate, ne intretis in temptationem (*Math. xxvi*). » Quid est autem vigilare, nisi de suis meritis non præsumere, sed in omnibus ad mediatoris gratiam recurrere? Et ita dignum esse, ab humana fragilitate fieri salubriter docemur, cum angelos, archangelos, et omnes cœlestes exercitus Deum inde laudare et adorare noverimus, quod beatitudinem suam per mediatoris beneficium se obtiuerem fateantur.

Inde erat quod duo cherubim alis suis propitiatorium velabant, quia de collatis sibi virtutibus angelicæ potestates Deum honorant, et in propitiatorium aspiciunt, qui ex propitia Dei bonitate excellentiam, quam habent, se habere confidunt. Unde orat sacerdos, ut in confessione sanctæ Trinitatis, laudes nostræ laudibus jungantur angelorum, cum « In nomine Jesu omne genu flectatur cœlestium, terrenorum et inferorum (*Philip. ii*). » Quia ergo mediatori nostro, sicut ipse dicit, « Data est mihi omnis potestas in cœlo et in terra (*Math. xxviii*), » prosequitur sacerdos et rogit Deum Patrem, ut per eum benedicantur oblata mysteria, id est in eam veritatem transferantur, quam geregant in umbra predicta illa sacrificia, in die propitiationis oblata. Quia enim illa tria suut, vitulus, aries, duo hirci, tribus nominibus eorum significata commemorantur, quia dona, munera, sacrificia nominantur, quamvis unum repræsentent sacramentum Dominicæ passionis, quia [qua] pacificata sunt divina et humana. Duo quippe hirci duas significant in Christo naturas : humanam, in qua passus est pro reconciliatione nostra, quam significat mactatus hircus pro peccato; alteram divinam, quam significat hircus, qui per hominem paratum, id est per seipsum mittitur vivens in desertum illud scilicet, in quo relictis nonaginta novem ovibus, bonus pastor unam venit querere, quæ perierat (*Luc. xv*). Cum sanguine horum animalium, vituli videlicet et hirci, intrabat pontifex in Sancta sanctorum, et Dominus Jesus per proprium sanguinem, qui prædictorum, animalium sanguine figurabatur, introivit in Sancta sanctorum, æterna redēptione invertita (*Hebr. ix*), noster quoque sacerdos cum sanguine Christi, id est cum memoria Dominicæ passionis, ingreditur ad sancta mysteria celebranda. Orat Leviticus sacerdos, ingrediens tabernaculum testimoniū (*Levit. vi*), pro se et pro familia sua. Orat Christus pro se, cœlos ascensurus dicens : Pater clarifica filium tuum, ut filius tuus clarificet te (*Joan. xii*). Orat et pro familia sua, dicens : « Pater, serva illos, quos dedisti mihi, in nomine tuo (*Joan. xvii*). » Orat et sacerdos noster incipiens tractare sacra mysteria pro summo pontifice, et sancta Dei Ecclesia, et pro his qui in sublimitate sunt, secundum Apostolum, quatenus « quietam et tranquillam vitam agamus in omni pietate et sanctitate (*I Tim. ii*). » Desert sacerdos Leviticus carbones de altari, in quibus cremantur animalium carnes secum in

Sancta, implens inde thuribulum (*Levit. xvii.*). As-  
cendit summus sacerdos noster in tabernaculum non  
manu factum, portans secum corpus omni bono  
odore virtutum refectum [refertum], quas tanquam  
**281** carbones vivos accepit humanitas ab igne san-  
cti Spiritus tanquam de altari qui cremat carnes  
mali desiderii. Deserit et noster sacerdos secum car-  
bones de eodem altari acceptos, cum memoria facit apostolorum, et quorundam martyrum qui  
per amorem spiritus de mortuis vivificati, et ipsi in  
se divino ardente amore, et alias suo exemplo stu-  
dent de mortuis vivos facere. Hanc commemoratio-  
nem sanctorum inter secreta faciendam a Veteri  
Testamento habemus, praecipiente Moyse (*Exod.*  
*xxviii.*), ut Aaron Sanctuarium ingrediens, rationale  
haberet in pectore, in quo descripta essent nomina  
duodecim patriarcharum, sculpta in duodecim lapi-  
dibus, distributis per ternos ordines in capitibus  
quatuor angulorum. Quia in re significatur, quod  
cum fide Trinitatis et doctrina evangelica, in mente  
sacerdotis semper debet esse memoria praecedentium  
Patrum, quorum exemplis ad bene vivendum infor-  
metur, et natrociniis muniatur. Impositis aromati-  
bus, procedebat fumus de thuribulo qui obumbra-  
ret oraculum, ne videretur summus pontifex, dum  
esset in sanctuario.

Legitur et in Apocalypsi de nostro summo ponti-  
fice qui fuit Angelus magni consilii, quod, impleto  
thuribulo de igne altaris, id est habitante in Christi  
corpore omnipotenti divinitatis, tanta processit ex eo  
plenitudo, et ascensus virtutum, ut excederet omnem  
humanum intellectum (*Apoc. viii.*; *Coloss. ii.*), dicen-  
te Joanne : « Non enim ad mensuram dat spiritum  
(*Joan. x.*). » Orante quoque sacerdote nostro dum  
sacra menta Novi Testamenti celebrat, tanta puritas  
orationis tanquam fumus incensorum aromatum di-  
rigitur ad Deum, quae et rationem humanam, et  
omnem superemeat intellectum. Orat enim sacer-  
dos, ut oblationem altari superpositam dignetur Do-  
minus facere benedictam, id est, transferat in illam  
singulariter benedictam, id est ab omni peccato im-  
munem ; ascriptam, id est non noviter institutam, sed  
veteribus figuris et scripturis assignatam ; ratam, id  
est non transitoriam, quia vetus hostia irrita facta  
est, postquam Christus vera hostia in cruce oblatus  
est ; rationabiliter, id est non pecualem, quae san-  
guine taurorum non poterat perfectum facere ser-  
vientem (*Hebr. ix.*). Haec vero hostia nostra rationa-  
lis est, quia ipsa eadem et sacrificans est, et sacrifi-  
cium. Cum enim causam redderet Apostolus quare  
seipsum Christus obtulisset, subjunxit : « Si enim  
esset super terram, nec esset sacerdos (*Hebr. viii.*) ; »  
ac si diceret : Idcirco ipse factus est hostia, quia su-  
per terram non fuit æque digna, ita sufficiens ad ex-  
haurienda mundi crimina. Idcirco ipse offerens, quia  
non esset sacerdos æque dignus, quia lex constituit  
sacerdotes peccatores, qui primo offerrent pro pec-  
catis suis, deinde pro populi. Peccator ergo sacer-  
dos, qui sibi sufficeret non poterat, tam sanctam ho-

A stiam offerre non valuit ; sed ipsa sancta et innocens  
seipsam obtulit, quia voluit. Unde et in Evangelio  
dicit : « Nemo tollit a me animam meam, sed ego  
pono eam (*Joan. x.*). » Post illa verba communia spi-  
ritualiter exponit sacerdos quid petat, scilicet ut illa  
corporeæ materiae fiant nobis corpus et sanguis  
Christi. Haec oratio tanquam subtilissimorum fume  
aromaticum obumbrat propitiatorium, quæ terrestrem  
materiam et corruptibilem, cœlesti et incorruptibili  
corpori postulat incorporari. Sed huic divini con-  
siliï altitudini sola fides adhibenda est, quæ procedit  
usque ad interiora velaminis : quæ initium nou haberet, si sacramenta quæ continent persuasibilibus  
humanæ sapientæ verbis probare contenderet. Asper-  
git sacerdos umbræ deserviens, ad orientem versus  
propitiatorium, sanctuarium et tabernaculum san-  
guine vituli et eodem ritu sanguine hirci immo-  
lati : quia idem Christus qui figurabatur per vita-  
lum significabatur et per hircum pro peccato obla-  
tum, aspergit, et Christus ad orientem, id est ad  
Patrem, a quo ortus est ascendens, ipsum scilicet  
Patrem, quem aspersione sui sanguinis propitium  
nobis fecit. Aspergit et sanctuarium et tabernaculum,  
quia per proprium sanguinem introiens in sancta, pa-  
cificavit divina et humana ; quia, sicut dicit Aposto-  
lus, « complacuit Patri in ipso instaurare omnia, quæ  
sunt in cœlis, et quæ sunt in terra (*Col. i.*) », id est  
Ecclesiam, quæ in terris proper inobedientiam primi  
parentis erat perdita, in cœlis vero proper rainam  
apostolæ angeli imminuta. Imitatur sacerdos noster  
intra sacra mysteria, tanquam intra velum, hanc  
Christi sanguinis aspersionem, quoties sacramenta  
ipsa ad orientem versus, unde nobis Salvator adve-  
nit, typicis vel propriis nominibus nominans, eadem  
signo crucis consignat.

Quid est enim, inter ipsa mysteria rebus sacratis vel  
sacrändis signum crucis superponere, nisi mortem  
Domini commemorare? Unde et Dominus formam con-  
secrandi corporis et sanguinis sui tradens, ait inter  
cætera : « Hoc facite in meam commemorationem.  
Quotiescumque hoc facitis, mortem Domini annun-  
tiabitis donec veniat (*I Cor. xi.*). » Commemorata  
denique aspersione sanguinis Christi verbis Dominicis,  
sequuntur verba sacramentorum, eamdem san-  
guinis aspersionem commemorantia, ex voce sacer-  
dotis orationem suam ad Patrem intendentis : « Unde  
et memores, Domine, nos tui servi passionis Filii tui,  
resurrectionis et ascensionis, offerimus majestati  
tuæ, » id est oblatam commemoramus per haec dona  
tua visibilia, tibi « hostiam puram, » id est sine fer-  
mento malitia ; « sanctam, » id est tibi consecra-  
tam ; « immaculatam, » id est talem qualem significa-  
bant animalia, quæ immolanda sine macula quære-  
bantur. Et hanc veri sacrificii commemorationem  
postulat sacerdos ita Deo Patri fieri acceptam sicut  
accepta fuerunt munera Abel, Abraham, Melchisedech,  
in quorum oblationibus initia sunt novi sacerdotii  
sacramenta, nondum instituto Levitici ordinis sa-  
cerdotio. Quid per Abel figuratur nisi Christus, quæ

innocens a nocentibus occisus est? Quid per Abraham, nisi obedientia, qua Patri obediens fuit usque ad mortem? Quid item per Melchisedech, nisi idem Christus, panem et vinum in corpus suum commutans, et hunc novi sacerdotii r̄sum discipulis suis commendans? Nec mirandum est, nec superfluitati ascribendum, si in sacramentis nostris hoc frequenter commemoratur, quod in veteribus umbris non otiose frequenter figurabatur. Post thymiamatis oblationem, post aspersum sanguine vituli et birci sanctuarium et tabernaculum et altare, mittunt filii Aaron manus suas super caput arietis capri emissarii, et imprecantes ei, mittunt eum vivum in solitudinem, portantem peccata filiorum Israel. Dehinc revertitur summus sacerdos in castra, orans pro domo sua, et pro omni cœta filiorum Israel. Mittunt quippe manus suas Iudei, veteri umbræ servientes in Christum, id est divinitati ejus, quæ caput humanitatis erat, secundum Apostolum, 282 dicentem: « Caput Christi Deus (I Cor. xi); » resistentes, imprecati sunt sibi, Christo imprecantes: « Sanguis ejus super nos et super filios nostros (Math. xxvii). » Eum vivum miserunt in solitudinem, qui divinitati ejus nocere non potuerunt, quia ad illam solitariam gloriam quam habet cum Patre, de morte carnis liberum ascendere dimiserunt, per hominem paratum, id est per seipsum, portantem peccata filiorum Israel, id est tollentem peccata mundi, non habentem. Hoc commemorat sacerdos noster, dicens Deo Patri: « Jube haec perfiri per manus angelii tui in sublime altare tuum. » Quis est site angelus, nisi Angelus magni consilii, qui propriis manibus, id est singulari dignitate prædictis operibus, celos meruit ascendere, et in sublime altare, id est ad dexteram Patris pro nobis interpellans (Rom. viii), seipsum sublevare? Remittitar dehinc summus pontifex in castra, et Dominus dicit discipulis, instruens eos de assumptione sua: « Ego vobiscum sum [omnibus diebus] usque ad consummationem saeculi (Math. xxviii). » Hoc utrumque sacerdos imitetur. Primum suis precibus levans Christi corpus super omnem celestium sublimitatem. Inde quasi rediens ad castra dicit: « Ut quotquot ex hac altaris participatione sacrosanctum corpus et sanguinem dilectionissimi Filii tui sumpserimus, omni benedictione celesti repleamur. » Ecce ad memoriam veniant verba beati Andreae apostoli, quibus asserit et in celis esse corpus Domini, et de altari posse sumi corpus Domini. Cujus, inquit, carnes cum sint comestae in terris a populo, et sanguis ejus bibitus, ipse tamen usque in tempora restitutionis [resurrectionis] omnium, in celestibus ad dexteram Patris integer perseverat et vivus. Si queris qualiter id fieri possit, breviter respondebo: Quia sacramentum fidei est, sauhriter potest investigari; nisi periculose, non potest.

Inde est quod quidam carnales discipuli recesserunt ab eo, cum dixisset: « Nisi manducaveritis carnem Filii hominis, et diberitis ejus sanguinem, non habebitis vitam (Joan. vi). » Putaverunt enī quod

A ergaturus esset eis corpus suum, vel elixum in lebetibus, vel assum in veribus. Unde et Dominus eos qui remanserant, instruit, dicens: « Si videritis Filium hominis ascendentem, ubi erat prius (ibid.). » Ac si diceret: Tunc intelligitis, quia non eo modo quo putabitis, erogat corpus suum, et quia gratia Dei non consumitur morsibus. Unde Augustinus in expositione psalmi quinquagesimi quarti: Donec finiatur sæculum, sursum est Dominus; sed tamen hic etiam nobiscum veritas est Dominus. Ecce habemus Christum integrum in celo per ostensionem carnis, Patrem interpellantem pro nobis: Habemus et corpus integrum in sacramento altaris. In supernis oratio Filii ejus est: « Volo, Pater, ut ubi ego sum, illic sit et meus minister (Joan. xvii); » haec oratio est pro familia sua, pro membris suis. Et hoc est, quod legitur summus sacerdos, in castra reversus, lavare vestimenta sua. Christus enim in castris, id est in Ecclesia, lavat vestimenta sua, cum mundat per baptismum vel per confessionem peccata nostra, qui vestis ejus sumus, sicut dicitur per prophetam: « His omnibus sicut vestimento vestieris (Isa. xlvi). » Lavat et sacerdos, post altitudinem secretorum ac curam inferiorum descendens, vestimenta sua, cum sihi adhaerentium populorum luget peccata, et eos Deo reconciliare studet per orationum suffragia, dicens cum propheta: « Quis dabit capiti meo aquam, et oculis meis fontem lacrymarum, ut lugeam interfecios populi mei? » (Jer. ix.) Haec continent sequentes [frequentes] orationes, tam mortuorum quam vivorum mentionem facientes. Sed notandum quod inter istas orationes adhibentur sanctorum suffragia, apostolorum scilicet et martyrum, quorum exemplis informari, et meritis muniri præsens pescit Ecclesia. Concinit autem veteri sacerdotio ista præcedentium Patrum commemoratione. In duabus enim vestimentis portabat pontifex, sancta ingrediens, patriarcharum nomina in rationali et in superhumerali, quæ colligatæ erant ad invicem, significante Spiritu sancto, ut sacerdos Christi justitiam et veritatem, quam habet in corde, studeat habere in operatione: pectus enim locus est cordis, humerus vero locus est portandi oneris.

B Ad hanc similitudinem inter sacramenta nostra his habetur sanctorum commemoratione: ut sacerdos noster gesta sanctorum et corde medietur, et factis imitetur. Facta sanctorum commemoratione, sacerdos de meritis suis non presumens, orat ut sanctorum meritis assequamur quod nostris meritis non valeamus: et hoc tantum per mediatorem, qui factus est nobis propitiatio, redemptio et sanctificatio (I. Joann. xi; I. Cor. i). Per quem nobis haec sacramenta instituta sunt ad medicinam vulnerum nostrarum. Et hoc est quod sequitur: « per quem haec omnia crea, » id est in aliam essentiam et efficientiam mutas, quam eorum prima conditio habeat et visus ostendat. « Sanctificas, vivificas, » id est sanctitatis et vitae sacramenta officias. Sequitur: « Per ipsum est tibi omnia honor et gloria, » id est quia per ipsum cuncta operaria, merita per ipsun, qui etiam ex te est, ab

omnibus super omnia Deus honoraris, et omnium laude glorificaris. « Et cum ipso » est tibi gloria, quia et ipse Filius in operibus quæ per eum facis, sicut coequalis tecum honoratur, et conglorificatur : « et in ipso » est tibi spiritalis gloria, sicut ipse per columbae tuae vocem dixisti: « Hic est Filius meus dilectus, in quo mihi bene complacui (*Math. iii, xvii.*). » In his verbis Ascensionem Domini manifeste commemoramus, in quibus Filium cum Patre honorari pari gloria profitemur. Quibus laudibus tanquam de interioribus ad exteriora procedens, assensum quærit Ecclesiæ sacerdos, dicens sonora voce : « Per omnia sæcula sæculorum. » Supplet populus super orationem ejus locum idiotæ, et respondet, « Amen (*I Cor. xiv.*). » Hac una participem voce se faciens omnium charismatum, quæ sacerdos multiplici sacramentorum diversitate studuit impetrare, jam ergo quasi mutato habitu, quo utebatur dum sacra mysteria tractaret, mutat vocem : et deinceps tanquam in exteriori æde, quæ restant sacramenta missæ perficit, hortans secum populum ad faciendam Dominicam orationem, qua et sacramentorum consecratio perficiatur et populus ad perficienda eadem sacramenta orando præparetur. Sequitur inde sacramentorum comminutio, quam ex Domini nostri tradizione accepimus, qui corpus suum propriis manus consecratum, fregit, et discipulis suis distribuit. In qua fractione possessionem suam designavit mox futuram, et sigillum veterum scripturarum, sub quo spiritualis intelligentia supersubstantialis animæ panis claudebatur, aperuit. Quod vero idem corpus discipulis distribuit, incorporandam sibi Ecclesiam cœlesti victuram pane figuravit. Hoc et in oblatione summi sacerdotis præfiguratum fuit, qui de fragmentis similaginis oleo conspersæ, mane et post meridiem offerre jubetur, ut **283** interni panis suavitatis, qnæ mane, id est primitus in littera latebat, post meridiem, id est luce veritatis apparente, credentibus misericorditer gustanda præberetur. Nos quoque non otiose sacramentum corporis Christi in tres partes dividimus, quia et Christi passionem per hoc commemoramus præteritam, quam ille significabat venturam ; et hoc numero tria intelligimus, quibus capitis (id est Christi), et Ecclesiæ unitatem commendamus ; prima enim portione, substantivum Christi corpus figuramus, quod Sabbato quievit in sepulcro, de quo ipse Dominus dicit in psalmo : « Caro mea requiescat in spe (*Psal. xv.*). » Et sequentibus verbis suam promittit resurrectionem, et ad dexteram Patris concessionem. « Nec dabis sanctum tuum videre corruptionem. Notas mihi fecisti vias vitæ, adimplebis me lætitia cum vultu tuo, delectationes in dextera tua usque in finem (*ibid.*). » Secunda portio, quam cum prima in patena ponimus, illam Christi corporis, id est Ecclesiæ partem significat, quæ jam cum capite suo quasi in sabbato quiescit, et unam jam immortalitatis stolam possidet, in qua illum latronem credimus esse, cui in cruce constenti Dominus dixit : « Hodie mecum

**A**eris in paradiso (*Luc. xxxiii*), » et de qua cantat Ecclesia : « Gaudent in caelis animæ sanctorum. » Tertia portio, quam in sanguine ponimus illam Ecclesiæ partem significat, quæ calicem Domini bibit, id est Christi passionem imitatur, cum apostolis a Domino dictum est : « In me pacem habebitis, in mundo autem pressuram habebitis (*Joan. xvi.*). » Facta communione sacramenti et completa oratione, que subnectitur Dominicæ orationi, communicat sacerdos et ministri, certis [cunctis] diebus fideles populi. In qua re iterum significatur unitas capitum, id est Christi et Ecclesiæ, id est corporis Christi, sicut ipse dicit : « Qui manducat carnem meam, et bibit sanguinem meum, in me manet, et ego in eo (*Joan. vi.*). »

Consideratione trium portionum supra memoratarum, dum sacramenta sumuntur, ter Agnus Dei a choro cantatur. Primo orat Ecclesia agnum non figurantem istum agnum, sed verum tollentem peccata mundi, ut inter ejus membra numeretur, cujus corpori communicat et sanguini, id est, ut adhæreat ei tanquam capiti. Orat secundo eundem agnum, quatenus societur illi parti corporis Christi, quæ jam cum capite quiescit in pace. Hoc superioribus oravit sacerdos, cum memoratis apostolis et martyribus addidit : « Intra quorum nos consortium non æstimator meriti, sed veniae, quæsumus, largitor, admittit. » Tertio orat eundem Agnum, ut mundi pressuris non superetur, et malitia, quod superius comprehendebat oratio Dominicæ : « Et ne nos inducas in tentationem, sed libera nos a malo. Amen (*Math. vi.*). » Et hoc ipsum continet Dominicæ orationi conuexa oratio. Nihil jam restat de carnis agni, quod non assumat hæc oratio. Devorat caput, cum seipsam facit ei corpus; devorat intestina, cum computari vult et concorporari inter intima ejus membra; devorat pedes, dum illos sibi incorporare studet, qui cum capite laboratur sunt in terra. Unde in hac tertia oratione, pacem sibi dari poscit Ecclesia. Redit post hæc sacerdos ad dexteram partem altaris, et ibi officium Missæ consummat significans quia « cum plenitudo gentium intraverit, tunc omnis Israel salvis erit (*Rom. xi*). » Notandum est quod post correctata et sumpta sacramenta, sacerdos antequam se convertat ad conventum Ecclesiæ, qui tantæ sanctitatis participatione mundatus esse debuerat, tanquam a contactu immundæ et moribundæ rei manus lavat, et in locum sacrum huic cultui deputatum, ipsa aqua vergitur, quæ omnia sine magnæ rei sacramento fieri non videntur. Ubi mihi occurrit, quod huic facto concinit, videlicet, quod sacerdos in die propitiationis, postquam crematae fuerant carnes vituli, et hirci extra castra, non ante in castra revertebatur, donec vestimenta ejus et carnes ejus, quæ exteriora et interiora significant, abluerentur. Et tamen ita lotus secundum legem, usque ad vesperam immundus re-

putabatur. Qui enim carnes victimarum extra castra cremabant, Christi passionem extra civitatem factam præfigurabant. Nostri autem sacerdotes passionem, quam illi, ut dictum est, præfigurabant, in celebrationibus missarum facilius esse commemorant, et tamen se immundos usque ad vesperam, id est, quandiu vivunt, et tantis mysteriis exequendis indignos se judicant.

Unde ait beatus Joannes : « Si dixerimus quia peccatum non habemus, nos ipsos seducimus, et veritas in nobis non est (*I Joan. 1*). » Inde et Dominus in Evangelio : « Cum feceritis quæ præcipio vobis, dicite quia servi inutiles sumus : fecimus quæ facere debuimus (*Luc. xvii*). » Idcirco manus lavant, et aquam ablutionis honeste tractant, per quod altitudinem sacramenti honorant, et indignitatem suam tali ablutione commemorant. Ita et sacerdos antequam ad sacramenta tractanda accedat, manus lavat; sicut pontifex Sancta sanctorum ingressus, introitu tabernaculi testimonii manus suas lavabat, et sic ad incendeqda aromata veniebat. Hæc munditia exhibetur exterius, sed interius perfici jubetur, quia « omnis gloria filii regis ab intus (*Psal. xliv*). » Non enim lutum manuum nostrarum sacrosancta sacramenta contaminat : sed nos, qui nisi correctis moribus et castigatis actibus ad ea tractanda et sumenda accedamus, non inde medicinam vitæ accipimus, sed judicium mortis incurrimus. Testis est Apostolus, dicens : « Qui indigne manducat et bibit, judicium sibi manducat et bibit (*I Cor. xi*). » Unde satagendum est, ut, sicut exteriora abluantur inquinamenta manuum, sic interiora purgentur illecebrosa desideria mentium. Sequuntur dehinc orationes, in quibus fit perceptorum beneficiorum commemoratio, et gratiarum actio : quæ duo sunt tanquam cineres vitulæ extra castra combustæ, quos reponit homo mundus ab interfictione Christi in loco mundo, id est, retinet in corde mundo. Extra castra, id est, extra observantium Iudaicam, extra quam fides Christiana emituit. Quibus omnibus expletis, dicit sacerdos vel Levita : « Ite, missa est, » id est, meditatio et intercessio quam ministraverat [insumpserat], consummata est. Possent quæ scripsimus, multis veterum figuris explicari, et multis expositionum diversitatibus dilatari, multis schematum phaleris ornari ; sed non sicut propositum nostrum in hoc opusculo ita exequi, et plantare nemus in domo Domini. Tantum fuit propositum nostrum, convenientiam querere inter vetus et novum sacerdotium ut quod ibi multiplici sacrificiorum ritu præfigurabatur, in novo sacerdotio paucissimis et factu facilimis et augustissimis sacramentorum observationibus completum esse monstretur. Nec nos hæc sufficienter fecisse confidimus de eo, qui pror quemdam sapientem dixit : « Pertransibunt plurimi, et multiplex erit scientia (*Dan. xii*), » quia contemporanei nostri vel successores, nostra

A pia præsumptione provocati, prout **284** eis Deus donaverit, dicent majores majora, et meliores meliora ; et si quid impolitum vel minus perfectum, quantum ad propositum meum, in hoc opusculo invenerint, parcent charitati, quæ forsitan ad unguem dicere non valuit quod voluit.

#### SERMO VI.

*Quare Deus natus et passus sit.*

Corrupto peccatis originalibus et actualibus mundo, mundi Conditor secreto et mirabilis consilio per mysterium Verbi incarnati ejusdem mundi lapsum voluit reparare : qui eo verbo, quo potuit de nihilo cuncta creare, potuit quæ perdita fuerant reformare : « Ipse namque dixit et facta sunt : ipse mandavit et creata sunt (*Psal. xxxii*). » B Hanc ejus potentiam non credimus minoratam, non credimus immutatam, « apud quem non est transformatio, nec vicissitudinis obumbratio (*Jac. i*) : quo minus esset potens et sapiens in reformando, quam fuerat in plasmando (*Luc. 1*). Omnipotens quippe figuli manus, cuius « universæ viæ misericordia et veritas (*Psal. xxiv*), » quæ lutum de terra levatum, rationalis naturæ dignitate sublimaverat, sic voluit ruinam vasis fragilis reformare, ut nec peccatum hominis dimitteret impunitum, quia justus est : nec insanabile, quia misericors est. Si justus tantum esset, cuius sapientia « attingit a fine usque ad finem fortiter, et disponit omnia suaviter (*Sap. viii*), » potuit sua fortitudine adversus seductorem humani generis contendere, et ovem perditam ad gregem redditam, suo Domino restituere : sed hoc modo videretur eminentiam tantum ostendisse virtutis suæ, non medicinalem misericordiam impendisse redemptis : nec appareret, quanta charitate conditor creaturam diligebat, a qua se diligendum esse multiplici beneficio expetebat : quatenus miser homo, præcedente gratia, obtineret etiam per meritum, quod ei male merito rependebatur indebitum. Quod ergo Dei sapientia potuit facere sapienter et fortiter, voluit facere suaviter, uniens sibi infirmitatem carnis nostræ, quam primo inse se sanaret, et per hanc quasi medicinalem confectionem generi humano sanitatem restitueret : non quod non potuit aliter fieri, quantum ad peritiam et potentiam medici : sed quia non potuit commodius antidotum procurari, quantum ad complexionem ægroti. « Quod enim infirmum est Dei, fortius est hominibus : et quod stultum est Dei, sapientius est hominibus (*I Cor. i*). » Hæc conversatio [causa] nobis specialis esse videtur, cur Dei Filius hominem induere voluerit, et inter homines conversari, ut mortalitatem quam a nobis acceperat, moriendo superaret ; et naturam nostram supra primæ originis dignitatem reparatam secum ad immortalitatem revocaret, ut eo sequeretur humilitas gregis, quo præcessit celsitudo pastoris. Sic radius solis humorem, quem ad se trahit, exsiccat : ipse tamen virtutem caloris sui et

splendoris nec minorat, nec immutat. Sic ignis materiam quam assumit, in se convertit: naturam vero suam ideo nec mutat, nec minuit. Multo fortius ille ignis, de quo dicitur: « Deus noster ignis consumens est (*Hebr. xii.*), mortalitatem nostram et passibilitatem in se assumpsit: et inde gratia sanitatis [sanitatem] totum corpus resumpsit. Mirabile et incomparabile genus medicinæ, propter quam medicus voluit ægrotare: et ægrotos, quibus salutis remedium procurabat, sua decrevit infirmitate sanare. In hoc appareat, quam incomparabili charitate nos dilexerit: quia in eo, quod desertores suos quæsivit, semen Abrahæ apprehendit, errantes reduxit, saucios curavit, nihil sibi addidit: non est inde factus altior, non est factus inde beatior. Tota hæc dispensatio nostræ utilitati consuluit, nostræ saluti militavit, divinæ potentiae nil contulit. Nam et cum essemus vasa contumelæ, Omnipotentis figuli manum effugere non potuimus: utebatur vasis iræ, prout volebat, ad manifestationem suæ gloriæ. Sic enim dictum est Pharaoni: « In hoc ipsum excitavi te, ut ostendam in te virtutem meam, et annuntietur nomen meum in universa terra (*Exod. ix.*; *Rom. ix.*). » Nonne et dæmones, cum ejicerentur a Domino de corporibus obsessis, Dominum glorificabant, quando dicebant: « Quid nobis et tibi, Jesu fili Dei vivi? quid venisti ante tempus torquere nos? » (*Marc. i.*) Constat ergo ex his et hujusmodi aliis, quia divina virtus nostra reparatione non eguit: sed tamen ea bonitate, quæ nos condidit, eadem reformare nos voluit, et ad hoc, medicamen non quam forte potuit, sed quod lenius complexioni ægrotantis competere conspexit, apposuit. Solent quippe medici periti ægritudines, quas curandas suscipiunt, aliquando curare per contraria, aliquando per similia. Hoc fecit Dominus noster Jesus Christus, sua paupertate nos ditans, sua humilitate nos sublevans, sua infirmitate nos sanans, sua morte nos vivificans. Sic ratione medicinæ sicca humidis, humida siccis, calida frigidis apponuntur, et miasma fortia contraria a fortioribus contrariis supervenientibus superantur. Simili ratione similia similibus apponuntur, cum secundum quantitatem vulnerum vel tumorum, mensurantur longitudo vel latitudo epithematum. Sic scorpionis carnes oleo coctæ percussionibus medentur scorpionum. Sic theriaca de serpentis carne, confectum morsibus serpentis occurrit et potionis veneno infecta, in potu sumptum expellit. Ad hanc similitudinem medicus noster mortem nostræ carni, de serpente venientem, carnis sua morte sanavit, et ad immortalitatis sua speciem in tempore restitutionis complendam, reformativit. Ubi diligentius attendendum est quod mors quæ per lignum venit, per lignum superata est. Et ipsa ligni forma longitudini, et latitudini, et altitudini humani configurata est corporis, quo sicut totum corpus motum est, ut manus ad vétitum exten-

A derentur, ita corpus per omnia membra sua in cruce distenderetur, et totum quod reatu paterni delicti confractum fuerat, hujus emplasti malaxatione consolidaretur. Sed huic medicamento per similia composito admistum est medicamentum factum per oppositum. Nam hic sanavit obedientia, quod ibi corruperat inobedientia: et quod ibi contaminavit gulæ oblectamentum, hic reformativit crucis tormentum. Continetur in hac crucis figura altius sacramentum: quod quanto est altius, tanto est attendendum diligentius. Intelligitur namque in latitudine crucis dilectio proximi quæ non tantum usque ad amicos, sed etiam extendenda est usque ad diligendos inimicos. Intelligitur quoque in ejusdem longitudine longa et perseverans laborum et persecutionum sustinentia, quam patienter ferre debet ad patriam spirans nostra peregrinatio, tam pro dilectione proximorum, quam pro exhibitione omnium bonorum operum. Figuratur simili ratione in altitudine ejus, eminentia spei perfetra usque ad interiora velaminis, ubi **285** visione pacis perseruentur, qui hic a civibus Babyloniae multipliciter exercentur: donec in libertatem gloriæ filiorum Dei, a servitute corruptionis hujus liberentur.

C Significavit hanc latitudinem charitatis Dominus Jesus in cruce, caput ad orientem subrigens, pedes ad occidentem submittens, manus ad aquilonem et austrum extendens, ut adimpleret quod de se ante passionem suam prædixerat: « Cum exaltatus fuero a terra, » id est, cum crucifixus fuero, « omnia traham ad meipsum (*Joan. xii.*), » id est convocabo ad me totum mundum. Hoc sacramento crucis, sanctus Elisæus filius Sunamitidis, os ori, manus suas manus ejus applicans, suscitavit, et vivum matri restituit (*IV Reg. iv.*). Ejusdem virtute sacramenti, Moyses in deserto bis silicem virga percussit, et sicuti populo aquam de petra produxit. Bina quippe percussio duum lignorum figurata intelligitur in cruce facta compactio. Bis ergo petra percutitur, cum Christus, de quo dicit Apostolus: « Petra autem erat Christus (*I Cor. x.*), » in duobus lignis crucis extensus, lancea perforatur. De hac petra aqua profluxit, cum sanguis redemptionis et aqua baptismatis quibus in novum hominem transformamur, de latere Christi manavit. Præterea inter has crucis dimensiones, solerter attendenda est crucis profunditas, quia profundum est mysterium crucis: in quo multorum, qui sapientes videbantur esse, ingenia defecerunt, qui hoc ausi sunt reprehendere, quod non potuerunt humana ratione comprehendere: videlicet, cur verbum Deopatri coæternum, omnia continens, omnia implens, in assumpto homine totum se incluserit, et tamen totum mundum regere, completere, et continere non desierit, non satis considerantes quod valet in minori, multo magis posse valere in majori, cum vox una et tota de ore loquentis prodeat, et tota ad aures multorum perveniat. Qui de hac quæstione scrupulosius disputant, et tanquam clauso ostio ad parie-

tem palpant, audiant primum dicentem Apostolum : « O homo, tu quis es qui respondeas Deo? » (*Rom. ix.*) Deinde mitescant, et cum pietate pulsent, ut sperniatur eis, et intelligent justum suisse conditorem in condemnando, et misericordem in redimendo : nec potuisse sanari sine misericordia, quod juste condemnaverat Omnipotens justitia. Hinc con sequenter advertent, cum usque ad captivati hominis paupertatem et crucis ignominiam se humiliaverit divina omnipotentia (*Philip. ii.*), quæ in paradiso reum hominem justa condemnaverit sententia. Cum enim de perpetrata a Domino argueretur inobedientia, non se humiliiter, ut culpa exigebat, accusavit, sed auctorem superbe accusavit dicens : « Mulier quam dedisti mihi sociam, dedit mihi de fructu, et comedì (*Gen. iii.*). » Hæc dicendo, se putavit excusatum et creatorem, mulieris conditorem, quæ ad peccandum virum traxerat, esse iaculatum. Qui si humiliiter se accusasset et in auctorem suum culpam non retorsisset, a paradiso non exsulasset. Erat autem contra divinam justitiam, si reum impenitentem in pristinum gradum restituisset, et non usque ad dignum penitentiae fructum qua vellet ratione compelleret. Divina itaque sententia morti est adjudicatus, et cum tota posteritate, quæ de lumbis ejus erat processura, ejectus est de paradiſo, et ærumnoso condemnatus exsilio : et qui sine poenitentia in statum suum redire non poterat, movendus et admoneandus erat ad poenitentiam, ut reformaret voluntarium subdita humilitas [voluntaria et subjecta humilitas], quem corruperat male erecta iniquitas. Non enim conveniens erat, ut invitatus traheretur ad poenitentiam, qui spontaneus corruerat in penam : ne itidem ingratuus existeret suæ reformationi, sicut extiterat primæ conditioni. Provisum est igitur tale medicamentum, quale conveniebat ægroto, quo duritiæ tumoris sic emolliret, ut mollescat, spongia mortiferum virus effunderet, dicente Psalmista : « Effundite coram illo corda vestra (*Psal. lxii.*) », id est, per confessionem ejicite de conscientiis vestris omnia immunda. Quod quandiu tardavit facere mundus, tandem remansit immundus. Ut ergo hoc fieret, misit medicus noster præcones et testes suos ante se legatores et prophetas, qui corda auditorum ad poenitentiam præpararent, et ei in tempore gratiae testimonium perhiberent. Venit ipse medicus in tempore plenitudinis, publice predicavit causam adventus sui, factus est doctor medicinæ, dicens : « Poenitentiam agite, appropinquabit enim regnum celorum (*Math. iv.*). » Et item : « Qui crediderit et baptizatus fuerit, salvus erit (*Marc. vi.*). » Hoc consilium medicinæ acceperunt multi. Contemptoribus placuit adhuc magis sibilus serpentis perimenti, quam persuasio medici redimentis [redemptoris]. Filius vero adoptionis audivit, et obaudivit voci promittentis, qui in paradiſo non obedierat præcepto mortem conminantis. Expleta dispensatione doctrinæ suæ, et cætitate in Israel ex parte perdurante, tandem exhibuit se medicum, et fecit de seioso me-

A dicamentum : exhibuit se sacerdotem, et fecit se ipsum sacrificium, ut compleret ad quod venerat, et probaret quanta dilectione dixerat eos, pro quibus corpus suum in ara crucis offerebat. Unde et in Evangelio suo ante prædicterat : « Majorem charitatem nemo habet, quam ut animam suam ponat quis pro amicis suis (*Joan. i.*). » Hinc est quod Apostolus dicit : « Commendat charitatem suam Deus in nobis, quia cum inimici essemus, reconciliavit nos sibi per mortem Filii sui (*Rom. v.*). » Et quia naturale est ut homines diligentes se diligent, hac humilitate et charitate humiliata est et liquefacta duritia mundi, ut agnosceret beneficium suæ reparationis, quæ non agnoverat excellentiam suæ conditionis. Unde Psalmista : « Homo cum in honore esset, non intellexit : comparatus est jumentis insipientibus, et similis factus est illis (*Psal. xlviii.*). » Postquam vero ad se reversus est, et per dilectionem redimentis, et eruditionem admonentis cognovit de quanta corruisset gloria, et in quanta versatur miseria, expertus est quod magna indigeret misericordia, et impletum est quod dicit Psalmista : « Multiplicate sunt infirmitates eorum, postea acceleraverunt (*Psal. xv.*). » Prædicta est exinde virtus crucis per universum mundum, quæ partibus suis per quatuor mundi partes est extensa, et totum mundum sua malversatione complexata complevit. Nec jam potuit ex toto mundo esse ingratuus, qui tamta fuerat charitate sanatus. Crucifixus noster a morte surrexit, coros ascendit, crucem nobis in memoriam suæ passionis reliquit. Crucem reliquit ad sanitatem, crucem reliquit ad sanctificationem. Hoc signum dementes fugantur, hoc antidoto sanitates perficiuntur ; hoc signum præsidium est amicis, obstaculum inimicis. Hujus crucis mysterio rudes catechizantur, eodem mysterio fons regenerationis consecratur : ejusdem crucis signo per manus impositionem baptizati, dona gratiarum accipiunt; cum ejusdem crucis signi charactere basilicas dedicantur, altaria consecrantur, **286** altaris sacramenta cum interpolatione [impositione] Dominicorum verborum conficiuntur. Sacerdotes et Levites per hoc idem ad sacros ordines promoventur, et universaliter omnia sacramenta ecclesiastica in eis perficiuntur. Qui hoc mare magnum et spatiōsum, in quo sunt reptilia, quorum non est numerus, absque naufragio transire desiderat, crucem sequatur, crucem teneat, et eam non deserat, donec ad optatum salutis portum perveniat. Hoc cursum nostrum dirigit, hoc ad agonem nos instruit, hoc in luctamine adjuvat, hoc ad victoriam provehit, hoc maleficia destruit : et omnis demonum machinamenta ad nihilum redigit. Et quod faciebat in terris corporalis Christi presentia, hoc facit cum fideli invocatione nominis Christi, victoriæ crucis insignita memoria. Longum est per singula virtutem crucis exponere. Qui vero in angaria, Christi crucem portat, poterit plura de ejus virtute experimento cognoscere, quam possit sermo retexere, vel humana cogitatio comprehendere.

## SERMO VII.

*De Adventu Domini.*

Quoniam præsentium observatione clerorum, utrumque Christi adventum celebramus, distinguendum est fraternitati vestræ, quid hac observatione præteritum debeat credere, quid futurum exspectare, quatenus exspectatio futurorum, per timorem sollicitos vos compescat a malis : præteriorum autem fides, per charitatem non tepescentes confirmet in bonis. Dominum enim jam in forma servi venisse, ut judicaretur, nemo est vestrum qui dubitet : eum in eadem forma venturum ut judicet, nemo est vestrum qui neget. Primus ergo adventus ejus occultus, secundus manifestus. De primo enim adventu ejus ita legitur : « Et homo est, et quis cognoscet eum? » (*Psal. lxxxvi.*) Et in Evangelio : « Lux in tenebris lucet, et tenebrae eum non cognoverunt (*Joan. i.*), » et multa in hunc modum. De secundo autem ita habetur in psalmo : « Deus noster manifeste veniet, et non silebit (*Psal. xl ix.*) » Primo quidem adventu siluit, non a præcepto, sed a iudicio. « Cum enim malediceretur, non maledicebat : cum percuteretur, non comminabatur (*I Petr. ii.*; *Isa. lxi.*), » et sicut agnus coram tondente se sic non aperuit os suum. Secundo non silebit, cum unicuique reddet secundum opera sua. Ita enim dicturus est eis, qui a sinistris ejus erunt : « Ite, maledicti, in ignem æternum (*Matth. xxv.*) » Ita vero his qui a dextris ejus erunt : « Venite, benedicti Patris mei : percipite regnum quod vobis paratum est ab origine mundi (*ibid.*) » Primus adventus humilitate et mansuetudine, secundus cum terrore et majestate. De primo enim per prophetam dicitur Ecclesiæ : « Ecce rex tuus venit tibi mansuetus et humilis (*Zach. ix.*; *Matth. xxi.*) » De terrore secundi ita dicitur in psalmo : « Ignis in conspectu ejus exardescet, et in circuitu ejus tempestas valida (*Psal. xl ix.*) » ut reprobos ad gloriam visionis ejus tempestas procul pellat, quos deinceps ignis exurat [*urat*]. De hac tempestate scriptum est : « Tollatur impius, ne videat gloriam Dei (*Isa. xxvi.*) » De igne autem, cui tradendi sunt reprobi, ita dicit Dominus per Moysen : « Ignis sensus est in furore meo, et ardebit usque ad inferni novissima (*Deut. xxxii.*) » Cum majestate quoque se venturum ad judicium, ipse sic dicit : « Cum venerit Filius hominis in maiestate sua, congregabuntur ante eum omnes gentes (*Matth. xxv.*) » Primo adventu venit impios iustificare, secundo venturus est impios condemnare. Primo venit aversos revocare, secundo conversos glorificare. Primo adventu Christus pro impiis indebitæ morti traditus est, secundo impios debitæ morti traditur est. Primo adventu venit nos intus reformare ad imaginem Dei. Secundo autem reformabit corpus humilitatis nostræ configuratum corpori claritatis sue (*Philip. iii.*) » Sicut enim per prium hominem terrenum, peccatum intravit in mundum, et per peccatum mors (*Rom. v.*), ita congruum erat, ut per secundum hominem coelestem, homo primum a

A peccato justificaretur, postmodum per eundem immortalitatì restituueretur (*I Cor. xv.*). Eo enim ordine quo perierat, eo ordine reparandus erat. Prima quippe mors, prævaricatio : ex qua generata est secunda, per subtractionem animæ, carnis corruptio. Ita ergo prima resurrectio, justificatio ; secunda, in immortalitatem carnis corruptæ, reformatio. Quia vero uterque adventus nostræ restauracioni fuit necessarius, utrumque sub unius temporis observatione sancta venerari consuevit Ecclesia, ut inchoata prioris beneficia recolat cum gratiarum actione : consummata vero futuri adventus bona, cum pia exspectet trepidatione. Idcirco ea quæ de utroque Domini adventu in lege et prophetis et psalmis et Evangelio scripta sunt, his quatuor hebdomadibus specialius legendo et cantando recitantur in Ecclesia, ut his quatuor testimoniorum generibus, de perceptis beneficiis ad gratiarum actionem muniamur [munemur], ad futuram vero sollicitudine non pigra præparemur. Conservemus igitur primam innocentie stolam, quam in primo adventu recipimus, ut cum ea ad nuptias patris familiæ occurrentes, alteram quoque stolam immortalitatis percipere mereamur. Mundemus nos ab omni inquinamento carnis et spiritus : ut quem redemptorem læti suscipimus, venientem quoque judicem securi videamus. « Dies Domini, » sicut ait Apostolus, « quale sit opus uniuscujusque declarabit, quia in igne revelabitur (*I Cor. iii.*) » In die quippe Domini iste aer terræ vicinus, quousque aquæ diluvii ascenderunt, igne replebitur : per quem transibit omnis resurgens, qui ante tribunal Christi præsentabitur. Sicut vero ignis aurum et argentum aut probat, aut purgat : sic ignis iste resurgentium opera perfecta probabit, imperfetta purgabit. Sic enim dicit Apostolus : « Si cuius opus manserit, igne probabitur : si cuius opus arserit, ipse salvus erit, sic tamen quasi per ignem (*ibid.*) » Hæc scientes, charissimi, præparemus nos in [ad] adventum judicis : ut non quod condemnet, sed quod coronet, in nobis inveniat. « Præoccupemus adventum ejus in confessione (*Psal. xciv.*), plangamus mala quæ fecimus : statuamus judices conscientias nostras adversum nos, quia sicut ait Apostolus : « Si nos judicaremus, non utique judicaremur (*I Cor. xi.*) » Summus enim Pontifex, qui seipsum pro nobis obtulit Deo Patri, adhuc interpellat pro nobis ad dexteram Patris (*Hebr. ix.*; *Rom. viii.*) : adhuc reservat peccantibus locum veniae, qui aversi et non reversi postmodum solum reservat locum vindictæ. Dum igitur tempus habemus, vite mus vindictam prioris vitæ per correctionem [vite correptione], quæramus misericordiam per observantiam justitiae, ne postremo adversum nos distinctus judex sedeat, qui nunc plus pontifex pro nobis interpellat Jesus Christus Dominus noster (*ibid.*) »

## 287 SERMO VIII.

*De Nativitate Domini.*

In divinæ miserationis magnitudinem libet aciem

mertis intendere, et quantum rationalis creatura suo debeat Redemptori, ex beneficiorum commemoratione colligere. Primo quidem quia hominem cum non esset, mirabiliter de terra plasmavit, dehinc cum astutia serpentis et fallacia mulieris perditus esset, mirabilius reformavit. In plasmando mira potestas, in reformando mirabilior potestatis apparuit humilitas. Nec enim adeo humana miratur infirmitas, si potens aliquis innumeros servos suæ ditioni servituros potenter acquirat, quam si eosdem fugitivos interim abscondita potestate, minis remissis, indebitæ humilitatis blandimentis revocatos apprehendat. In primo statu conditionis homo despiens, quia timuit potestatem, non dilexit majestatem: appetivit libertatem, incurrit servitum: et qui per obedientiam potuit deificari, ex hoc ambiens vanitati meruit subjugari. Benignus ergo conditor nolens perire quod creaverat, in habitu servi conservis apparuit, ut familiari colloquio insinuaret majestatem, excitaret ad charitatem. Facto itaque collyrio de terra et saliva, cæci nati oculos aperuit, quia Dei sapientia, in unitate personæ nostræ naturæ conjuncta in humano genere cæcato a prima origine intellectum, quo Deum cognosceret, et amorem quo agnitus diligenter, reformavit, ut jam multiplici beneficio obligatum eum non amare non posset, cuius tam multa beneficia in se præcessisse cognosceret. In beneficio enim primæ conditionis, sapientia et virtus conditoris enituit: in beneficio autem reconciliationis, quo aversos et male meritos ad se revocavit, poenas remisit, præmia repromisit, quantum, quod condidit amaret, evidenter ostendit, et sic in iis quos prior dilexerat, ignem sui amoris accedit. Agnovit enim ægrotus medicum suæ salutis affectuosum et peritum, miratus et humilitatem, miratus et sapientiam, dilexit sanitatem. Agnovit quod pretiosum esset antidotum, quod cum fecerat medicus suus ad evadendum morbum tam acutum, tam inveteratum; etiam ingratus esse non potuit, qui tot beneficia sui Redemptoris accepit. Humilitatem quippe agnovit, quia ipse medicus noster infirmitate carnis nostræ tanquam in lecto discubuit infirmarium, ut experiretur quid sanandum infirmis suis easet necessarium. Sapientiam quoque hujus medici novit ægrotus, quia juxta rationem medicinæ, in quibusdam sanitatem contulit ægrotis per similia, in quibusdam morbus evacuavit per contraria. Per similia quidem, quia natus est ut renasceremur; infirmatus est, passibilia nostræ mortalitatis perferendo, ut nos ab omni passibilitate servaremur; crucifixus est, ne nos cruciatibus æternis subjiceremur; mortuus est temporaliter, ne nos in æternum moreremur; suscitatus est, ut ei consuscitaremur; ascendit, ut per suam ad dexteram Patris sessionem secum traheret devoti gregis humilitatem. Si vero quibus contrariis contrarios morbos evacuaverit, attendatur, videmus quia per personam servi nostram reparavit libertatem, per humilitatem suam dejecit antiqui hostis superbiam, per suam obedientiam

A nostram sanavit inobedientiam. Hæc omnia et verbo docuit, et exemplo probavit, ut quæ imitanda proposit, obedienter impleremus; quæ speranda promisit, sine hæsitatione speraremus. Quantum autem pretium pro nobis redimendis solverit iste medicus, a montibus audiamus. De profundo enim clamat ille mons altus, cui a monte montium commissæ sunt claves regni celorum. Non enim corruptilibus auro et argento redempti estis de vana vestra conversatione, sed pretioso sanguine agni immaculati (*Math. xvi; I Petr. i*). Hujc consonat aliis mons, a sole justitiae illustratus doctor gentium: «Empti estis pretio magno, glorificate Deum et portate in corpore vestro (*I Cor. vi*).» Agnus iste immaculatus non ille est, qui in veteri sacrificio requirebatur absque maculæ varietate de pecoribus natus: sed verus et innocens, de immaculato virginis utero generatus; non ille, cuius sanguine postes tingebantur, sed in cuius fide fidelium frontes crucis impressione signantur; non ille, cuius sanguis sacerdotum manibus fundebatur, sed qui a seipso sacerdote vero pro salute nostra offerendus præfigurabatur. Neque enim æque digna hostia, æque munda potuit inveniri, quæ pro nobis emundandis offerretur, neque sacerdos æque dignus, æque mundus, a quo tam digna hostia digne offerretur. Ipse enim de seipso sic ait: « Nemo tollit animam meam a me, sed ego pono eam, et iterum sumo eam (*Joan. x*). » Iste agnus sine macula et ruga virginem sibi sponsam sociavit, sicut ibi matrem virginem antea sanctificavit. Unde nativitas, qua temporaliter natus est Christus, non dissimilis est nativitati, a qua spiritualiter nascitur Christianus. Sicut enim Christi mater virgo concepit, virgo peperit, virgo permanuit, sic mater Ecclesia Christi sponsa, lavacro aquæ in verbo Christianos populos quotidie generat, ut virgo permaneat. In illa carnis integritas, in hac commendatur fidei puritas. Audiamus Paulum amicum sponsi casto amore zelantem sponsam non sibi, sed sponso Ecclesia Corinthiorum sic dicentem: « Æmulator enim vos Dei æmulatione, despondi enim vos uni viro virginem castam exhibere Christo (*II Cor. x*). » Hic quidem pignore spiritus subarrhata in integritate fidei, in morum honestate, fidei virgo est de spe ad spem producenda, ut ibi plena jucunditate in pleno sponsi amore gaudeat, cuius arcus [artes], contempta omni serpentis seductione, conservat. Quomodo autem matrem carnis suæ sanctificaverit, deinceps audiamus, ut inde lætetur catholicus, immundus confutetur hæreticus. Omnem quippe nævum tam originalis, quam actualis culpæ in ea delevit: sicque carnem ejus sumens, camdem in divinam munditiam transformavit. Etenim sic ait Scriptura: « Deus noster ignis consumens est (*Deut. iv; Hebr. xi*). » Sicut ergo ignis materialis omnem materiam quam assumit, mundans, in se convertit; sic materiale, carnis nostræ quod divinus ignis assumpsit, divinitatis expers esse non potuit, quatenus, quod Deus est per naturam, hoc inciperet habere per gratiam.

Prima etenim humani generis parens, quia serpentinæ persuasionis virtus exceptit, duplici maledicto succubuit, ut et cum viro morteni incurreret, et ut filios quos carnis delectatione conciperet, cum dolore parturiret. Hujus maledictionis omnes filiae Eveæ hæredes successerunt, et omnes filios suos sub necessariæ mortis condemnatione generunt. Sola hæc mater, quæ non sibilo serpentis, sed angeli nuntiantis verbis credidit benedictionem, quæ utrumque maledictum excluderet, audire promeruit : « Benedicta tu in mulieribus (*Luc. xiv.*) », quia nec per concupiscentiam **288** carnis concepies, « nec filium in dolore paries : et benedictus fructus ventris tui (*ibid.*) », ipse videlicet filius qui nec ex sanguinibus, neque ex voluntate viri natus, non necessitate, sed voluntate temporalem subiit, et ab æterna nos morte liberavit. In hac Christi Nativitate Deus homo natus est, ut homines renascerentur dili. In hac inclinatur divinitas, ut sublimetur humanitas. Inclinans se Deus tanquam humilis et fortis adjutor, quasi humerum supponit ad sublevandum, et inter tantam dissimilitudinem corruptibilis naturæ et incommutabilis substantiæ, personam suam utriusque naturæ participantem, mediaticem opposuit, quæ per id, quod nobis habet æquale, sublevaret, et tanquam de laterna carnis lippientibus oculis, et solem nisi sub nuhe videre volentibus, temperati luminis jubar effudit, et ignorantiae nostræ tenebras illustravit. Misericordia etenim homo ad imaginem Dei conditus, « cum in honore esset, non intellexit : et ideo » similis factus est jumentis insipientibus (*Psal. xlviii.*). Hæc jumenta fenum, quo alerentur, non habebant : panem suum comedere fuerant obliterata, sicut deplorans ait Psalmista : « Aruit cor meum, quia oblitus sum comedere panem meum (*Psal. ci.*) ». Ideo panis angelorum factus est fenum animalium, id est alimento simplicium, ut inde lac sugeret parvulus, unde fortis cibo pascitur angelus ; sive in virile robur educatus per alimoniam lactis, quandoque pertingat ad internum et æternum gustum divinæ majestatis, id est, quod « Verbum caro factum est, et habitavit in nobis (*Joan. i.*) ». Verbum Domini in principio apud Deum contempletur cum angelis, interim per speculum in ænigmate, postea vero manifesta visione. Hic sicut in via, ibi sicut in patria ; hic beneficia per medicum nostræ salutis sapienter, fortiter, mirabiliter et misericorditer nobis esse collata gaudemus. Horum recordatione peregrinationis nostræ labores relevemus, quatenus sic longanimiter militemus in via, ut donarium recipiamus in patria.

#### SERMO IX.

##### *De Circumcisione Domini.*

Dominici Natalis hodie diem celebramus octavum, in quo puer Jesus a parentibus carnis suæ, carnale suscepit circumcisionis sacramentum. « Non enim, sicut ipse ait, legem venerat solvere, sed adimplere (*Matth. v.*) ». Legem quidem adimplevit, quia defæce carnalium observationum spiritualem intellectum eliquavit, et quedam ardua præcepta moralia,

A quæ Judæis propter imbecillitatem suam remissa fuerant, in Evangelio præceptis eorum supperaddit, et ipsas observantias carnales usque ad tempus correctionis carnaliter observavit. Inde est, quod puer a parentibus octava die circumcisus, quadragesimo die ab eisdem cum legalibus hostiis in templo est præsentatus (*Luc. ii.*). Juvenis etiam ad dies dedicationis, et ad cæteros dies festos Hierosolymis, sicut in Evangelio legimus (*ibid.*), frequenter occurrit, et in nullo sacramento illa legalia refutavit : donec in sancto die oœsæ immolato veteri Pascha, vetus sacerdotium in novum commutavit, quando seipsum convivam et convivium exhibuit discipulis. « Translato ergo sacerdotio, sicut ait Apostolus, nesciebat ut fieret etiam legis translatio (*Hebr. vii.*) ». Et hoc erat tempus correctionis, quando renovandæ erant carnales umbræ, sub quibus natus et usque ad virilem ætatem educatus est Christus. Unde dicit Apostolus : « Postquam venit plenitudo temporis, misit Deus Filium suum, natum ex muliere, factum sub lege, ut eos qui sub lege erant, redimeret (*Gal. iv.*) ». Si enim aliquis observatione extraneus, scientibus legem, sacramenta legis exponeret, quis ei auditum præberet? Recto ergo ordine magisterii, prius veluit auditor legis esse quam doctor : prius cam servare quam ejus sacramenta reservare, ut per vitam et doctrinam suam, ipse esse cognosceretur, cui testimonium dabant lex et prophetæ. Nunc ergo, quia quasdam causas redidimus quare sub lege natus sit Dominus, de circumcisionis sacramento, quam in manibus habemus, quæ Dominus dederit, pertractemus. Octava et circumcisione uni concinunt sacramento. Octava in Scripturis, pro æternitate ponit consuevit. Sicut enim septenarii numeri circuitu rerum temporalium volubilitas, ita per octavam, quæ septenario succedit, congrue designatur æternitas. Unde non inconvenienter colligitur, quia sicut præcedenti septem dierum spatio temporalem Christi Nativitatem repræsentavimus, qua venit inter homines hujus exsilio mala perferre, et languenti mundo sua bona conferre : ita præsenti octava, Christi Nativitatem in figura celebramus, qua in assumpto homine transivit de hoc mundo ad Patrem, qua transformata est ejus caro de corruptione in incorruptionem, de mortalitate in immortalitatem. In carne illius jam absorpta est mors in victoria (*I Cor. xv.*), quam sicut in ea completam certa fide jam credimus, ita in nostra carne futuram certa spe non dubitamus ; ita enim dicit Apostolus : « Si complantati sumus similitudini mortis ejus, simul et resurrectionis erimus (*Rom. vi.*) ». Quæ autem sit illa mortis similitudo, audiamus ab ipso : « Consequunt enim sumus ei per baptismum in mortem, ut quomodo Christus surrexit a mortuis per gloriam patris, ita et nos in novitate vitæ ambulenuis (*ibid.*) ». Hæc mortis similitudo, perfecta est peccati abolitio, novitas vitæ, observatio justitiae. Hæc ipsa est prima resurrectio in anima, de qua dicit Joannes : « Beati qui habent partem in prima resurrectione, in his

secunda mors, id est, æterna, non habebit potestam (*Apoc. xx*). » Hæc eadem est vera circumcisio, per quam non cuntem carnis petrinis cultris expoliamus, sed veterem hominem, id est veteris hominis similitudinem, Christo conformati, cum suis actibus deponimus. De qua alibi dicit Apostolus : Non enim circumcisio, quæ fit in manifesto, id est, in carne : sed circumcisio cordis, non littera, sed spiritu circumcisio vera (*Rom. ii*). Illa ergo exterior, hujus interioris figura est, sicut de Abraham jam per fidem justificato, dicit idem Apostolus, quia signum circumcisionis accepit signaculum justitiae fidei (*Rom. iv*). Bene autem convenit octava nostræ, quod circumcisio carnis in ea parte fit corporis, per quam humana mortalitas propagatur. Vera enim circumcisio in nostra octava, id est, in generali resurrectione complebitur, cum corruptibile hoc incorruptione, et mortale hoc immortalitate vestietur. Sicut autem in hac parte carnis jussa est impleri carnaliter, ut significaretur implenda est spiritualiter, sic in reliquis membris corporis implenda est spiritualiter, licet non exhibeat corporaliter ; quatenus, secundum Apostolum, « Non exhibeamus membra nostra arma iniquitatis peccato, sed arma justitiae Deo (*Rom. vi*). » Circumcidimus igitur aures ab illico auditu, oculos ab illico visu, nares ab illico olfactu, 289 os ab illico gusto, cor ab illicita cogitatione, linguam ab illicita locutione, manus ab illicito tactu, pedes ab illicito incessu, ne, secundum prophetam, Mors intret ad animas nostras per fenestras nostras, (*Jer. ix*). Unde primicerius martyrum Judæis, sensus corporis ab illicitis non observantibus, dicit : « In circumcisi cordibus et auribus, vos semper Spiritui sancto resistitis (*Act. vii*). » Quoties ergo festivitatem istam annuis recursibus frequentamus, et secundum fidem gestorum, quæ de Christo leguntur, honoremus, ut eadem ad morum justificationem et ædificationem referentes, fidem firmam, charitatem non fictam, spem certam, tam diu teneamus, donec evanescat quod ex parte est, perfectionem nobis promissam comprehendere mereamur. His enim inconcusse manentibus, dissoluta hujus habitationis domo, domum non manufactam, æternam in cœlis habeamus [habebimus].

## SERMO X.

## De Epiphania Domini.

Hunc Epiphaniorum diem majores nostri tribus de causis sanxerunt haberi solemnum. Quas causas fidelis quisque cognoscit, qui Evangelicam historiam legere vel audire consuevit. De quibus pauca dicenda sunt : quomodo et divino militent honori, et quod nostræ conferant ædificationi. Prima causa contigit, quam hodiernum declarat *Evangelium*, (*Matt. ii*), quando nova stella oriente, ortum veri luminis indicante, Magi in orientis partibus excitati, Hierosolymam venerunt, et inquisito loco nativitatis Christi, præfata stella präeunte, et super dominum, ubi puer erat, stante, puerum invenerunt, et

A ei mystica munera obtulerunt, aurum, thus, et myrram. Primo ad ædificationem fidei nostræ proficit, quod exorta nova stella ortum divini luminis in terris apparuisse nuntiavit, ne se rationalis creatura posset ab ejus agnitione excusare, cui videret etiam elementa servire. Qua in re Judæa minus excusabilis fuit, cum eum non credens, cuius ortum ex Scripturis didicit, magos tanquam primitias gentium videt per præsentia signa commotos adorare, et mysticis muneribus honorare. Isti etenim magi, non negromantici, ut quidam putant, sed gentium erant philosophi, qui usu didicerunt ex signis significata perpendere, et ex circumstantiis rerum, cognatos eventus agnoscere. Unde congrua significatione per aurum, quod regibus in tributum dari solet, regiam B nati infantis potentiam ; per thus quod in Dei sacrificio adoletur, divinam ejusdem infantis essentiam ; per myrram, qua mortuorum corpora conduntur, mortalem figurare naturam. Hæc tria in Christi suisse persona, catholica mater [*Ecclesia*] et credit et prædicat, et in cœlis regnante non mysticis muneribus, sed auro, thure et myrra de cordis sui apotheca prolatis honorat et adorat. Aurum etenim Deo offerimus, cum per patientiam probati, in tribulationibus non deficimus. Aurum quippe sieut cum malleis tunditur, producitur : ita pia anima, cum tribulatur, per patientiam ad meliora provebitur : et est ei tribulatio, tunsio : perseverantia, productio. Unde dicit Apostolus : « Tribulatio operatur patientiam, patientia probationem, probatio vero spem (*Rom. v* ; *Jas. i*). » Thus quoque ei in ara cordis incendimus, cum interno ejus amore flagrantes, per studium compunctione et lacrymosæ orationis ei placere contendimus. Myrram quoque de nostri cordis area proferimus, cum pro ejus amore vigilando, orando, jejunando, et aliis honestis exercitiis intendendo, petulantiam carnis edomamus. Unde in Canticorum dicit sponsa : « Digi mei distillaverunt myrram primam (*Cant. v*). » Est quidem myrra prima, castigatio carnis, cum discretione assumpta, quæ non laudes venatur populorum, sed ad vegetationem transit animarum. Hanc distillabant manus Pauli cum diceret : « Castigo corpus meum, et in servitatem redigo, ne cum aliis prædicaverim ipse D reprobus efficiar (*I Cor. ix*). » Nunc ista de prima Christi Epiphania, sive ad fidei, sive ad morum ædificationem, pro brevitate sermonis dicta sufficiant.

Alia hujus festivitatis est ratio quod Jesus, impleto trigesimo ætatis sue anno, in Jordanem venit ad Joannem, ut ab eo baptizatus, apertis cœlis, per Spiritum sanctum in columbae specie apparentem, et Paternam vocem, Dei Filius est declaratus (*Luc. iii*). Quibus rebus et de Christi nativitate nostræ fidei veritas approbat, et de appetendo baptismō, et de ejusdem baptismi utilitate ad fidem venientium simplicitas informatur. Vita etenim Christi, vitam instituit Christiani. Cum ergo credis Christum non solum in se mundum, sed etiam scelerum mundi mandatorem, videlicet baptismi sacramentum a ser-

vo suscepisse, qua ratione quilibet mundus, quilibet sanctus, ne idem sacramentum a conservo suscipiat, se poterit excusare? His enim omnibus necessaria est regeneratio, quorum vitiosa præcessit generatio. Quod quia in eo non fuit, de quo legitur: « Generationem ejus quis enarrabit (*Isa. xxiii*)? » solummodo propter formam implendæ justitiae posteris relinquendam hoc sacramentum accepit. Quod vero eo descendente in aquas, coeli aperti sunt super eum, et Spiritu sancto descendente in eum, Filius Dei est appellatus (*Math. iii*), sublimitatem Christianæ gratiæ valde commendat, quia in aquis baptismi et flammeus gladius paradisum nobis intercludens extinguitur, et paradisi aditus aperitur, et unusquisque baptizatus pignus Spiritus accipiens, per adoptionem Dei filius efficitur.

Tertia hujus festivitatis est causa, quod Dominus anniversaria baptismi sui die, coram positis discipulis suis, bonum conjugale sua præsentia et signorum suorum initio comprobavit, et eo quod in nuptiis aquam in vinum mutavit (*Joan. ii*), magnum nobis mysterium commendavit: primo, per miraculi ostensionem, suam discipulis adhuc rudibus insinuavit divinitatem. Mystice vero aqua in vinum in nuptiis mutata, hoc insinuat, quod quando Deus humanæ naturæ sociatus est, et facti sunt duo in carne una, Christus et Ecclesia, tunc lex quæ haecen-nus carnaliter fuerat observata, per dispensationem humanitatis Christi spiritualiter est intellecta. Nos quoque de futura et insipida veteris hominis vita per hanc Christi et Ecclesiæ societatem translati sumus in filiorum Dei adoptionem. Possent quidem de his plura et prolixiora dici, et Scripturarum testimoniis comprobari; sed ne prolixitate sermonis onerentur **290** auditores, nunc ista sufficiant. Modestus enim cibum tanto sumit utilius, quanto avidius: et tanto magis est fastidiosus, quanto magis est copiosus. His ergo supradictis, dilectissimi, secundum recordationem gestorum, de Christi divinitate et humanitate fidem nostram confirmemus, et his solemnitatibus, quas temporaliter celebramus, inoribus et conversatione congruamus, ut per temporalia festa quæ agimus, pertingere ad gaudia æterna mereamur.

#### SERMO XI.

##### *In Purificatione S. Mariæ.*

Consuetudo ecclesiastica multas ex rebus gestis retinet similitudines, quibus et rerum gestarum repræsentat veritatem, et simplicium corda excitat ad pietatem, ut per ea quæ foris venerantur, ad internorum amorem rapiantur. Hinc est quod ad recordationem Dominicæ passionis in Ecclesia cruces erigimus, quod tempore Ascensionis vexilla, triumphum Christi significantia, in eminentiori loco ecclesiæ, tanquam in arcu triumphali sublimamus, quod sanctorum miracula, vel martyria picturæ imaginatione recordamur. Ex hujusmodi consuetudine hoc inolevit, ut hodierna festivitate fideles populi cum cereis luminaribus ad ecclesiam procedant.

**A** et eadem benedicta in missarum solemnitatibus sacerdotibus offerant. Novit enim vestra fraternitas, quod secundum evangelicam historiam Dominus Jesus quadragesima die a nativitate sua, hoc est, hodie a parentibus in templum est delatus, et ibi a sancto Simeone susceptus, et benedictus in templo est præsentatus (*Luc. ii*). Hoc hodierna festivitate sancta repræsentat Ecclesia. Sicut enim sanctus Simeon in manibus accepit infirmitatem, sed intus agnovit majestatem, infidelitatis nostræ tenebras interiores illustrantem: sic quisque fidelis hoc sacramentum repræsentans, ceram in manibus portat, quasi carnem fragilem, sed superferri videt lucem, exteriora hujus aeris tenebras illuminantem (*Joan. iv*). Sicut enim caro Christi de mundissimo et bono odore virtutum referta carne processit, et nec in concipiendo, nec in egrediendo matris integratatem violavit: sie cora quæ hodie gestatur fidelium manibus, de mundis et odoriferis floribus collecta, fructus est apis, virginis videlicet animantis, cuius, sicut legitur, sexum nec masculi violent, nec fetu quassant. Cum ergo eam sub hac significatione portamus, Christum portemus in ore, Christum portemus in corde, Christum portemus in manibus, et dimissi in pace, cum Simeone sancto salutare Dei videre mereamur. Vultis scire quomodo Christum portetis in ore? Ipse de se dicit: « Ego sum veritas (*Joan. xiv*). » Sit ergo in ore vestro veritas, absit falsitas, absint vaniloquia, et turpiloquia, et erit in ore vestro Christus. Sit in corde vestro charitas, et erit ibi Christus. Sic enim dicit in Epistola sua Joannes: « Deus charitas est: et qui manet in charitate, in Deo manet, et Deus in eo (*I Joan. iv*). » Sit in operibus vestris innocentia, ut nemini quidquam suum auferatis. Sit justitia, ut cuique quod sum est, tribuatis, et habebitis in manibus Christum. Ipse enim nobis factus est a Deo, et justificatio et justitia (*I Cor. i*) Hunc ergo vobiscum ad ecclesiam portate, hunc vobiscum reportate: et habebitis Christum vobiscum. Sic enim monet sanctus apostolus Paulus: « Empti estis pretio magno, glorificate et portate Deum in corpore vestro (*I Cor. vi*). » Quid est Deum portare? Imaginem Dei repræsentare, Christum imitari. Hanc imaginem portat innocentia, portat justitia, hanc portat veritas, hanc portat castitas, hanc portat sobrietas, et omnis honestas. Sicut enim portavimus imaginem terreni, portemus et imaginem cœlestis (*I Cor. xv*). Deponentes ergo veteris hominis lutulenta negotia, abjecimus opera tenebrarum, et exerceamus nos in operibus lucis, ut videntes opera nostra bona, glorificemus patrem nostrum, qui in cœlis est (*Math. v*). His virtutum ornamentis exornemus domum cordis nostri, ut Deum inhabitatorem habere possimus. Sic enim hodie sub typo sponsæ sancta monetur Ecclesia: Adorna thalamum tuum, Sion, et suscipe regem regum Christum. Admonitio ista, ornamens desiderat morum, non palliata vestimenta murorum, ut in sanctis moribus castæ mentis amator requies-

**cat Dominus, sicut in ornato thalamo delectabiliter requiescit sponsus.** Unde etiam in Evangelio (*Luc. xii.*), jubemur lumbos præcingere, id est carnis fluxa frenare, et lucernas in manibus tenere, id est, proximis lucis exempla monstrare, ut parati inveniamur convivio cœlestis sponsi interesse, et cum eo sine fine gaudere. Quod nobis misericorditer præstare dignetur Jesus Christus Dominus noster, qui pro nobis dignatus est temporaliter nasci, ut per eum possimus in æternitate renasci.

### SERMO XII.

#### De Septuagesima.

Scientes, dilectissimi, quia quandiu sumus in mundo, peregrinamur a Domino (*II Cor. v.*), quotidianis lacrymis oportet nos hujus exsiliī mala deflere, et ad æternam patriam toto desiderio anhe-lare. Sed quia Ecclesia multis honorata sacramen-tis, hoc publicis conventibus quotidie frequentare non valet, sub typo universi temporis commendati sunt nobis specialiter hi septuaginta dies, quibus recitatione lectionum et canticorum, casum generis humani recolimus, et mortalitatis nostræ dolores attendantes, quotidie doleamus. Unde in introitu hodierna missæ sancta Ecclesia per lapsum primi parentis mortem sibi illatam esse deplorat, et in doloribus hujus vitæ ad hæc inferiora detrusæ, dolore se clamat : « Circumdederunt me gemitus mor-tis, dolores inferni circumdederunt me (*Psal. xvii.*). » Ad hoc etiam significandum vocem usitatissimam in Ecclesia, « Alleluia » scilicet, ab hodierna die usque ad Pascha intermittimus, et pro hac Hebraica voce, Latinam, id est, « Laus tibi, Domine, Rex æternæ gloriæ », frequentamus. Sicut enim terrena Jerusa-lem gerit imaginem patriæ cœlestis : sic vox ista, a supradicta civitate quondam in Dei laudibus fre-quentata, signat laudes civium supernæ Jerusalem matris nostræ, de quibus canitur in psalmo : « Beati qui habitant in domo tua, Domine; in sæ-cula sæculorum laudabunt te (*Psal. lxxxiii.*)». Dum ergo Latina voce, quia in Jerusalem peregrina-tionem Deum laudamus, exsiliī nostri peregrina-tionem significamus. Huius significationi septua-ginta dierum concordat significatio septuaginta annorum, quibus cives terreni hujus Jerusalem sub rege Assyriorum ducti sunt captivi, et in Baby-lonia servitute detenti : quo tempore Dei laudes **291** patro more celebrare non poterant, sed ex-siliī sui mala deslebant. Hoc Psalmista prævidens prophetico more futurum, quasi jam præteritum canebat, dicens : « Super flumina Babylonis illic sedimus et flevimus, dum recordaremur Sion. In salicibus in medio ejus suspendimus organa nostra (*Psal. cxxxvi.*). » Assur quippe *elatus* interpretatur ; Babylon, *confusio*; Jerusalem, *pacis visio*. Ergo rex Assyriorum, rex superborum, idem rex Babyloniorum, id est, inordinate viventium rex diabolus est, qui filios pacis, populum ad supernam visionem su-pirantem, duro premit jugo servitutis, et quantum prævalet, retardat a reditu et intritu supernæ ci-

A vitatis, de qua servitute dicit Scriptura : « Grave jugum super filios Adam, a die exitus a ventre matris eorum, usque in diem reversionis in ma-trem omnium (*Eccli. xl.*). » Nos ergo in hac servi-tute detenti, quasi super flumina Babylonis sede-mus, dum transitoriis hujus mundi concupiscentiis mentem non immergimus, et tamen flemus, quia miseri sumus, et frequenti desiderio visionis super-næ et æternæ suspiramus. Unde Apostolus di-cit : « Omnis creatura ingemiscit et parturit usque adhuc (*Rom. viii.*). » Et nos ipsi primitias spiritus habentes, ingemiscimus, exspectantes adoptionem filiorum, redemptionem corporis nostri. Hæc quidem crea-tura est anima de corruptione peccati ad ima-ginem Dei recreata, quæ intra se de vanitate, cui subiecta est, gemens, et more parturientis nimio desiderio fit anxia, quod tam diu differtur a patria. Sic parturiebat Psalmista, cum diceret : « Heu mihi, quia incolatus meus prolongatus est (*Psal. cxix.*). » Et ipse Apostolus, qui inter prima Ecclesiæ membra Spiritum sanctum acceperat, adoptionem filiorum desiderans habere in re quam jam habebat in spe, sic parturiebat, cum dicebat : « Cupio dissolvi, et esse cum Christo (*Philipp. 1.*). » Malorum itaque Babyloniae tædio fatigati, et supernæ civitatis desi-derio afflati, quasi in salicibus organa nostra sus-pendimus, dum, in mundi cupiditatibus radicatis • oppressoribus sæculi nostri, imo contemptoribus di-vinæ gratiæ cœlestis regni gaudia prædicare dis-simulamus, ne margaritas spargere ante porcos, et sanctum dare canibus videamur. Unde captivati suis captivatoribus dicunt : « Quomodo cantabimus canticum Domini in terra aliena ? » (*Psal. cxxxvi.*) Terra aliena, reproborum est multi-tudo, ad supernam non pertinens civitatem, quæ more porcorum margaritas, lucidum videlicet Dei verbum, negligendo conculcat, aut more canum contra sanctum Dei, Dei verbum male credendo dis-sceptat. Nunc his de nostra captitatem ex antiqua et moderna significatione prælibatis, cur septuage-narius numerus sub typo universi temporis ponatur, breviter audiamus. Septenario quippe dierum cir-culo, totum tempus vitæ præsentis evolvitur, quibus nobis decalogi mandata servanda mandantur. Dum ergo decem legis præcepta in hoc vitæ nostræ spa-tio custodimus, quasi denarium per septenarium numerum multiplicamus, et septuagenarii numeri summam implemus. His ergo diebus, quod omni tempore faciendum est, specialius et propensius ge-mitibus et fletibus operam demus, ut ad patriam nostram, a qua mortifera delectatione corruimus, per amaritudinem cordis et lamenta redeamus. Ibi nunc intermissum « Alleluia » recuperabimus, et cum supernis civibus Deum sine fine laudabimus : quod quinquaginta diebus Dominicæ resurrectionis signifi-camus, dum in uno quoque cantu « Alleluia » fre-quentamus. Interim ergo lugeamus in via, ut post-modum gaudeamus in patria. Amarescat nobis quidquid dulce est in rebus sæculi præ dulcedine

Dei, et decoro domus Dei: quanto quisque præ omnibus diligit, tanto se amplius ad supernam patriam pertinere intelligat. Sic in retorto oculo stadium vitae præsentis percurramus, ut bravium supernæ vocationis comprehendere valeamus. Quancunq; hora in vinea Domini conducti sumus, insufficienter pondus diei et æstus portemus, ut in vespero, diurno dñario non privemur. Sic enim Dominus dicit: « Qui perseveraverit usque in finem, hic salvus erit (Matth. x et xxiv). » Non simus stulti viatores, ut oblieti patriæ nostræ, exsilium diligamus pro patria, et remaneamus in via. Non simus insensibiles, ut dolere in doloribus passibilitatis et mortalitatis nostræ nesciamus, et in ipsis doloribus medicinæ remedium non queramus. Solet enim de vita eorum desperari, qui ægrotantes se non sentiunt infirmari. Curramus igitur ad medicum salutis æternæ. Ostendamus ei per confessionem vulnera nostra, intimo clamore a deum clamet unusquisque: « Miserere mei, Domine, quoniam inflamus sum: sana me, Domine, quoniam conturbata sunt ossa mea (Psal. vi). » Ita enim medicus noster propitiabit iniquitatibus nostris, sanabit omnem languorem nostrum, et replebit in bonis desiderium nostrum.

## SERMO XIII.

## De Capite jejunii.

Hodie mater Ecclesia filios suos, in quibus detrimentum se sensisse cognoscit, paterna corripit severitate, ut possit eos medicinali parcimonia reformatos materna pietate colligere: invitat saucios ad ostendenda vulnera sua, ne, non ostensa, incurata putrescant: indicit ostendentibus diversa genera cōrreptionum, ut secundum quantitatem vulnerum, adhibeantur congrua fomenta curationum. Audite ergo, filii, matrem vestram, iterum vos parturientem, et imaginem Dei iterum per peccatum deletam iterum reformare cupientem. Audite eam voce angelica vobis clamantem: « Pœnitentiam agite, prope est regnum cœlorum (Matth. xxiii et xxiv). » Quomodo autem pœnitentiam agere debeatis, Dominus prophætica voce vos admonet, dicens: « Convertimini ad me in toto corde vestro, in jejunio et fletu et planctu, et scindite corda vestra, et non vestimenta vestra (Joel. ii). » Præcipitur adversis [forte aversis], ut cunctis iniquitatibus suis renuntient, et conversionem suam Deo aliter placere non aestiment, quia non potest fieri ut una pars cordis vestri mundetur Deo, et altera immunda reservetur diabolo. Quomodo autem converti debeatis, subinfertur cum dicitur: « In jejunio et fletu et planctu, » ut exterioris carnem castigetis per jejunia, intus autem affligatis mentem per gemitus et lamenta. Subditur: « Et scindite corda vestra, » ut intus nihil clausum remaneat quod compunctio cordis non expellat, et oris confessio non aperiat. Hoc est quod canitur in psalmo: « Effundite coram illo corda vestra (Psal. lxii), » id est, omnem immunditiam cordis vestri per confessionem evomite, ne tanquam fetidum humorem continentia vasa, remoto operculo, fetorem

A tantum emittatis, et intus immunditiam retineatis. **292** Non enim coram Deo cor suum effundit qui aperit os suum in confessione, et concupiscentiam malam non aufert a corde. Unde et Dominus conqueritur de hujusmodi: « Populus hic labiis me honorat, cor autem eorum longe est a me (Isa. xxix; Matth. xv). » Item, cor suum coram Deo non effundit, qui culpam suam in confessione defendit, qui se non humiliat cum Psalmista, dicente: « Confitebor adversum me injustitiam meam Domino, et tu remisisti impietatem peccati mei (Psal. xxxi). » Adversum se quippe constitetur, qui seipsum accusat, et horis vel fato, vel stellis peccatum suum non imputat. Quæcunque a vobis vel occulta suggestione, vel aliena persuasione commissa sunt, sic in confessione aperiantur, ut etiam de corde pellantur, quia tali confessione cuncta lavantur. A manibus ergo procul sint homicidia, ita ut a cordibus procul sint odia, quia secundum apostolicam doctrinam, qui odit fratrem suum, homicida est: et omnis homicida non habet partem in regno Christi et Dei (I Joan. iii). Qui fornicabatur, jam non fornicetur: qui mœchabatur, jam non mœchetur; quia, sicut ait Apostolus, « Fornicatores et adulteros judicabit Deus (Hebr. xiii). » Non querat etiam aliquis nostrum opportunitatem videndi mulierem quam concupiscat: quia secundum Scripturam: « Qui viderit in mulierem ad concupiscendum eam, jam mœchatus est eam in corde suo (Matth. v). » Fornicatio autem generali nomine est omnis voluntaria carnis pollutio, quæ qualicunque modo contrahitur, excepto legitimo conjugio. « Qui furabatur, jamjam non furetur (Ephes. iv): » qui raptor erat, raptor esse desistat, ne illud maledictum incurrit, quod dicitur: « Væ qui prædaris, quia prædaberis (Isa. xxviii). » Tollantur de ore vestro falsa testimonia, verba turpia et jocosa, quia secundum Scripturam, « falsus testis non erit impunitus (Prov. xix). » Et de omni verbo otioso, quod locuti fuerint homines, reddent rationem de eo in die judicii (Matth. xii). Absit a vobis invidia, quia invidia diaboli mors intravit in orbem terrarum (Sap. ii). Avaritia nec nominetur in vobis, quæ comparatur idolorum servituti. Nam sicut in idolorum cultura, amatur pro Creatori creatura; sic avarus Deum negligit ut possit retinere vel adipisci pecuniam quam diligit. Non veniat vobis pes superbiæ, quo a Deo recedatis, quia ibi ceciderunt qui operantur iniquitatem: expulsi sunt, nec potuerunt stare (Psal. xxxv). Non seminetis discordiam inter fratres, quia sicut concorditer viventibus fratribus mandavit Dominus benedictionem, sic amatoribus discordiæ æternam intentat maledictionem. Tollite de consuetudine loquendi juramenta, non necessaria, ne frequenter iurando incurritis perjuria, et ad condemnationem vestram, testem adducatis veritatem ad vestram falsitatem. Hæc, fratres charissimi, quæ dicta sunt, cum omni malitia deponite, et tempus vestrum in his hactenus consumptum, vigilando, orando, flen-

do, jejunando, eleemosynas largiendo redimite, et regnum Dei, quod vobis vicinum esse promittitur, his impensis possitis acquirere. Ad hoc enim indulta sunt vobis poenitentiae tempora, ut attendentes Dei patientiam, quae ad poenitentiam vos adducit, nequaquam thesaurizetis vobis iram in die revelationis justi judicis Dei (*Rom. ii*), qui reddet unicuique secundum opera sua (*Math. xvi*). Attendant quisque quam miser sit, et quam beatus futurus sit, et non formidet in hoc tempore vilia quæque, et dura pro Dei amore sufferre, ut per hoc temporale purgatorium, æternum possit adipisci remedium. « Non enim condignæ sunt, ut ait Apostolus, passiones hujus temporis, ad illam gloriam, quæ revelabitur in nobis (*Rom. iii*). » Vobis ergo, qui criminalibus culpis irretiti ad remedium poenitentiae confugistis, non indignum videatur quod mater Ecclesia a gremio suo vos abjicit: quia sicut oportuit eam de sua in vobis diminutione tristari, sic oportet eam vestra satisfactione placari, ut post satisfactionem per eam, cui Deus in pastribus vestris dedit licentiam ligandi et solvendi (*Math. xvi*), vestro possitis capiti reconciliari, et per ipsum et cum ipso gloriari. Sicut enim patienter tolerat ægrotus, quando in eo putridas carnes urit vel secat medicus, sic æquo animo sunt vobis hæc poenitentiae toleranda sacramenta, quod in cinere et cilicio extra Ecclesiam estis positi, quod quasi Satanæ traditi esse videamini: quia hic rubor sequestrationis fit vobis ad interitum carnis, ut Spiritus salvis sit in die vestrae resurrectionis (*I Cor. v*).

#### SÉRMO XIV.

##### *De Quadragesima.*

Audivit fraternitas vestra ex prædicatione apostolica, quoniam qui dicit se in Christo manere, debet sicut Christus ambulavit, et ipse ambulare (*I Joan. ii*). Discat ergo Christianus quomodo ambulaverit Christus, ut ex vita Christi informetur vita Christiani. Discat neophytus quid a baptismō recedens fecerit Christus. Audiat provectus quæ lucis exempla a principio suæ prædicationis discipulis suis ostenderit Christus. Attendat perfectus quod per acerbitatē passionis consummatus est Christus: inveniet enim in capite suo omnes gradus, unde imbuatur, unde provehatur, unde consummetur. Discat ergo neophytus, quia Jesus regressus a Jordane, a Spiritu sancto ductus est in desertum, ibi quadraginta diebus jejunavit, et post jejuniū esuriens, tentari se permisit (*Luc. iv*). Abiit in desertum, ut neophytis monstraret exemplum, ne recenter a conversione sua ad publicum prodeant, ne statim officium prædicationis arripiant, ne iterum tumultuosis hujus mundi actionibus se immergant, sed quasi in solitudinem mentis fugientes, solummodo castigandæ suæ vitæ intendant, ibique exspectent cum, qui salvos faciat eos pusillo animo et inquieto. Sic Dominus discipulos suos adhuc rudes, et nondum in tribulatione probatos, a prædicationis suspendit officio, dicens:

A « Sedete in civitate quoadusque induamini virtute ex alto (*Luc. xxiv*). » Et per Moysen dicitur: « Non arabis in primogenito bovis (*Deut. xv*), » id est, non prædicabis in principio honestæ actionis. Ideo jejunavit, ut appetitum gulae nos refronare doceret, et ab illecebris vitæ temporalis nos abstineret. Sicut enim baptismo non indiguit, quo in se peccatum originale purgaret: sic et ei jejunium non fuit necessarium, quo in se, quæ non habebat, carnis incentiva refrenaret. Tentari voluit, in se ipso insinuans quia omni pie vivere inchoanti tentatio non deerit. Sed sicut tentatorem suum in omnibus repulit, sic et nos post concupiscentias nostras non eamus, et a voluntate nostra cohibeamur. Fortitudinem mentis nostræ non resolvat carnis delectatio, non nos retardet curiositas a bono proposito, non nos in sinistram partem deflectat seculatis ambitio. In quacunque enim 293 tentatione vicit Christus, vincere debet Christianus. Huic mystico jejunio convenit etiam mysticus numerus, quadragenarius videlicet, quaternariæ decies ducti multiplicatione collectus, quo intelligatur non tantum nos ab escis corporalibus jejunare debere, sed etiam ab omnibus temporalibus delectationibus abstinere. Quaternarium namque quasi per denarium multiplicamus, dum fragilitatem nostram ex quatuor elementorum connexione, vel ex quatuor temporum varietate contractam ad laboriosam decalogi disciplinam violenter infectimus. Id eoque sub universi temporis typo, hæc nobis est quadragesimalis observantia commendata, quatenus quod ex multiplici occasione reliquo tempore minus explevimus, nunc sine excusatione reddamus, non tantum in parcitate ciborum, sed etiam in extirpatione vitiorum, et exercitatione virtutum. Tantum enim valet jejunium sine eleemosyna et aliis operibus pietatis, quantum valet veteri tunice insertus pannus rudis, Domino attestante: « Nemo mittit commissaram rudis panni in veterem tunicam, ne major scissura fiat (*Math. ix; Marc. ii*). » Sicut enim pannus novus veterem tunicam totam non in novat, sed aut facta scissura, aut sola levitate vestitatem ejus deformat, sic sola abstinentia ciborum non reddit perfectum hominem, sed notabiliorē facit reliquam ejus turpitudinem. Sentiant ergo jejunium vestrum languores decubantium, esuries mendicantium, lassitudine peregrinantium, ut quod corpori vestro subtrahitis, necessitate indigentium ministretis. Estote quasi studiosi messores, ut hoc tempore et præteriti anni damna reparatis, et in futurum unde vivat anima vestra præparatis. Sic appetitum gulae coercatis, ut etiam verba detrahentia, scurrilia, otiosa et maledica nec ipsi dicatis, nec dicentes libenter audiatis. Hoc tempore ex consensu mulier viro debitum subtrahat, et vir vasculo mulieri honorem deferat, ut secundum principem apostolorum non impediantur orationes vestræ (*II Petr. iii*). Nec enim debet quis eo tempore dare operam voluptati, quo per poenitentiam desiderat a

perpetratis voluptatibus emundari. Quamvis enim Christus mox a Jordane reversus, sicut jam dictum est, hoc jejunium suo exemplo dedicaverit, ideo tamen tempora Paschali festivitati vicina huic observantiae deputata sunt, ut et populus Christianus caput suum etiam in hoc jejunio pro posse suo imitari studeret, et nos hoc jejunio purificatos dies sanctificatus exciperet: et valde congruum erat ut post tempus afflictionis succederet laetitia Dominicæ resurrectionis, quatenus post toleratas tribulaciones, post superatas tentationes vite præsentis, sperremus et ipsi nos accepturos gaudia nostræ resurrectionis, quando liberabimur a servitute corruptionis hujus, in libertatem gloriæ filiorum Dei (*Rom. viii.*). Sicut enim genuflexionibus et afflictione hujus temporis, nos peccatorum pondere pressos et dura servitute incurvatos significamus, ita solutione jejunii quinquaginta dierum post Resurrectionem, et eo, quod stantes oramus, libertatem nostræ incorruptionis, qua possumus imagine præfiguramus. Ergo, fratres, sic interim istam teneamus imaginem, ut illam nunc habeamus in spe, et tandem percipiamus in re: quoniam haec peregrinantibus congrua sunt in via, illa autem expleta militia jam emeritis retribueretur in patria.

### SERMO XV.

#### *De Annuntiatione B. Mariae.*

Gaudemus in Domino, dilectissimi, et licet non quantas debemus, quantas tamen possumus, eo donante, gratias nostro referamus Auctori, ne superabundanti ejus in nobis gratiæ reperiamur ingratiti. Num etenim Virginis conceptum nobis festivitas hodierna commendat, quæ nostræ reparationis celebratur exordium, certumque proponitur divinæ pietatis et potestatis judicium. Si enim rerum Dominus, fugitivos servos requirens, judicium exercere, et non pietatem exhibere veniret, nequaquam vasis lutei hujus fragilitatem, qua nobis compati, et pro nobis pati posset, indueret; et quamvis hoc ipsum stultum et infirmum juxta vocem Pauli (*I Cor. i.*), videatur gentibus, inanis philosophiæ ratione nitentibus, secundum leges creaturæ de Creatore judicantibus: quid tamen potentius, quam contra jura naturæ Virgini conceptum dare, et per mortem carnis assumptæ, mortalem substantiam ad immortalitatis gloriam revocare. Unde est illud Apostoli: « Quod infirmum est Dei fortius est hominibus (*ibid.*). » Sapientes denique judicamus medicos corporalium ægritudinum, qui noverunt pro qualitate morborum similia similibus apponere. Quanto prudentior hic medicus, qui venit genus humanum, servata proportione medicinæ, non tantum in corpore, sed etiam in anima de omni corruptionis hujus servitute liberare? Venit enim in similitudine carnis peccati, ut per omnia tentaretur pro similitudine absque peccato, quatenus in quo tentaretur et vinceret, vincendi gratiam tentatis de celo ministraret. Opposuit etiam novitatem suam vetustati nostræ, justitiam suam injustitiae nostræ, obedien-

A tiam suam inebedientię nostræ, humilitatem suam superbiam nostram: quatenus qui superbiendo, inobedendo, a floriera sede beatorum decideramus, per ejus humilitatem atque obedientiam reformati quandoque ad paradisi gaudia redeamus: et hoc est, quod ait Apostolus: « Quod stultum est Dei, sapientius est hominibus. » Stultum enim est visum sapientibus hujus sæculi, quod qui in forma Dei era per formam servi voluit humiliari, Dominus a servis reprobari, conspici, colaphizari et occidi; sed haec stultitia facta est nobis a Deo magna et incomprehensibilis sapientia: quoniam vita perdite reparatrix nobis exstitit medicina. Potuisset utique lapsibus humanis alio modo divina subvenire potentia, sed tanquam bonus orator istis modis et auditorum circa se comparare, et suam apud auditores benevolentiam voluit commendare, quæ minus appareret, si invisibilis omnino permanens, recusasset ab omnibus videri, et inter homines conservari. Interrogemus nosipsos, clarissimi, si nobis æterna hæreditate privatis, jet in obscurissimo carcere positis, regia vel aliqua compotens persona, regio decore deposito, sic nobis condescenderet, ut tanquam unus ex nobis nostræ captivitatis ærumnas toleraret, quatenus opportunitate inventa nos ab ipsa captivitate liberaret: qua ratione posset melius et suam nobis dilectionem intimare, et nostram erga se excitare? Unde per se ipsam Veritas dicit: « Magorem hac dilectionem nemo habet, quam ut animam suam ponat quis pro amicis suis (*Joan. xv.*). »

C 294 Simili itaque ratione Dominus noster, medicus noster, liberator noster, descendit ad servos suos, captivos suos, humili et sublimis: humili compatiendo, sublimis de servitute diaboli potenter liberando. Quicunque ergo in Christo vocati sumus, hujus tam jucundæ, tam necessariæ liberationis admiranda initia præsenti festivitate nobis ad memoriam revocata, toto mentis intuitu consideremus, toto mentis affectu diligamus, debitibus obsequiis honoremus, quatenus de jucundis et admirabilibus principiis mirabiles et jucundos exitus expectare mereamur. Fit hodie porta cœli virginis uterus, per quam Deus descendit ad homines, ut eis ascensum præberet ad cœlum. Audit enim miraturque beatissima Virgo filium se esse paritum, quæ virilis amplexus penitus se esse sciebat ignaram; sed confortatur ac informatur ab angelo, qua virtute, quo merito posset in ea compleri, quod in aliis mulieribus non patitur natura fieri: « Ne timeras, inquit, Maria: invenisti gratiam apud Dominum (*Luc. 1.*); tanquam si diceret: Quod tibi prouuntio, non habet jus naturæ, sed donum est incomparabilis gratiæ. Unde sequitur: « Spiritus sanctus superveniet in te, et virtus Altissimi obumbrabit tibi (*ibid.*). » Non enim, sicut quidam fatui et erronei cogitant, Spiritus sanctus in ea vicem exhibuit seminis, sed quia tanta ei divini concessa est vis amoris, quæ ita illam mente et corpore inviolatam custodiret, ut nullus ei concupiscentie

carnalis æstus prevalere posset : sola meruit eligi, de cuius immaculato corpore corpus immaculatum sibi aptaret, qui ante tempora predestinatus est Filius Dei in virtute. Unde et eidem beatissimæ Virgini dicitur : « Quod enim ex te nascetur sanctum, vocabitur Filius Dei (*ibid.*). » Oportebat utique esse sanctum, quod pro sanctificandis peccatoribus erat offerendum. Decebat quoque ut vitio careret ejus generatio, per quam purganda erat filiorum Evæ vitiosa generatio. Tria enim mala Eva sequacibus suis intulit, videlicet, ut viris subjectæ essent, et in delicto carnalis concupiscentiæ conciperent, et in dolore filios parerent (*Gen. iii.*). In hoc vero conceptu, nulla carnalis concupiscentiæ delectatio sese admisit, ubi maritante foris verbo per auditum Virgo Verbum concepit, et secundante Spiritu sancto, ejusdem cor Virginis in thalamo virginali divina se sublimitas in unitate personæ nostræ humiliati sociavit. Hoc splendore Dei Filius concipitur, hac munditia generatur. Nulla potuit fieri tristitia concipienti, nulla difficultas parienti : qui enim lætiticare venerat triste sæculum, contristare non debuit ventris hospitium. Sicut ergo omni corruptione caruit iste conceptus, ita, quidquid hæretici garriunt, in concipiendo et pariendo Virginis uterus permanxit intemeratus. Quod indubitanter cognoscere potest, et rationabiliter aliis approbare mansuetudo Christianæ, transumptionem faciendo de minoribus ad majora, de prioribus ad posteriora. Si enim solis radius crystallum penetrans, nec ingrediendo perforat, nec egressando dissipat : quanto magis ad ingressum vel egressum veri et æterni Solis, uterus virginalis clausus et integer perseverat? Sic ille rubus ardens, et non combustus, in typum virginitatis intemeratae Moysi sancto legitur esse demonstratus (*Exod. viii.*) ; sic idipsum præsignans virga Aaron summi sacerdotis, nec succo animata, nec semine secundata, quod natura non habuit, flores fructumque produxit (*Num. viii.*). Quæ ergo ratio est, ut non credatur Deus hominem posse facere sine viro de femina, qui primam hominem nec de viro fecit, nec de femina? (*Gen. i.*) Nimirum veram humanitatem testatur conceptus et partus humanus, et veram divinitatem comprobat uterus intemeratus. Continetur in hoc conceptu, fratres charissimi, magnum et mirabile sacramentum, quo delecto prævaricationis chirographo, divina confoederantur et humana, sicutque duo in carne una Christus videlicet et Ecclesia. Cujus conjunctionis quasi thalamus, uterus virginalis exstitit, de quo, discursis novem mensibus, secundum legem parentium, cum uxore sua, id est carne nostra, tanquam sponsæ et thalamo prodiens, tabernaculum, id est carnem assumptam in sole posuit (*Psal. xviii.*), quia carnem suam, per quam debellatur erat hostem, visibilem cunctis exhibuit. Factus est itaque per condescensionem nostræ humanitatis tanquam lac parvulorum, qui in sublimitate suæ divinitatis panis est angelorum. Per carnem enim suximus majestatem.

PATROL. CLXII.

A Sic nimirum piæ matres lactescentem in se solidum cibum per ubera ministrant indigentæ parvulorum, fitque in iis per ubera ut jam non egeant uberibus, quando confortati per alimoniam lactis, idonei siant ad conterendam solidam escam panis. Ita quoque reparator ac nutritor noster longe a se remotos in regione dissimilitudinis alere voluit lacte suæ incarnationis, quo crescere nos ficeret ad suavissimum et ineffabilem gustum suæ divinitatis, qui tamen quandiu per spem ambulamus, et non per speciem (*II Cor. v.*), nulli quamlibet mundo corde plene conceditur, sed perfecta ejus satietas, cum gloria Domini manifestabitur, in æterna justorum retributione servatur, quia nulla possibile est via tori possidere in peregrinatione, quod ei promittitur B in perventione. Hæc igitur, fratres charissimi, sedula meditatione pensemus, hanc inæstimabilem Dei suavitatem tota mentis aviditate gustemus, considerantes quæ et quanta sint quæ promittuntur in celis, ne a bravio supernæ vocationis cursum nostrum revocent ea, quæ cæcis et cupidis mentibus appetenda videntur in terris. Diligamus misericordiam, per quam redempti sumus cum perditi essemus. Conservemus castitatem, cuius amatorem se esse monstravit qui de castæ mulieris visceribus immaculatum sibi corpus aptavit. Conformemur ei, qui vitam suam in terris regulam nobis proposuit Christianæ conversationis, qui primo adventu suo voluit nos intus ad imaginem suam reformare : secundo vero, etiam reformabit corpus humilitatis nostræ configuratum corpori claritatis suæ, Jesus Christus Dominus noster, qui vivit et regnat per omnia sæcula sæculorum. Amen.

#### SERMO XVI. *In ramis Palmarum.*

Qui vult hominem exhibere perfectum, in Christo reperiet omnia documenta virtutum. Inter quas humilitate et patientia se tanquam potentioribus armis acciuxit, cum quibus mundum intravit, cum quibus de mundo migravit, per quas mundum subjugavit. His etenim diabolum stravit et nos de ejus potestate liberavit. Cum his fortem armatum 295 alligavit, et ipse fortior vasa quæ in potestate et pace possidebat, eripuit et sibi mundata retinuit (*Matth. xii.*). Humilitas fuit, quod inter homines degens, cum publicanis et peccatoribus manducavit (*Joan. iv.*) ; quod fatigatus ex itinere, a muliere Samaritana potum postulavit (*Matth. ix.*) ; quod peccatrixis mulieris tactum non recusavit (*Luc. viii.*) ; quod discipulorum pedes lavit (*Joan. xii.*). Humilitas et patientia simul, quod corpus suum percutientibus dedit, quod faciem suam a conspuentibus non avertit, quod maledicentes non maledixit, quod etiam usque ad ignominiosam mortem, mortem videlicet crucis, quæ tantummodo sceleratis debebatur, se tandem inclinavit (*Joan. xix.*). Unde per prophetam dicitur : « Et cum sceleratis deputatus est (*Isa. lxi.*). » Et in Psalmo : « Propter verba labiorum tuorum ego custodivi vias duras (*Psal. xvi.*). » Hæc arma

serpens ille antiquus non cognovit. Hæc arma per superbiam dignatus est, et incautus per hæc superatus est. Escam sensit et momordit, sed hamus eum divinitatis aduncavit, maxillam ejus perforavit, et a potestate solita religavit. Accubuit catus leonis ad vocem patris, cum fortitudine surrecturus, pro humilitate sua nomen, quod est super omne nomen (*Philipp.* ii), accepturus. Hunc exaltationis modum, Scribarum et Pharisæorum superstitione superba non creditit: venientem ad se Dominum in humilitate contempnit: superbiam eorum redarguentem, dæmonia ejicientem, miracula facientem, tanquam in Beelzebub ista faceret, blasphemavit (*Matth.* xii). Sola eum pauperum turba prosequitur, puerorum innocentia comitatur, quia complectitur innocentia innocentiam, humilitas humilitatem, ac per hoc illuminari meretur, ut intus agnoscat majestatem. Sic enim dicit Scriptura: « Deus superbis resistit, humilibus autem dat gratiam (*Jac.* iv; *I Petr.* v). » Tales Domino hodie ad locum passionis suæ venienti occurunt: hominem humilem super asinam sedentem viderunt, et tamen triumphalem ei gloriam, ramos arborum portando, et per viam sternendo exhibuerunt, laudes ei imperiales cecinerunt (*Matth.* xxi), quia præsago spiritu eum triumphatorem diaboli et mortis, et vita largitorem cognoverunt. Ilujus turbæ, charissimi fratres, formam repræsentatis, cum virentes ramos arborum post vexillum sanctæ crucis in manibus portatis. Et bene repræsentatis, si quod virore signatur in manibus, semper teneatur in moribus, si non hieme decidat, si non estate marcescat: ut dicere possitis cum Psalmista: « Benedicam Domino in omni tempore, semper laus ejus in ore meo (*Psal.* xxxiii). » Sed mementote quia non invitantur ad has laudes, nisi pueri: « Laudate, pueri, Dominum, » dicit Psalmista (*Psal.* cxix). Qui vero sint isti pueri, Apostolus exponit, dicens: « Malitia parvuli estote, sensibus autem perfecti (*I Cor.* xiv). » Et Dominus ad discipulos: « Nisi quis se humiliaverit sicut iste parvulus, non intrabit in regnum Dei (*Matth.* xviii). » Parvulum seipsum vocat, ad cuius imitationem nos monet humiliari, ut introire mereamur regnum Dei. Non enim sunt membra, quæ non sequuntur caput. Quibus igitur armis diabolum vicit Christus, vincere debet et Christianus. Sicut per humilitatem exaltatus est Christus, exaltari debet et Christianus. Sic enim Dominus dicit: « Qui se humiliat, exaltabitur (*Luc.* xviii); » et Petrus: « Humiliamini sub potenti manu Dei, ut vos exaltet in tempore tribulationis (*I Petr.* v). » Humiliavit se Christus pro nobis, humiliemus nos ipsos pro nobis. Inclinavit se sicut camelus, subiit onera peccatorum nostrorum, transivit per foramen acus, quia pertransiit angustias passionis, ut nos in latitudinem gaudiorum educeret. Humiliemus et nos ad portanda onera proximorum; nemo nostrum sublime sapiat, nec speret in incerto divitiarum, sed deposita quasi struma cupiditatis

A superbæ, tanquam per foramen acus ingrediatur, ideo arctam et arduam viam aggrediatur. Quod enim his diebus passio Domini in Ecclesia recitat, quod signa Dominicæ passionis in Ecclesia producuntur, hoc intenditur, ut Dominicæ passio per hoc ad memoriam revocetur, et fidelium devotio ad compatiendum excitetur, ut ille sanguis digne suscipiat ab ore fidelium, qui indigne effusus est manibus infidelium. Hoc sanguine agni immaculati utique postes signentur, id est mentes et frontes, ut corde credatur ad justitiam, ore autem confessio fiat ad salutem (*Rom.* x): et memoria crucis suaviter inhæreat inenti, cuius sigillum imprimatur et fructu. Ergo, fratres, in hac recordatione Dominicæ passionis Christo digne compatiamur, ut Christo resurgentì consuscitari mereamur. Dimittamus debita sua debitoribus nostris, quia ipse Christus, qui ad imitandum nobis propositus est, cum pateretur, eravit pro persecutoribus suis. Sic enim ipse Dominus jubet: « Orate pro persecutibus et calumniantibus vos, ut sitis filii Patris vestri qui in celis est (*Luc.* vi). » — « Si autem filii, et hæredes, hæredes quidem Dei, cohæredes autem Jesu Christi (*Rom.* viii). »

## SERMO XVII.

*De Cœna Domini.*

Opiatus nobis, dilectissimi, dies emissionis advenit, quod mater Ecclesia membra sua, tanquam patrida hactenus a se projecta, intra societatem communem membrorum suorum recipit, quo peccantes filios suos poenitentiae legibus emendatos, sequestrationis rubore castigatos, ad sacramentum reconciliationis admittit. Et merito hic dies huic sacramento est deputatus, quo Dominus noster Jesus Christus illud, quod pro nobis proxime erat traditus, corpus dedit discipulis ad manducandum, et sanguinem, quem pro nobis fusurus erat, tradidit ad bibendum. Eo ergo die nullus fidelis extorris debet esse a corpore Christi, quod est Ecclesiæ, quod die medicinam sue reconciliationis, corpus scilicet et sanguinem Christi, suscepit Ecclesia. Hodie veteris sacerdotii ritus, quo sanguis vitulorum effundebatur, et cinis vitulæ extra castra crematæ aspergebatur (*Num.* xix) ad emundationem tantummodo carnis, de medio sublatius est, et novi sacerdotii ritus, quo caro Christi extra portam passa, et sanguis Christi pro nobis fusus, emundatos carne et spiritu sanctificat, veteri sacerdotio subrogatus est. Dicit enim Apostolus: « Deus erat in Christo, mundum reconcilians sibi, et posuit in nobis verbum reconciliationis (*II Cor.* v). » Quid ergo die convenientius debent ministri novi sacerdotii hoc reconciliationis celebrare sacramentum, quam eo die, quo ab auctore novi sacerdotii hoc primitus est institutum? Huic etiam reconciliationis sacramento congruit, quod hoc discipulorum pedes lavit, quod hoc discipulis servandum esse mandavit, non quod indigerent lavari, sicut ipse ait (*Joan.* xiii), qui loti erant aqua salutari, sed quia affectus hominum, quibus tanquam pedibus 296.

ad Deum acceditur, vel a Deo receditur, non pos- sunt terreno pulvere non sedari, quos oportet inter mundi turbines, in medio hominum polluta labia habentium et habitantium, et inter lutulenta iundi negotia conversari. Hæc ergo ablutio pedum, munatio est affectuum, ut si quas de terrena conversatione fedas imagines introrsum traximus, hoc sacramento diluamus. Et pulchre huic sacramento reconciliationis consonat, quod caput, id est Christus, corporis pedes lavat, id est ultima membra sua per officium pastorum sibi reconciliat. Nos enim dicti pastores et veluti capiti viciniora membra, dum pro peccatis vestris oramus, cum pro excessibus vestris lacrymas fundimus, quid aliud facimus, nisi quod vobis pedes quibus ad Deum redeatis, ablui- mus? Cum etiam peccatorum nostrorum [vestrorum] memoria conterrit in oratione nostra de capite lacrymas fundimus, anne conscientias nostras, tanquam pedes immundos, a terreni contactus sordibus emundamus? Quia ergo vos hodierna die, fratres, ad tam desiderabile sacramentum reconciliationis admittimus, sub Dei miseratione, quantum in vobis est, labore, ut quod vobis foris per officium nostrum ministratur, id vestris mentibus rei veritate compleatur. Non sitis domus illa scopis mundata, id est, paenitentiae sacramentis palliata, ad quam revertitur immundus spiritus, qui inde per confessionem exierat, et inveniens eam vacantem, id est, nulli veræ virtuti operam dantem, ingreditur ibi cum septem aliis spiritibus se nequioribus, id est omnibus superstitionis generibus, et flunt novissima hominis illius pejora prioribus (*Matth. xii*). Novissima enim eorum pejora prioribus flunt, quia peccata, quibus in confessione renuntiaverant, occulte committunt, et ea diversis coloribus superstitionis operire contendunt. Hujusmodi hypocritas æquiparat Dominus sepulcris foris dealbatis, et vasis extra mundatis, quæ intus plena sunt fetore et sordibus (*Matth. xxiii*). Mundate ergo, fratres, conscientias vestras, ut vasa honesta et apta sitis ad accipendum corpus et sanguinem Domini nostri Iesu Christi, per quem redempti estis cum perditæ essetis, per quem reconciliamini cum iterum aversi fuissetis, per quem salvandi estis, si intra societatem membrorum Christi inventi fueritis, cui reconciliati estis. Qui enim manducat indigne, reus est mortis Domini (*I Cor. xi*). Qui est qui manducat indigne? Qui capit ore, et non capit corde. Qui non est mem- brum capitidis, nec pars Christi corporis. Hic acci- piens corpus Domini, poenas dabit mortis Domini, quia tali poena plectetur, qua plectuntur qui indigne ad mortem tradiderunt corpus Domini. Manete ergo in Christo, ut Christus maneat in vobis, et digne accedatis in participationem Dominicæ corporis et san- guinis.

## SERMO XVIII.

*In die Paschatis.*

Cum cæteræ festivitates in recordatione gestarum

A rerum lætitia spirituali fidelium mentes afficiant, in Christi resurrectione, simili ratione, corda simul lætantur et corpora, quia, Christo resurgentे, homo noster interior a morte peccati ei consuscitatus est, et exterior spes suæ resurrectionis probatissimo arguimento confirmata est. Merito ergo utrumque lætatur, quia utrumque Christo consuscitatur in re, exterior autem in spe. Idcirco hæc solemnitas ad anniversarium diem suum non recurrit, sicut reliquæ solemnitates, in quibus præteriorum tantum sit recordatio, sed huic observantiæ Dominica deputatur, et lunæ decursus post plenilunium vicinum vernali æquinoctio. Dominica enim dies quæ octava est, et Dominicam congrue repræsentat resurrectionem, quæ eo die facta est, et nostram præfigurat, quæ post septenariam hujus temporis volubilitatem futura est. Lunæ vero decursus certi mysterii causa huic observantiæ est deputatus, quia, secundum astrologorum inquisitionem, globus lunæ semper dimidiis lucet et dimidiis non lucet. Luna enim crescente, illuminatur pars inferior; luna decrescente, illuminatur pars superior. Luna quippe in Scriptura sacra typum gerit Ecclesiæ quæ et defectum suæ mortalitatis ex originis necessitate tolerat, et tamen in medio nationis pravæ et perversæ, pro modo intelligentiæ suæ, humanæ ignorantiae noctem illuminat. Huic innovatæ et cum Christo suscitatae, per Apostolum dicitur: « Quæ sursum sunt quærite, quæ sursum sunt sapite, non quæ super terram (*Coloss. iii*). » Hoc nobis Paschali mysterio insinuatur, hoc lunæ Paschali tempore inferius delicitis, et superiorius crescentis figura commendatur, ut a tempore innovationis nostræ semper in appetitu terrenorum noster amor minuatur, et supernorum desiderio quotidianis profectibus augeatur. Tunc ergo verum Pascha celebramus, si quod rerum et temporum mysteriis significamus, vita et moribus semper teneamus. Idcirco sanctum Pascha in albis vestibus septem diebus celebramus, ut munditiam corporis et lætitiam resurrectionis semper habere moneamur. Unde per Sapientiam dicitur: « Omni tempore sint vestimenta tua alba, et oleum de capite tuo nunquam deficiat (*Eccle. ix*). » Quod est dicere: Nunquam munditia a corpore, lætitia spiritualis absit a corde. Hoc idem significabatur, cum Judaicus populus post esum agni, septem diebus azymis vescebatur (*Exod. xxii*). Quod Apostolus in re significata ita interpretatur: « Ex- purgate vetus fermentum, ut sitis nova conspersio, sicut estis azymi. Etenim Pascha nostrum immolatus est Christus (*I Cor. v*). » Ac si dicat: Ut ad celebrandum verum Pascha et edendam carpem veri Agni et immaculati sitis idonei, expurgate vetus fermentum, id est, tollite vetus peccatum, ut sitis nova conspersio, id est, novitatem vitæ novæ recuperetis, quam in lavacro sancto accepistis. Cum enim populus ad fidem veniens catechizatur, quasi molitur: quia, sicut diversitas granorum per molam in unitatem cogitur, sic diversitas populorum per instru-

ctionem fidei in quamdam unanimitatem adunatur. Sed nondum est conspersio. Accedit aqua, et fit panis. Sic in alio loco dicit Apostolus : « Unus panis, unum corpus sumus in Christo, quicunque de pane ejus edimus, et de calice ejus bibimus (I Cor. x). » — « Itaque epulemur, non in fermento veterem, neque in fermento malitia et nequitia, sed in aymis sinceritatis et veritatis (I Cor. v). » Ac si dicat : Quia verus est Agnus, quem epulamur, sic ad carnem ejus edendam accedamus, ut cor mundum a malitia, et linguam immunem conservemus a fallacia. Ita enim tanquam panis suavis in Christi corpus transibimus, et Christum nobis incorporabimus, ut Christum in nobis manentem semper habeamus; **297** et ita non tantum septem diebus, sed omni tempore verum Pascha celebremus, id est, ut de imis ad summa cœlorum gaudia toto desiderio transeamus.

### SERMO XIX.

#### *In Ascensione Domini.*

Hodie, fratres, victoria Christi completa est, hodie triumphalia vexilla ejus eriguntur : de spoliacione sua dolet cum principe suo tartarus ; de restaurazione damni sui gaudet cœlestis exercitus. Hodie caro illa quæ de terris sublevata est, ad dexteram Patris collocata est, quia omni creaturæ prælata est, et omnis principatus et potestas ante eam incurvata est. Hodie via nova, de qua dicit Apostolus (*Hebr. x*), nobis initia est, quia per carnem Christi aditus cœli per quem nulla prius caro transierat, reseratus est : quam adhuc viventem idem Apostolus dicit (*ibid.*), quia membris Christi suo tempore per eamdem intraturis præparata est : hodie aperio libri perfecta est, quem nemo potuit aperire, nisi Agnus ille qui occisus est (*Apoc. v*), quoniam sacramenta ejus revelata sunt, cum ea quæ in lege et prophetis inveniuntur de Christo, consummata dispensatione humanitatis ejus, hodie completa sunt. Descendit primo Christus, ut nostræ particeps fieret naturæ : postremo ascendit, ut suæ nos participes faceret gloriae ; descendens, temporali conversatione et visibiliibus miraculis quasi lactavit infantes ; ascendens, dedit dona hominibus. Quibus erudit, et quasi in virile robur educati, jam temporalem ejus visionem non appeterent : sed quo eos præcesserat, toto euna desiderio sequi studebant. Quia igitur temporali ejus præsentia viduati sumus, ad æternam ejus visionem tota intentione festinemus; dicamus ei ex voce Psalmistæ : « Tibi dixit cor meum : Quæsivi vultum tuum, Domine, requiram, ne avertas faciem tuam a me (*Psal. xxvi*). » Tota enim dispensatio humanitatis Christi nihil aliud intendit, nihil aliud fecit, nisi ut intentionem nostram ad superna dirigeret, et expleto tempore nostræ mortalitatis, ad manifestam visionem sui perduceret, per ductos æterna vultus sui gloria satiaret, quia, testante Apostolo, « videbimus eum sicuti est (*I Joan. iii*). » Unde Psalmista : « Satiabor, cum manifestabitur gloria tua (*Psal. xvi*). » Hæc sunt bona Jerusa-

A lem quæ oculus non vidit, nec auris audivit, nec in cor hominis ascenderunt, quæ præparavit Deus his qui diligunt eum (*I Cor. ii*). Haec bona quantum potuit in ænigmate contuebatur Psalmista, cum dicret : « Quid enim mihi est in cœlo, et a te quid volui super terram ? » (*Psal. lxxii*.) Admirando dicit : Quid mihi est in cœlo ? quia cœlestis gloria magnitudinem nec dicendo explicare, nec cogitando sufficiebat comprehendere. Haec ergo esuriamus, hæc sitiamus, quoniam ad hoc pontifex summus pro nobis præcursor in vera Sancta sanctorum, ad dexteram scilicet Patris, ascendit, ut spem membrorum suorum confirmaret, eo secuturam gregis humilitatem, quæ suum credit præcessisse pastorem. Sic enim ipse Dominus promittit discipulis : « Ubis fuerit corpus, ibi congregabuntur et aquilæ (*Luz. xvii*; *Matt. xxiv*). » Aquilas vocat sanctos, qui cupiunt dissolvi et esse cum Christo (*Philipp. iii*). Fertur enim natura esse aquilarum, ultra mare odoratu suo cadavera sentire, et eo celeri volatu suo ad saturandum esurium suam festinare. Haec ergo esuries aquilarum, desiderium significat sanctarum animarum, quæ caput suum extra mundi turbines in summa quiete locatum, fidei naribus sentientes, speci volatu præsentiaz Conditoris vellent assistere, et satietate vultus ejus sine fine gaudere. Hæc quippe hujus solemnitatis est ratio, ut Christum ad dexteram Patris jam regnare credamus, et interim eum quasi geminis virtutum alis, charitatis scilicet et spei, subsequamur, ut, cum tradiderit regnum Deo et Patri, cum eo sine fine regnemus. Igitur secundum quod hortatur Psalmista, « quia Dominus regnavit, exsultet terra (*Psal. xcvi*) », id est, Ecclesia exsultet in fide, quoniam tu, Dominus altissimus super omnem terram, nimis exaltatus es super omnes deos (*ibid.*), exsultet in spe, quoniam replebimur in bonis domus tuæ (*Psal. lxiv*). Exclamemus ex medullis cordis cum Apostolo : « Quis nos separabit a charitate Christi ? tribulatio ? an angustia ? an famæ ? an nuditas ? an gladius ? » (*Rom. viii*.) Cum enim de spe produxerit nos ad speciem, erit Deus omnia in omnibus (*I Cor. xv*) : ipse cibus et potus, ipse vestitus et omnia, quæ honeste cogitari et desiderari possunt ab omnibus. Hoc donatum Christi milites concupiscant, et militiam suam non deserant, donec haereditatem immarcescibilem ab imperatore suo, completo agone, percipiant.

### SERMO XX.

#### *In die sancto Pentecostes.*

Dies Pentecostes sacratus est in lege, et in Evangelio. In lege, quia die quinquagesimo a die quo Ægyptus spoliata est, in tabulis lapideis digito Dei scripta, populo Dei in monte Sinai data est (*Exod. xix*) ; in Evangelio, quia die quinquagesimo a die quo infernus spoliatus est, lex charitatis in tabulis cordis carnalibus populo Nazareno spiritu Dei scripta est (*Act. ii*). Unde dicit Apostolus : « Charitas Dei diffusa est in cordibus nostris per Spiritum sanctum, qui datus est nobis (*Rom. v*). » Sed illa qui

dem in servitatem data est, hæc autem in libertatem. De illa dicit Apostolus : « Unum quidem Testamentum, quod est in monte Sina, in servitatem generans (*Gal. iv.*). » De ista autem : « Ubi Spiritus Domini, ibi libertas (*II Cor. iii.*). » Et alio loco : « Non enim accepistis spiritum servitutis iterum in timore, sed spiritum adoptionis filiorum, in quo clamamus, Abba, Pater (*Rom. viii.*). » Sub hac significatione antiquus Hebreorum populus anno quinquagesimo, qui jubileus appellabatur, ab omni opere servili vacabat, et his qui annis retroactis sub servitutis jugo servierant, libertatem dare consueverant. Septenarius enim septies ductus, quadraginta novem facit, et ut quinquagenarius fiat, unitas superadditur in quadraginta novem, quia a septenario non recedit temporum volubilitas in unitate quæ sequitur, tempore succedens significatur æternitas, in qua vera dabitur libertas. Congruë ergo quinquagesimo die Spiritum sanctum accepimus : quia sicut post hujus temporis decursum, a servitute corruptionis hujus in libertatem gloriæ filiorum Dei liberandi sumus, sic isto die ipsum Spiritum sanctum æternæ hæreditatis et veræ libertatis pignus accepimus (*Rom. viii.*). Hinc est etiam, quod decimo die post Ascensionem Domini, missus est idem Spiritus sanctus quia in mercedem denarius promittitur operariis, perseveranter in vinea Domini laborantibus. Igitur quia temerarium est, aliquid definire de ineffabili ejus essentia, dicamus **298** aliqua, quæ ipse Spiritus donaverit de mirabili et amabili ejus efficientia. Hic Spiritus sanctus gratiarum distributor est, hic cogitationum et intentionum cordis discretor est, hic secessorum divinorum revelator est. Spiritus enim scrutatur omnia etiam profunda Dei : et sicut nemo ea novit, quæ sunt in homine, nisi spiritus hominis qui est in homine : ita nemo novit quæ Dei sunt, nisi Spiritus Dei (*I Cor. ii.*). Hic digna postulantibus piis supplicandi præbet affectum, et apud eum qui pia vota intuetur, velocem obtinere donat effectum. Hic peccatoribus inspirat poenitentiam, hic impenitentium peccata detinet, hic poenitentium peccata delet. Sic enim Dominus dicit ad discipulos : « Accipite Spiritum sanctum : quorum remiseritis peccata, remittuntur eis ; et quorum retinueritis, retenta sunt (*Joan. x.*). » Hic conversos ad iter justitiae facit per timorem humiles, per pietatem mites, per scientiam lugentes, per amorem justitiae fortes, per consilium misericordes, per intellectum mundi cordis, per sapientiam contemplantes, per tolerantiam persecutionum patientes, quibus Dominus regnum cœlorum repermittit, quoniam quos timor inchoat, septimo gradu perficit sapientia, in octava, tanquam in vero jubilæo, literat et coronat patientia. Ad hujus perfectionis apicem, apostolorum principem provexit hodierna die Spiritus sanctus, ut qui in passione Domini unius ancillæ voce exhorruerat (*Math. xvi.*), iam perfidam Judæorum multitudinem prophetico testimonio manifeste confutare non timeat (*Act. ii.*). Talem reddidit Thomam, ut qui resuscitati Salva-

A toris dubitando palpandas postulaverat cicatrices (*Joan. xx.*), post collatam gratiam Spiritus sancti, facta divisione apostolorum, confidenter Evangelium prædicaturus mittatur ad gentes. Tales per eamdem gratiam effecti sunt Christi discipuli, ut qui, relicto Domino in tempore passionis, præ timore latuerant (*Marc. xiv.*), de cætero gaudentes irent a conspectu concilii, quoniam digni habili erant pro nomine Jesu contumeliam pati (*Act. v.*). Tam velox et efficax doctor demonstratus est hodie Spiritus sanctus, ut idiotarum corda uno momento erudiret ad scientiam, et eorumdem linguis formaret ad omnem linguarum facundiam (*Act. ii.*). Ut etiam attendamus, quantus opifex sit iste Spiritus sanctus, audiamus Apostolum dicentem : « Unicuique datur manifesta gratia Spiritus ad utilitatem : alii quidem per Spiritum datur sermo sapientiæ, alii sermo scientiæ secundum eundem Spiritum, alteri fides in eodem Spiritu, alii gratia sanitatum in uno Spiritu, alii operatio virtutum, alii prophetia, alii discretio spirituum, alii gratia linguarum, alii interpretatio sermonum. Hæc omnia operatur unus atque idem Spiritus, dividens singulis prout vult (*I Cor. xii.*). » Iste Spiritus sanctus, qui Patris et Filii unus est Spiritus, a Patre procedit et a Filio, et ad corda credentium pariter mittitur et a Patre et a Filio. Unde et Dominus dicit in Evangelio : « Cum venerit Spiritus veritatis, qui a Patre procedit, ille vos docebit omnem veritatem. Ille me clarificabit, quia de meo accipiet, et annuntiabit vobis (*Joan. xv.*). » Hæc verba ita interpretatur Didymus, illustrum virorum titulo clausus : Inseparabilis est Spiritus a mea et Patris voluntate : et amplius : quia non ex se est, sed ex Patre et me est. Hoc enim ipsum quod subsistit et loquitur, a Patre et a me illi est. Quid est ergo, Spiritum sanctum a Patre Filioque subsistere, nisi eundem Spiritum a Patre Filioque procedere ? Unde et in sequentibus dicit : Consensus significatio est Spiritus sanctus, qui est Spiritus veritatis, Spiritusque sapientiæ. Non potes audire Filio loquente quæ nescit, cum ipsum sit quod profertur a Filio, id est, procedens Deus de Deo, Spiritus veritatis procedens a veritate, consolator manans de consolatore. Hæc adversus hæresim quorundam Græcorum, Græci auctoris auctoritate protulimus, qui dicunt Spiritum sanctum a solo Patre procedere, ne quis Latinorum omnes Græcos hoc errore infatuatos arbitretur, et eorum auctoritati innitens, sal infatuatum esse meratur. Idem in symbolo Ephesini concilii, quod Græcorum suisse constat, manifeste his verbis astruitur : Quamvis in sua substantia sit spiritus Filii, et intelligatur in persona proprietas, juxta id quod Spiritus est, et non Filius, non est tamen alienus ab ipso. Nam spiritus appellatur veritatis, et veritas Christus est (*Joan. xiv.*). Unde et ab ipso similiter sicut a Deo Patre procedit. Denique hic ipse Spiritus etiam per sanctorum manus apostolorum miracula gloria perficiens glorificavit Dominum Jesum Christum, postquam ascendit in cœlum. Præ-

terea sicut Filius appellatus est manus Dei Patris, non quod ei sit aliqua cum maiestate Patris inæquilitas, sed propter substantiæ identitatem, et propter manifestam operum exhibitionem : ita Spiritus sanctus appellatus est digitus Dei propter eam, quam habet cum Patre et Filio, substantiæ unitatem, et manifestam charismatum distributionem : quia per manum, in unitate corporis existentem, fieri solet operatio : et per digitum in unitate manus manentem, suis tamen articulis distinctum, solet notari discretio. Cum vero per verba aliunde translata, aliqua nominatur in divinitate persona, non usque quaque earum natura rerum de quibus haec translata sunt, divinitate est arroganda, sed illæ tantum causæ attendendæ sunt, propter quas res corporeæ rebus incorporeis assimilari possunt : quia omnis humana vox nihil potest aliud dicere, nisi corporalia ; et Trinitas, de qua nunc nobis sermo est, omnes materiales substantias superat : idcirco nullum verbum potest ei proprie aptari, et ejus proprie et digne intimare substantiam. Et quia ipse Spiritus charismatum distributor est, invocemus ipsum Paracletum, cuius hodie solemnitatem colimus, cuius hodie dona filiis collata mirainur, ut augeat in nobis fidem, & latet charitatem, confirmet spem, et cætera virtutum charismata, quæ nobis in hac peregrinatione sunt necessaria, cooperante Patre et Filio, cum quibus idem Paracletus vivit et regnat per æterna sæcula. Amen.

## SERMO XXI.

*De cathedra S. Petri.*

Non inconvenienter, fratres, iste Psalmi versiculos olim divino præsagio decantatus, hodiernæ celebritatis tripudio interponitur, in qua beatus in episcopali cathedra collocatur. Videtur enim beato Petro debere coaptari, quem in sede judicaria protestantur hodierna Ecclesiarum obsequia sublimatum. Ait enim David sanctus, spiritu quoque sancto præventus : « Exaltet eum in ecclesia plebis, et in cathedra seniorum laudent eum (*Psal. cxvi.*). » Hodie siquidem et in ecclesia plebis Petrus exaltatur, **299** et in cathedra seniorum laudatur, quoniam et in Ecclesia in qua populus acquisitionis convenit, constitutus post Domum primicerius, et in cathedra seniorum collaudatur episcopus. Hæc etenim hodiernæ festivitatis sacra institutio, quando episcopalis sedis honoratus est magisterio. Hodie, fratres, beatus Petrus Antiochenæ Ecclesiæ episcopus ordinatur, hodie plebi, quam ipsem Deo acquisivit, pastor præficitur. Hodie etiam in beati Petri ordinatione sancta Ecclesia exaltata est, quoniam et ipse promovetur, cui specialiter a Domino ipsa talibus alloquii commissa est : « Tu es Petrus, et super hanc Petram ædificabo Ecclesiam meam (*Matth. xvi.*). » Felix vocabuli denuntiatio, ut a Petra de qua scriptum est, « Petra autem erat Christus (*I Cor. x.*) », Petrus denominetur, nominis Christi participatione decoretur, ipso Christo sibi nomen imponente, ut Petrus sit, et Petrus vo-

A cetur. Super hanc etiam petram Dominus Ecclesiam suam ædificandam providit, quatenus cuius fiduci confessio pro sui soliditate Petræ comparanda erat, nominis etiam sui applaudenter appellationi. Non ergo ambitione humana, ut in talibus assolet, Petrus episcopalem hodie sortitur cathedram, non muneribus primos occupat recubitus, non ingerit se pomposis cervicalibus. Ipso Deo Dei Filio auctante, Petrus eruditur; carnis et sanguinis ab eo doctrina removetur; Patris, qui in cœlis est, efficacissima revelatio exhibetur, cuius instinctu veridico intonuit Petrus : « Tu es, inquit, Filius Dei vivi (*Matth. xvi.*). » O jucunda regis et militis confabulatio, in qua miles regem suum, Regis æterni Filium confitetur : Rex vero vicissitudine reciproca militem suum a carnalibus disciplinis sequstratum, Patris sui tantummodo discipulum attestatur, dignis etiam stipendiis remunerandum arbitratur, quatenus sic adjiciens subinferat : « Tibi dabo claves regni cœlorum (*ibid.*). » O revera beatus cœli janitor, cui non tantum claves regni cœlorum commissæ sunt, sed etiam areanorum cœli consilia concedita sunt ! Ligandi atque solvendi licentia potestativo persungitur privilegio, atque ovilis Dominici cura ipsius mancipatur arbitrio. Ita enim speciali familiaritate ad eum dicit Dominus : « Quodcumque ligaveris super terram, erit ligatum et in cœlis : et quodcumque solveris super terram, erit solutum et in cœlis (*ibid.*). »

C Non ergo repentina fautorum acclamatione, sed provida Dei dispensatione Ecclesiarum excubis deputatus est Petrus generali sanctione, hodie quoque Antiochiae assumitur peculiari familiaritate. Quem ovibus suis Deus pastorem præfecerat generalem, plebs Antiochena hodie sibi collocat pontificem generalem. Nec tamen Dei nutibus populus Antiochenus obviare contendit, sed opportuna importunitate Dei vicarium honorare satagit. A pontificum pontifice jamdudum Petrus ordinatus erat, oleum cœsulationis Christi manu infundere per Spiritus sancti † debriationem [derivationem] suscepit, negotii sui ministerium sibi injunctum jamdiu exercuerat, needum tamen aliquo in loco proprie deputatus fuerat. Hodie ergo de totius orbis amplitudine asciscitur, quibus proprie præsit et præsedit : hodie populis prærogatur. Nec tamen curæ amplitudo propterea decurtatur, sed apostolatus sui sollicitudo duplíciter dilatatur. Adsunt enim præsentium ovium balatus, qui eum quotidiani profectibus sollicitent, nec sibi desunt fraternali dilectionis præcordia, in fines etiam orbis terrarum pertingentia, quæ eum defatigent. Sed futurum est tibi, futurum est, inquam, civitas Antiochena, ut adhuc Petrus de sede ad sedem demutetur, ut necessitate et utilitate populorum exigente, alias [alios] transportetur. Nec poteris habere proprium, quem sancta Ecclesia in commune suscepit ministerium. Fratrum ergo dispersioni charitable communicâ, et quem charis amplexibus tibi obligasti,

aliquantulum relaxa. Dilige proximum tuum sicut teipsum (*Matth. v.*), et aequanimiter Petrum tolerabis ad alium destinari presulatum. Interea urbs beata, de Petri gloriare praesentia, piis eum demulce obsequiis, inviscera eum tibi responsionibus obedientiæ devotissimis, præcordialem Dei amicum, quibus potes delibutionibus tibimet concilia: conviviis atque ejus sermonibus participa futuræque tuae ruditati circumspectius invigila. Multos opima degravavit securitas, et quoniam in hodierna confidunt opulentia, de crastina non satis sollicitantur penuria. Non neverunt sibi prospicere de crastino, qui totam spem desixerunt in tempore hodierno. Tu autem, Antiochia, de beati Petri praesenti affabilitate congaude, ipsius colloquio tanquam in omni divitiarum affluentia perfruere, deque futura sui absentia tibi circumspice. Domini vacat, materna suge ubera: interroga (*Deut. xxiii*) patrem tuum, et annuntiabit tibi; majorem tuum, et dicet tibi: Hodie apostolorum principem tibi delegisti sacerdotem, hodie coeli janitorem in thronizasti pontificem. O admirabilis in singulis Dei dispensatio, o divinæ dispensationis admiranda discretio! Quid dicam, fratres? Vadam quo me ducit impetus spiritus? Eloquar, an sileam? Eloqui tamen melius censemus quam silere, quoniam et silere, quasi aliiquid esset de beati Petri laudibus defraudare. Dicit de se in quodam loco Dominus: « Ego sum ostium. Per me si quis introierit, salvabitur (*Joan. x.*). » Si ostium equidem Dominus constetur, per se introeuntibus salutem pollicetur: et tamen ad Petrum ita exorditur: « Tibi, inquit, dabo claves regni cœlorum. » Jam videre potestis, fratres charissimi, et videtis quid vester exprimere gestiat affectus, sed præ abundantia spiritus totum quod voluto, efferre non valeo. Ita enim persæpit ut, præ abundantis lætitiae vel tristitia cumulo, verborum sufficientia desit spiritui, cum ipse spiritus nondum discreverit cui potius debeat cedere parti: fitque in abundantia spiritus error quam maximus, tanquam si cuilibet avaro multimodæ apponantur divitiae. Ipse siquidem præ alacritate nimia hæsitat, quid prius rapiat: et dum anhelat ad singula, manum porrigit ad omnia. Ita et nos: impedit nos super tanto ac tali mysterio cogitationum multiplicitas, sed tamen Deo prosperante expediet nos orationum vestrarum officiositas. Nostis, fratres charissimi, quoniam ostio sera et claves apponuntur, quibus jubentibus [*forte juvantibus*] ejusdem ostii valvae reserantur et clauduntur. Ostii etiam ostiarii addicuntur, ad quorum suggestionem penetralium Domini, de ostiorum, ut libet, commoditate præloquuntur. Ergo quandoquidem Christus, sicut ait, ostium est, Petrus vero clavicarius est. Quid aliud, quam ostii hujus Petrus ostiarius est, ut quodammodo per Petri vicillationem, in ipsum, qui ostium est, habeamus introgressiōnem? De numero apostolico, sacerdotali **300** coagulatur collegio, ut altius aliquid admireris in

A Petri sacerdotio, quam (si dici liceat) in apostoli vocabulo. Dicitur de Christo: « Tu es sacerdos in æternum secundum ordinem Melchisedech (*Psal. cix.*). » Non dicitur quod sit apostolus, etsi fuerit ab angelis minoratus, sed quod fuerit sacerdos authentica voce conclamatur. Factus est ergo Petrus apostolus, quod non factus est Christus: sacerdos quoque adoptatus est, quod et erat Dominus! Factus est Christi consacerdos et cohæres, nec factus est coapostolus. Forsitan tamen et Christus vocari posset apostolus, sed ipse Patris, Petrus vero apostolus Christi (*Hebr. iii.*). Videtur quoque hodiernæ festivitatē consonare illud Sapientis præconium: « Ecce sacerdos magnus qui in diebus suis placuit Deo, et inventus est justus (*Ecli. l.*). » Iste B siquidem præter Christum sacerdotum opinatissimus [optatissimus], Deo in diebus suis sacerdos acceptatissimus, justitiae insignis titulus, totum vitæ suæ cursum Christi dedicavit obsequio. Voluntarie Deo sacrificavit, super ovile sibi creditum competenter invigilavit, pedetentim quos potuit cœlorum civibus inviceravit, triticum Domini sui cautissime ad usuram erogavit. In amore Dei ferventissimus, in fidei assertione robustissimus, in proximi dilectione accommodatissimus, in terris cœlibem ducebatur vitam. Denique in miraculis erat copiosissimus, quatenus in plateis ponerentur infirmi in lectulis, ut, veniente Petro, saltem umbra illius obumbraret quemquam illorum, et liberarentur ab infirmitatibus suis (*Act. iii.*). Spiritus sancti gratia in tantum ei linguae suppeditarat facundiam, ut ante reges et præsides nec quid loqueretur excogitaret, nec quod disertissime loqueretur aliquando decesset. Ab inescatione piscium ad capturam translatus hominum, fidei retia vagabundis hujus processi mundi piscibus obtendebat. Hodie quoque summi Dei sacerdos effectus per odoriferi thuris et thymiamatis concremationem summo Sacerdotum gratarter et jucunde est acceptus. Immolavit seipsum hostiam vivam in odorem suavitatis, et Altissimo accuratissime vota sua reddidit. Quocirca benedictionem omnium gentium dedit illi Dominus, et testamentum suum confirmavit super caput ipsius. Ideo quoque stabilita sunt bona illius C in Domino, et enarrabit eleemosynas omnis Ecclesia sanctorum. « Beatus » ergo « quem elegisti et assumpsisti, Domine, » ecce enim tripudians « habitabit in atriis tuis (*Psal. lxv.*). » Nulli ergo sanctorum beatum Petrum erejo secundum, quem Sanctus sanctorum in fundamento suarum collocavit Ecclesiarum, et exaltavit in specula suarum ovium altissimum. Nemo coapostolorum in amore sui Jesu fervidior, nemo in ipsa traditionis desperatione fuit animosior. Promotus est a navicula sua Petrus, hodie in cathedra non pestilentiae (*Psal. i.*), non columbas vendentium (*Matth. xxi.*), sed episcopali collocatus, ut sedeat cum principibus, et solium gloriae teneat (*I Reg. ii.*). Statuit ei Dominus testamentum pacis, ut fungeretur sacerdotio, et offer-

ret illi incensum dignum in odorem suavissimum. Agite ergo, pontifices, qui beati Petri residetis in loco, quos episcopalibus sublimavit præpositio: considerate quem imitamini; de eis dignitate gloriamini, ne cura commissa abuti videamini. Non sit vobis ad jactantiae supercilium vocitari pontifices, sed velitis et desiderate esse pontifices. Qui enim episcopatum desiderat, bonum opus desiderat (*I Tim.* iii). Operamini ergo quod competit; quod gregem Domini vobis commissum secundando confoveat, ne forte cum aliis prædicaveritis, ipsi reprobi efficiamini (*Cor.* ix). Vos quoque reliqui sacerdotes, inferiores domus Domini mansiunculæ, quorum labia custodiunt scientiam: Angeli enim Domini exercituum estis, lex siquidem requiritur ex ore vestro (*Malach.* ii), qui peccata populi Domini comeditis (*Ose.* iv), tandem expurgescimini, et quamvis non sitis, juxta distinctionis momenta, pontifices, tamen recolite vos Petri consacerdotes. State ergo in gradu vestro, succincti lumbos viriliter, et sequimini Petrum sacerdotem magnum efficaciter. Quod enim hodie insula decoratus sacerdotali collocatur in cathedra, magisterii vestri humilitatem sustollit, judicariæ vestræ potestatis deliberativam corroborat discretiōnem, et totius vestri officii exornat dignitatem. Vos quoque pro capacitatem vestra Dei cooperari et coadjutores estis, instar Petri sacerdotium suscepistis. Mundamini igitur, qui fertis vasa Domini (*Isa.* lii). Si manus vestræ tetigerunt aliquod morticinium, lavate manus, mandate conscientias, ne de sordium iniquarum inquisitionibus vasa Domini sordescant, et pro negligentia vestris cum suis portionibus ipsa vasa displiceant. Habetis beatum Petrum sanctitatis exemplar, munditiae formam, totius strenuitatis normam, qui precum vestiarum eulogias et vota Deo nostro gratificet, oblationibusque suis nos omnes ei commendet, qui vivit et regnat Deus per omnia saecula saeculorum. Amen.

## SERMO XXII.

### *De Oratione Dominice.*

Duo sunt, charissimi, quæ principaliter attendere debet humana circumspectio: dignitatem suæ conditionis, et excellētiā suæ reformationis. Dignitatem suæ conditionis, ut peccare timeat; excellētiā redēptionis, ut gratiæ redimenti ingratis non existat. Sola quippe voluntate Conditoris homo de terræ vilitate sublatus est, et ad Dei similitudinem privilegio rationis sublimatus est. Hanc miser homo perdidit, cum diabolica persuasione seductus a Conditoris sui instituto superbiendo recessit; quem lapsum Psalmista considerans quasi condolendo dicebat: « Homo cum in honore esset non intellexit, comparatus est jumentis insipientibus, et similis factus est illis (*Psal.* xviii). » De summa erectione proprio arbitrio corruens merito ultima dejectione damnatus est: qui per se cadere potuit, sed per se resurgere non va-

luit. Hunc casum plangere habet quotidianis lamentis humana fragilitas, quatenus eo redeat per quotidiana lamenta, unde corruit per vanam oblectamenta: et quæ cecidit pede superbiz, resurgere studeat pede obedientiaz. Hoc attendens Psalmista dicebat: « Non veniat mihi pes superbiz. Ibi ceciderunt qui operantur iniquitatem: expulsi sunt nec potuerunt stare (*Psal.* xxxv). » Expulsi sunt ab intima quiete: nec potuerunt stare, id est, per se redire. Sicut per eundem Psalmistam de eisdem dicitur: « Quia caro sunt, spiritus vadens et non rediens (*Psal.* lxxvii). » Ad hanc ergo reversiōnem sive resurrectionem necessaria fuit et medicinalis gratia Redemptoris, quæ sanaret humiliitate quod corruptam fuerat elatione superbiz.

**C**Assumpsit igitur Verbum Dei formam servi (*P̄kliipp.* ii), in qua posset conservos verbo instruere, **301** et ad exemplum vitæ suæ, morum disciplina informare. Humilitatem quippe et obedientiam verbo et exemplo insinuabat, quando discipulos exhortando dicebat: « Tollite jugum meum super vos, et discite a me, quia misericordia mea est et humilis corde. Jugum enim meum suave est, et onus meum leve (*Matth.* xi). » Jugum enim ejus obedientiaz merito est suave, cui servire est regnare, et onus præceptorum leve, quod non premendo gravat, sed ad implendum per gratiam adjuvat. Insinuavit etiam verbo sobrietatem, ubi dixit: « Non graventur corda vestra in crapula et ebrietate (*Luc.* xxi); » docuit exemplo, qui turbam se comitantem non reficit sumptuosis dæcūis, sed panibus hordeaceis (*Joan.* vi); » docuit intentionem nostram ad interna bona dirigens qualiter esset jejunandum, quando dixit: « Cum jejunatis, nolite fieri sicut hypocrita tristes (*Matth.* vi); » illos notans qui luctuosis sordibus rigorem simulant abstinentiæ, ut videantur hominibus jejunantes. Qualiter etiam facienda sit eleemosyna silentio noluit præterire, ubi dixit: « Cum facis eleemosynam, nesciat sinistra tua quid faciat dextera tua (*ibid.*), » hoc documento insinuans quia eleemosynam et omne opus misericordiaz quod facimus non venando laudes hominum, sed intentione vitæ æternæ, quæ per dexteram significatur, facere admonemur. Qualiter quoque esset orandum admonuit, ubi ait: « Tu autem cum oraveris, intra in cubiculum (*ibid.*), » id est, habebo cor quietum, et ab omni tumultu exercitorum liberum: et clauso ostio, id est exclusa phantasmatum turba, ora Patrem tuum.

Ecce dictum est qualiter sit orandum; addit etiam quod sit orandum, ita subjungens: « Sic autem orabitis: Pater noster (*ibid.*), » etc. Hæc oratio compendiosis verbis, id est, septem petitionibus omnes species orationis comprehendit, quibus Deum interpellamus, aut pro appetendis bonis, aut pro vitianis malis, aut pro delendis commissis: harum septem petitionum tres prius positæ pertinent ad æternitatem, quatuor sequentes ad vitæ præsentis necessitatem; nam nominis Dei sanctificatio et adventus ejus, quo in claritate venturus est et completio ro-

Iunatis ejus sicut in celo et in terra, sive justos et peccatores, sive animam et corpus, sive Christum et Ecclesiam intelligamus; quamvis ab humili adventu Christi exordium sumant, tamen nonnisi saeculi terminatione complebuntur et omnia tria in aeternum manebunt. Relique autem quatuor ad hanc vitam temporalem pertinere videntur, quia et panis quotidianus, id est spiritualis, licet sit sempiternus, ad hoc tamen tempus pertinet in quantum ministratur animae quibusdam signis, id est dictis vel scriptis, et ideo panis dicitur quia laborando et disserendo discitur, et ita quasi mandendo glutitur. Nunc quoque peccata dimittuntur nobis et nos dimittimus aliis, quae est inter quatuor secunda portio [petitio *babet Petavianus codex*]. Et nunc temptationes vitam nostram infestant, et ipsa liberatio a malo ad hanc vitam pertinet, quia Dei justitia mortem incurritus; unde ipsius misericordia liberandi sumus: quae cum ita sint ipsearum petitionem verba diligentius pertractanda sunt, ut intellecta et majorem generent cordis affectum, et quod petitur ad velociorem perducatur effectum. Dicamus ergo « Pater noster, » cui non timore sed amore famulamur: non hoc populo priori dictum est ut patrem oraret, sed Dominus insinuatus est eis cui non filiali obediebant amore, sed servi subjiciebant timore. Admonentur autem hoc verbo divites et nobiles cum Christiani facti fuerint, quatenus se non extollant adversus pauperes et ignobiles, quoniam simul dicunt « Pater noster: » quod vere ac pie dicere non possunt nisi se fratres eas cognoscant; hoc ergo nomine et charitas excitatur, quia filii nihil charius debet esse quam pater, et supplex affectus, cum homines dicunt « Pater noster, » et quedam impetrandi praesumptio quod petitur cum etiam ante petitionem tam magnum donum acceperimus ut possimus dicere « Pater noster: » quid enim jam non det filii patientibus pater, qui jam hoc ipsum dedit ut essent filii? postremo quanta cura animatum ejus tangit, qui dicit Pater noster, ut tanto Patre non sit indignus: utatur ergo populus Novi Testamenti voce, populus novus ad aeternitatem vocatus « Pater noster. » Oratio fraterna est, non dicit pater meus tanquam per se tantum orans, sed pater noster: omnes videbilet una oratione complectens qui se in Christo fratres esse cognoscunt: « qui habitas in celis, » id est in his quorum conversatio est in celis: et accommodatissima est ista similitudo ut tantum spiritualiter distare credatur inter justum et peccatorem, quantum distat corporaliter inter celum et terram: peccatori enim dictum est: Terra es et in terram ibis: cuius rei significandae gratia cum ad orationem stamus ad Orientem vertimur unde celum surgit: non ideo quod ibi sit Deus tanquam ceteris mundi partibus relictis, sed ut admoneatur animus ad excellentiorem naturam consurgere, id est ad Deum. Jam quod petendum sit attendamus. « Sanctificetur nomen tuum: » quod non sic petitur quasi non sit sanctum Dei nomen, sed ut sanctum habeatur ab ho-

A minibus et ita innotescat illis Deus, ut existimat aliquid sanctius non esse quo magis timeant eum offendere, quia nomen Dei sanctificare, est Deum timere, de quo dicitur: « Initium sapientiae timor Domini (Psal. cx); » et alibi: « Timor Domini sanctus permanens in saeculum saeculi (Matth. xviii). » Sequitur: « Adveniat regnum tuum, » id est, manifestetur mundo; sicut praesens lux absens est cæcis, ita Dei regnum, quamvis ubique sit, deest tamen ignorantibus: vel ita ut tu in nobis et nos in te, te donante regnemus; haec petitio ad pietatem pertinet, quæ est secundo gradu inter beatitudines: si enim pietas est qua beati sunt mites (Matth. v), petamus ut veniat regnum Dei in nos, id est, mitescamus et non resistamus. Sequitur: « Fiat voluntas tua sicut in celo et in terra, » id est, sicut in angelis ita et in hominibus, vel sicut in justis ita et in peccatoribus: vel ita consentiat caro tuæ voluntati sicut consentit spiritus.

B Hæc petitio ad scientiam pertinet quæ tertio gradu est inter beatitudines? nam si scientia est qua beati sunt qui lugent, oremus ut fiat voluntas Dei sicut in celo et in terra, id est, ut consentiat caro spiritui: quia non aliunde tantum dolere habet humana miseria quantum in quod caro concupiscit aduersus spiritum et spiritus aduersus carnem, ut cum Apostolo exclamare cogamur: « Infelix ego homo, quis me liberabit de corpore mortis hujus? » (Rom. vii.) Sequitur quarta petitio: « Panem nostrum quotidianum da nobis hodie; potest et simpliciter intelligi de cibo corporali et spiritualiter de pane divini verbi: si de corporali agitur, non extendit petitionem suam in longum iste orator: preceptum sequitur evangelicum, ubi dicitur: « Nolite cogitare in crastinum, crastinus enim dies ipse sibi cogabit (Matth. vi): » sic et beatus Apostolus monet, habentes victum et tegumentum his contenti simus. si vero spiritualiter accipiat panem istum, vel ipsum Christum intellige qui est supersubstantialis animæ panis, quia omnem superat substantiam qui de se ipso ait: « Ego sum panis vivus 302 qui de celo deseendi (Ivan. vi): » vel ipsum intellectum verbi divini qui nobis necessarius est ad resciendas ruinas animæ donec cognominatur hodie. Hæc petitio ad fortitudinem pertinet quæ quarto loco ponitur asoendentibus ad summam beatitudinem: si enim fortitudo est qua beati flunt qui esuriunt et sitiunt justitiam, orandum nobis est ut detur nobis panis iste quotidianus quo confortati ad illam perfectam saturitatem venire possimus. Sequitur: « Et dimitte nobis debita nostra. » Forte peccavit in te aliquis, dimittit illi veniam a te petenti, ne dum fratri negas misericordiam tibi cludas patris indulgentiam, dicente Jacobo apostolo: « Judicium Dei sine misericordia ei qui non fecit misericordiam (Jac. 1). » Petitio hæc refertur ad consilium, quod quinto loco ponitur inter gradus beatitudinum: si enim consilium est quo beati sunt misericordes, dimittamus debitoribus nostris debita sua, et sic ore-

mus ut dimittantur nobis debita, id est peccata nostra, propter quae differimur ab impetranda venia nisi eam acceleret fratribus facta indulgentia. Sequitur: « Et ne nos inducas in temptationem: » id est, ne patiaris nos induci, id est, a tentatore seduci. Hoc est ergo quod oramus, ut non permittat nos Deus tentari supra id quod possimus, sed faciat cum tentatione preventum ut possimus sustinere. Pothū hæc pertinet ad intellectum qui sexto loco ponitur in numero beatitudinum: si enim intellectus est quo beati sunt mundi cordes, id est qui purgatum habent oculum mentis terreno pulvere, oremus non induci in temptationem, id est, non habere duplex cor, sed unum et simplex appetere bonum.

Sequitur: « Sed libera nos a malo: » nimis in quo induci possimus, sed ab illo in quo inducti sumus: quo pacto nihil restabit lugendum. Huic petitioni congruit sapientia quæ septimum inter beatitudines obtinet locum: nam si sapientia est qua beati sunt pacifaci, id est, qui ordinatis motibus suis cogunt omnia servire spiritui, orandum est nobis ut liberemur a malo: ipsa enim liberatio liberos nos facit, id est, filios Dei ut spiritu adoptionis clamemus: Abba, Pater (*Rom. viii*). Amen autem in his omnibus petitionibus significat indubitanter a Domino conferri quod petitur, si ultimæ conditionis pactum firmiter teneatur. Hæc tria remediorum genera specialiter commendavit nobis cœlestis medicus, eleemosynam, videlicet, jejunium et orationem: Quibus tanquam medicinalibus antidotis possemus inveterata mala curare, præsentanea pellere, conservando salutem futura cavere. Et congrue tria sunt genera curationis, sicut præcedunt et tria genera corruptionis. Omne enim peccatum aut fit in anima per consensum pravæ suggestionis ad violandum Dei templum: aut fit male utendo corpore ad lædendum proximum, quod est facinorosum; aut fit male utendo corpore ad corrumpendum seipsum, quod est flagitiosum. Facinora enim licet per corpus flant, qualia sunt homicidia, rapinæ, furtæ, non tamen corpus facientis afficiunt vel corrumpunt, de quibus dicit Apostolus: « Omne peccatum quocunque fecerit homo extra corpus est (*I Cor. vi*); » flagitia vero et per corpus sunt, et corpus afficiunt et inficiunt, de quibus dicit Apostolus: « Qui autem fornicatur, in corpus suum peccat (*ibid.*): » merito ergo facinora quæ extra corpus sunt, eleemosyna tanquam exteriori purgantur medicina: quia sicut facinus nocuit proximo, sic eleemosyna, quæ extra nos est, et per corpus tamen datur prodesse debet proximo. Flagitia vero congrue medicinali mundantur parcimonia: quia sicut caro leta traxit ad culpar; sic afficta reducere debet ad veniam. Si qui vero sunt quibus haec medicamenta non congruant, ut vel eleemosynam dare non possint propter niuinam paupertatem, aut jejunare non possint propter stomachi imbecillitatem, habent tertium genus medicinæ, a quo se excusare non poterit

(2) Illic etiam serino primum emititur e ms. Biblioth. Regiae et Petaviane, et ex Soucheti veteri membrana.

A nisi qui morbos animæ sue sanare contemporit. Hoc ergo medicamentum, quod nulli sanæ menti desse potest, studiose et pie frequentemus, impletas illud præceptum apostolicum: « Sine intermissione orate (*I Thess. v*). » Hoc enim antidotum ita omnibus morbis occurrit, ut assiduatum morbos omnes depellat, et omnia corrupta integrati restituat, præstante Domino nostro Iesu Christo cui est honor et gloria in sæcula sæculorum. Amen.

### SERMO XXIII (2). De Symbolo apostolorum.

Notum est dilectioni vestre, quod milites seculari beneficia temporalia a temporalibus dominis accepturi, prius sacramentis militaribus obligantur, ei dominis suis fidem se servatuos profiterentur; quanto magis æternō regi militaturi, et æterna præmia præcepturi, debent sacramentis cœlestibus obligari, ei fidem, per quam ei placituri sunt, publice profiteri: dicit enim Apostolus: « Sine fide, impossibile est placere Deo (*Hebr. ii*). » Hanc in cordibus nostris agnoscit qui scrutatur renes et corda; sed propter conservandam Ecclesiæ unitatem, dispensationi hujus temporis cum fide cordis necessaria est eris confessio, quia « corde creditur ad justitiam: ore autem confessio fit ad salutem (*Rom. x*), » non tantum prædicatorum, sed etiam auditorum. Non enim aliter frater de fratre bene sentiret, nec pax Ecclesiæ servaret nec alium docere, aut ab alio disserere saluti necessaria posset, nisi quod in corde habet, signis vocum tanquam suis vehiculis ad aliorum corda transmitteret. Est ergo fides et corde servanda, ei ore pronenda: fides namque honorum omnium est fundamentum, humanæ salutis initium. Sine hac nemo ad numerum filiorum Dei poterit pervenire, quia sine ipsa in sæculo, nec justificationis consequitur gratiam: nec in futuro vitam possidebit æternam. Et si quis non ambulaverit per fidem, non perveniet ad speciem. Hoc attendentes sancti apostoli, certam fidei regulam tradiderunt, quam secundum numerum apostolicum duodecim sententiis comprehensam, symbolum vocaverunt, per quam credentes catholicam tenerent unitatem, et per quam hereticam convincerent pravitatem. Solent quippe sodales cum aliquem in sodalitum suum admittunt, symbolum dare, et ita initum fidei pactum confirmare. Ad hanc similitudinem sancti apostoli spirituale sodalitum inter se connectentes, hoc symbolum consecrunt, quo sodalitum eorum intrare cupientes, fidei commercio sibi colligarent, et sic cœlestis mensa participes secum efficerent. Dicat ergo quisque fidem apostolicam professus per ora gestantium in baptismo, cum ad annos intelligibiles venerit: « Credo in Deum; » et quod profitetur ore, meditetur corde. Non dicit credo Deum, vel credo Deo, quamvis et hæc saluti necessaria sint. Aliud enim est credere Deum, quia Deus est: et aliud credere Deo, quia verax est, quod, testante Jacobo apostolo, « et de-

mones credunt, et contremiscunt (*Jac. ii*) : » sed non credunt in Deum, quia credendo non moventur ut eant in ejus voluntatem. Non ergo prodest **303** eis spiritus timoris, quia non est in eis spiritus amoris. Nos vero qui per adoptionem gratiae tertiæ Dei sumus, dicamus : « Credo in Deum Patrem omnipotentem ; » hoc est, sic ei credamus, ut ei per dilectionem hæreamus. Patrem dicit qui ante tempora coæternum sibi genuit Filium : « Omnipotentem Creatorem cœli et terræ ; » id est, qui per omnipotentiam suam, conditor est et cœlestium et terrestrium ; id est visibilium et invisibilium, ut nemo dubitet Deum ita posse, quem audit omnia posse. Dicta sunt autem hæc adversus gentiles, qui per infidelitatem credebant deos esse simulacula quæ condiderant, relicto vero Deo a quo conditi erant. « Et in Jesum Christum Filium ejus unicum Dominum nostrum. » Sicut in Patrem, sic et in Filium credendum est. Et quia cum Patre æqualis maiestate est, tantum ipsi, quantum et Patri honoris debemus. Jesus autem *Salvator* interpretatur : « Christus a chrismate dicitur; quia sicut antiqui reges oleo sacro perfundebantur, ita Dominus noster Jesus Christus Spiritus sancti infusione repletus est : ostendunt autem ista in eum jure esse credendum, qui præter hoc quod æqualis est Patri, Salvator noster est redimens nos; et Christus, id est rex, regens nos, et unicus Dominus noster, spoliato antiquo hoste, singulari dominio suo adsciscens nos.

« Qui conceptus est de Spiritu sancto, » id est, cuius conceptionis solus auctor fuit Spiritus sanctus. Sicut enim vermis calefaciente sole de puro limo formatur; sic Spiritu sancto illustrante et sanctificante cor Virginis, caro Christi de sola carne Virginis nulla sementina carnis origine operante concepta est. Unde se vermi comparans per Psalmistam dicit : « Ego sum vermis et non homo (*Psalm. xxi*) ; » id est, non conceptus humano more. « Natus ex Maria Virgine ; » id est, sicut non aperuit uterum matris conceptus, sic nec aperuit partus. Non, ut quidam sceleratissime opinantur, Spiritum sanctum dicimus pro semine, sed potentia a virtute Creatoris operatum. « Hoc Verbum caro factum est (*Ioan. i*) ; » hoc est, homo factus est cooperante Patre et Spiritu sancto conceptus a Virgine, et natus ex Virgine, ut ineffabili generationis argumento ipse esset in Virgine Creator sui, qui se per Spiritum sanctum operabatur creandum. « Passus sub Pontio Pilato. » Pilati mentio ad temporis significationem, non ad personæ pertinet dignitatem. « Crucifixus, mortuus, et sepultus. » Infirmi incarnati Verbi commemorantur, de quibus dicit Apostolus : « Quod infirmum est Dei, fortius est hominibus (*1 Cor. i*). » Ideo enim passus est, ut nos ad impassibilitatem reformaret. Ideo crucifixus est, ut nos a cruciatibus æternis liberaret. Ideo vera morte mortuus est : sicut vera nativitate natus est, ut nos a morte sempiterna liberaret. Ideo sepultus est, ut

A nos sibi vitiis et concupiscentiis consepelet. Unde dicit Apostolus : « Conseulti sumus Christo per baptismum in mortem, ut quomodo surrexit Christus a mortuis per gloriam Patris : ita et nos in novitate vitæ ambulemus (*Rom. vi*) ; » id est, omni vetustate deposita, conformemur Christi similitudini. Hæc ergo infirmitas Christi superavit omnem fortitudinem mundi. « Tertia die resurrexit a mortuis. » Triduanæ sepulturæ mors evidenter ostendit, quod dum corpora in sepulcro jacuit, anima illa de inferis triumphavit : « Ascendit ad cœlos. » Ideo conditionem naturæ nostræ quam de homine matre natus assumpsit, super cœlos ad dexteram Patris collocavit. « Sedet. » Quod autem sedere dicitur, non significat membrorum positionem, sed judicariam potestatem. « Ad dexteram Dei Patris omnipotentis. » Ad dexteram vero in summa beatitudine intelligendum est dictum esse; sicut ad sinistram constituentur hædi; id est in ultima miseria. « Inde venturus est judicare vivos et mortuos. » Vivos autem et mortuos judicabit; id est quos ante mortem nostram adventus ejus inveniet, et quos jam mortuos, resuscitatibit : sive justos et peccatores, dicit vivos et mortuos. Attendant hujus fidei professores in hoc Symbolo, ad hoc Christi humanitatem, per quam reconciliati sunt, commemoratam, ut ingrati non existant beneficis Redemptoris sui, qui eos per suam humanitatem reconciliavit, per deitatem absolvit, ne jure divino priventur paternis bonis, propter ingratitudinem sibi adjudicatis. « Credo in Spiritum sanctum, » æqualem et consubstantiam Patri et Filio, ab utroque æqualiter procedentem. Unde et ita in eum credendum est, sicut in Patrem et in Filium. « Sanctam Ecclesiam catholica-  
m, » id est Ecclesiam orbis terrarum; non eam de qua dicitur : « Ecce hic, et ecce illic (*Matth. xxiv*) ; » id est quæ in cubiculis esse dicitur, vel in deserto; sed eam quæ diffusa est toto orbe terrarum, et in unitate fidei solidata. « Sanctorum communionem; id est ecclesiasticorum saeramentorum veritatem, cui communicaverunt sancti, qui in unitate fidei de hac vita migraverunt. « Remissionem peccatorum. » Non tantum eorum quæ per baptismum remissa sunt; sed etiam eorum quæ per humilem confessionem digna satisfactione mundata sunt. « Carnis resurrectionem, » quæ in adventu Domini communis futura est; sed bonis malisque dissimilis, secundum quod Apostolus ait : « Omnes resurgemus; sed non omnes immutabimur (*1 Cor. xv*), » subintelligendum est in melius. « Vitam æternam, » hoc est quod idem Apostolus dicit : « Oportet enim corruptibile hoc induere incorruptionem, et mortale hoc induere immortalitatem (*ibid.*) : » Hæc duodecim capitula ad regulam veræ fidei firmissime pertinentia, fideliter credenda sunt, fortiter tenenda, veraciter, patienterque defendenda, et si quem his contraria dogmatizare noverimus, tanquam pestem fugiamus, et tanquam hæreticum abjiciamus. Ita enim ista quæ posita sunt, et compendiosis vocibus

comprehensa sunt, ita catholicæ fidei congruant, et hæretice pravitati occurruunt, ut huic regulæ firmiter adhaerentes non sinantur errare, et a tramite recte fidei deviare. Quisquis autem aliter sapere voluerit, oremus ut hoc ei Deus revelare dignetur. Nos autem in eo quod accepimus ambulemus, et in eo quo certum nobis est, firmiter perseveremus. Hoc Symbolum docete spirituales filios vestros, pro qui-bus in baptismo sponzionem fecistis, quos de sacro fonte suscepistis. Hoc docete filios vestros, quos de carne vestra suscepistis. Illoc docete eos quos in clientelam vestram admisistis; quatenus per disciplinam vestram omnem errorem caveant; ea quæ iuimica sunt Christianæ fidei fugiant, et ea quæ apta sunt tota virtute perficiant. Præstante Domino nostro Iesu Christo, qui vivit et gloriatur cum Patre et Spiritu sancto per immortalia sæcula sæculorum. Amen.

## SERMO XXIV (3).

*De adulterino habitu virorum vel mulierum.*

Audivimus ex parabola evangelica quemdam patremfamilias nuptias filio suo fecisse, et ad eas plurimos invitasse. Inter quos **304** cum ingressus esset quidam non habens habitum nuptiale, visus a patremfamilias, jussus est non tantum a nuptiis excludi, sed in tenebras exteriore retrudi. Hæc parabola insensatos homines hujus temporis evidenter redarguit, quamvis altiori discussione aliquid secretius et sacratius possit intelligi. Prius ergo quæramus quis sit iste patremfamilias, quis iste filius, quæ sint istæ nuptiæ. Quibus perspectis facilius intelligere poterimus cur ille ab his nuptiis exclusus sit, qui ad eas cum adulterina ueste accessit. Intelligimus itaque hunc patremfamilias Deum Patrem omnipotentem, cui famulantur universæ familie gentium; qui coæternum et coæqualem sibi genuit Filium, in caelis sine matre, in terris sine patre; cui nuptias fecit quando ei Ecclesiam ex omni genere hominum sociavit. Ad hanc Christi et Ecclesiæ societatem convocati sunt nobiles, ignobiles, divites, pauperes, omnis conditio, omnis sexus, omnis ætas. Inter hos accessit unus qui solus excludi meruit, quia habitum talium nuptiarum sanctitati congruentem non habuit. Attendite, fratres. Iste unus multi sunt, et tamen tota hæc multitudo unitatis nomine comprehenditur. Multi enim sunt quantum ad numerum personalis discretionis, sed unus sunt per consonantiam unius pravitatis. Sicut enim una Ecclesia est per fidem sub capite Christo, ita tota reproborum multitudo sive pateat sive lateat, unum corpus est sub principe diabolo. Qui ergo per infidelitatem manifeste a Deo recedit, ad has nuptias non accedit. Qui vero infidelis est, accedit corpore, recedit mente; nobiscum intrat Ecclesiam, communica nobiscum Christi mensam. Boni et mali pisces adhuc latent intra retia donec dividantur in littore. Adhuc toleratur palea donec ventiletur area. Tunc

(3) Hic sermo jam a Jureto editus in calce epistolarum ex v. c. S. Victor. Paris. iterum emititur

A manifeste apparebit, « quia multi vocati, pauci electi (*Matth. xxii.*) ». Tunc iste adulterator habitus nuptialis jussu patremfamilias manifeste excludetur, et in carcerem retrudetur. Interiu tamen amici sponsi talem simulatorem non ignorant, quia impudicus habitus corporis nuntius est adulterati cordis. Impudicus autem habitus corporis est in viris superflua et inordinata capillatura, vestimentorumque mulierium affectata similitudo, calceamentorumque metas necessitatis excedens simulata longitudine. In mulieribus facies fucata, virilium vestimentorum imitatio, capillorum nativi coloris adulteratio. Hic habitus in utroque sexu adulterinus est, et sanctarum nuptiarum societate indignus, et a conspectu tanti sponsi et tante spose prorsus amoenus.

B Nec silentio præsterire hoc debent amici sponsi diligentes decorem domus Dei, debent hujusmodi adulteriis publice adlatrare; ne dicatur de eis: « Canes muti latrare non valentes (*Isa. lvi.*, 10). » Qui enim quantitatem vel formam quam omnipotens et prudentissimus Plasmator fixit, in aliam transfigurare contendit, nonne evidenter dicere videtur ei qui se fixit, cur me fecisti sic? Improba temeritas, conditoris plasma ita vilificare, ut quantitatem suam et formam quantum in se est, in aliud transfiguret, quod si a natura haberet, incomparabiliter se habere doleret. Nec ista dicimus a nobis tanquam ex nobis. Habemus patres nostros doctores egregios, qui ante nos contra ista scriperunt, et irrefragabili auctoritate damnaverunt. Audiamus Paulum doctorem gentium, de superflua capillatura dicentem Corinthiis: « Vir si comam nutriat, ignominia est illi (*1 Cor. i.*). » Cum enim vir ex Dei ordinatione primatum habeat super mulierem: qui contra honorem sui sexus superfluitate capillorum caput velat, primatum suum sibi abjudicat, ut merito de eo dicatur: « Homo cum in honore esset non intellexit; comparatus est, ut vera dicamus, non tantum mulieribus, sed etiam clementi jumentis insipientibus (*Psal. xlvi.*). » Judicio enim legum, jure ab obtenta dignitate dejicitur, qui privilegio sibi commisso abutitur. Audiamus et beatum Cyprianum, egregium martyrem et suavissimum doctorem, de adulterino habitu disputantem. Dicit enim in epistola quam scribit de habitu virginum: « Opus Dei et factura ejus, et plasma ejus nullomodo adulterari debet, exhibito flavo colore vel nigro, vel quolibet [vel nigro pulvere vel rubore aut quæ] denique lineamenta nativa corrupte, medicamine. Dicit enim Deus: « Faciamus hominem ad imaginem et similitudinem nostram (*Gen. i.*). » Et audet quisquam mutare et convertere quod Deus fecit? Manus Deo inferunt, quando id quod ille formavit, reformare et transfigurare contendunt, scientes [nescientes] quia opus Dei est omne quod nascitur, diaboli quocunque mutatur, recognitus ad exemplaria mss. Bibl. Regiae et Petavianæ.

Si quis pingendi artifex vultum alicujus et speciem A et corporis qualitatem æmulo colore signasset, et signato jam consummatoque simulacro manus alius afferret [inferret] et jam formata, jam picta quasi peritior reformaret, gravis prioris artificis injuria, et justa indignatio videretur. » Et in sequentibus : « Non metuisme, cum resurrectionis dies venerit, artifex tuus te non recognoscet : ad sua præmia et promissa venientem removeat et excludat ? increpans vigore censoris et judicis dicat : opus hoc meum non est, nec imago hæc nostra est, cum te falso (4) medicamine polluisti, cum fermam quam tibi dederam mendacio deformasti : facies corrupta est, membra aliena sunt. Deum videre non poteris quando oculi tibi non sunt quos Deus fecit, sed quos diabolus infecit (5). Audite me itaque ut parentem, audite, quæso, vos docentem, pariter ac monentem, audite utilitatibus vestris et commodis fideliter consulentem. Estote tales quales vos Dominus artifex fecit. Estote tales quales vos manus patris instituit. Maneat in vobis facies incorrupta, cervix pura, forma sincera : a calceamentis superfluis pedes liberi (6), crines nullo colore suctati, oculi conspicioendo Deo digni. Apostoli vox est, quem Dominus vas electio- nis appellavit. Dicit enim : « Primus homo de terra terrenus, secundus homo de cœlo cœlestis « Sicut portavimus imaginem terreni, sic portemus

(4) Autem falso. Reliqua paulo aliter apud Cypri anum.

(5) Sequentia etiam desumpta sunt ex Cypriano.

« imaginem cœlestis (*I Cor. xv.*). » Hanc imaginem portat virginitas, portat integritas, portat sanctitas et veritas, portant disciplinæ Dei memores, justitiam cum religione retinentes, stabiles in fide, humiles in timore, ad omnem tolerantiam fortes, ad sustinendam injuriam mites, ad faciendam misericordiam faciles, fraterna pace unanimes [*v. c. uniam*] atque concordes : » quæ omnia observare, diligere et implere debemus, ut Apostoli præceptum adimpleamus : « Empti enim estis pretio magno, glorificate et portate Deum in corpore vestro (*I Cor. vi.*)... » Deum enim in corpore nostro portamus, cum imaginem ejus per immundas et profanas adiunctiones non deformamus, cum per omnia servitutis obsequia Redemptoris imperio parere stude- mus. Ita enim imaginem suam in nobis recognoscet, et nuptiali ueste ornatos a suo sanctorumque consortio non excludet : quod nobis misericorditer præstare dignetur qui vivit et regnat Deus per omnia sæcula sæculorum. Amen.

#### SERMO XXV.

##### DE UNO SANCTO MARTYRE.

(*Exstat in Appendice ad Sermones Augustini, Patrologiæ tom. XXXIX, Opp. Augustini V, parte II, col. 2158. Inc. : « Triumphalis beati martyris. » — Vide Notitiam litterariam Operum S. Iovonis tomo I præfixam, num. 4.)*

(6) Apud Cyprianum, sint a compedibus aureis pedes liberi.

## DUBIA.

## SERMONES SEX AD POPULUM.

*Exstant Patrologiæ tom. CXLVII, col. 219, in notis ad Joannem Abrincensem. — Vide Notitiam litterariam, num. 4.*

## MICROLOGUS DE ECCLESIASTICIS OBSERVATIONIBUS.

(Iloc opusculum, jam a nobis editum tomo CLI (col. 974), Ivoi vindicat Henricus Warthonus in *Auctario ad Usserium de Scripturis sacrisque vernaculis*, pag. 359 : — *Ex codice ms. bibliothecæ Lambethanaæ*, inquit, *Ivoneum Micrologi auctorem esse* (quod quidem hactenus eruditos latuit) deprehendi. *Codex enim ipse præclaræ vetustatis est, Ivone haud multo inferior, adeoque nihil non fidei meretur. Vide Notitiam Fabricii Opp. Iovonis tomo I præfixam.)*

## LECTORI.

**305** Fuerat animus edere Chronicum satis amplum a Nino usque ad Ludovicum Pium, cuius quidem media pars jam in corpore historiæ Franciæ edita fuerat sub nomine Iovonis episcopi Carnotensis : quod etiam integrum manuscriptum ex monasterio Sancti Ebratphi recuperatum habuimus sub eodem nomine Iovonis epi-